

301  
L - 79

1053

11823

03 MAY 2013

1 DEC 2009

ՀՐԱՏԱՐԱԿՈՒԹԻՒՆ Գ. ԳԱԼԱՏԵԱՆԻ և ՅԵՒ

25 SEP 2006

300

1320-60

301  
5-79

ԱԽԻԼ ԼՈՒԿԻ

ԿՎ

Ս Օ Ց Ի Օ Լ Օ Գ Ի Ա

Զբաղման առարկան, դպրոցները եւ նորագոյն  
յառաջադիմութիւններ.

1003/05

Դասախոսութիւններ կարդացուած Պաղուայի հա-  
մալպարանում 1900 թուի յոնուարից մինչեւ  
մայիս:

Գերմաներէնից թարգմանեց

Pessimist



ԹԻՖԼԻՍ

ԷԼԵՔՏՐԱՍԵՐՎ ՏՊԱՐԱՆ 07, Ն ԱՐԱԵԱՆԻ ՊՈԼԻՑ. 7.  
1909

ՀԵՂԻՆԱԿԻ ՅԱՌԱԶՄԱԲԱՆԸ ԳԵՐՄԱՆԵՐՔՆ ՀՐԱ-  
ՏԱՐԱԿՈՒԹԵԱՆ ՀԱՄԱԲ

«Մի գիտութիւն, որ դեռ Գերմանիայում չի  
գրաւել այն տեղը, որ նրան պիտի յատկացուի, սօցիօ-  
լոգիան է։ Գերմանիայում նրա վրայ դեռ ևս կասկա-  
ծու աչքով են նայում. նրա ընթացքը, գործը, մե-  
թոդը, բոլորը դեռևս քննադատութեան և վէճի նիւթ  
է»։ Այս խօսքերը, որ Լէքսիսը իւր 1900 թուին Փարի-  
զում տեղի ունեցած Congrès international de l'enseig-  
nement des sciences sociales \*) ժողովում տուած գիտա-  
կան տեղեկագրում գրում է, ցոյց են տալի այն կի-  
սաքուն գրութիւնը, որի մէջ զանւում է այժմ Գեր-  
մանիայում սօցիօլոգիան։ Յիրաւի, թէև այժմ Գեր-  
մանիայում կան համարձակ գրողներ, որոնք նոր գի-  
տութիւնը խորագննին հետազոտութեան նիւթ են  
դարձրել, թէև նրա արժէքը, իրու անկախ գիտու-  
թեան, մի քանի նորագոյն աշխատութիւններում պար-  
զապէս ընդունուել է—այնուամենայնիւ չպէտք է ուրա-  
նալ, որ գերմանական ազգը անտարբեր կամ ժխտող  
է մնացել այն մեծ, փառաւոր շարժման վերաբերմամբ,  
որ սօցիօլոգիական միտքը առաջ է բերել Եւրոպայի  
արևմուտքում և Միացեալ Նահանգներում։

Սա մի բաց է, որի համար պէտք է ցաւել և շատ

\*) Միջազգային կօնզրէս սօցիալական գիտու-  
թիւնների գասաւանդութեան։

հիմքեր կան այդ բանի համար: Նախ որովհետև Գերմանիայի աջակցութիւնը գիտական արտադրութիւնների խնդրում, հետազօտութիւնների զանազան ասպարէզներում աւելի քան կարեոր է և այդպիսի մի աջակցութեան պակասութեան այն հիմնական գիտակարգի վերաբերմամբ, որին պատկանում է այժմ խօսքը, անտարբերութեամբ չի կարելի նայել: Խնչպէս մի տընտեսական նորութիւն, որից եթէ հեռու մնայ Անգլիան, անպտղաբերութեան կդատապարտուի, նոյնպէս մի գիտական նորութիւն, որից հեռու մնայ Գերմանիան, միշտ էլ անպտուղ կմնայ: Այն կօնկրէտ փաստը, որ Գերմանիան նոր գիտութեամբ չի հետաքրքրուում, աւելի քան ցաւալի է. երբ մարդ մտածում է, որ սօցիօգիան իւր վճռական յառաջադիմութիւնը պատմութեան և քաղաքատնտեսութեան ջանքերից է սպասում, այսինքն այն գիտութիւններից, որոնք Գերմանիայում ամենափառաւոր և փայլուն հետևանքների են հասել հակառակ Անգլիայի և Ֆրանսիայի, որտեղ սօցիալական ուսումնասիրութիւններում նախապատմական և կենսաբանական ուղղութիւններն են իշխողները: Այս պատճառով շատ ցանկալի է յօդուտ ընդհանուր գիտական յառաջադիմութեան և նոր գիտութեան վերջնականապէս հիմնաւորման, որ վերջապէս այն սառը կասկածը, որով գիտական Գերմանիան սօցիօգիայի սկզբնաւորութիւնը ողջունեց, վերջանար և որ ուժեղ գերմանական հոգիները տաք կերպով նույիրուեին նրա օրէնքների հետախուզութեան, նրա հետևանքների կարգաւորման և հիմնաւորման:

Իրերի այսպիսի գրութեան քննութիւնը և սրան օգնութիւն հասցնելու անհրաժեշտութիւնն էր անշուշտ պատճառ, որ Դր. Կ. Հայսը միաք յղացաւ այս փոքրիկ գիրքը գերմաներէն հրատարակել: Պատուայի

համալսարանի բոլոր մասնաճիւղերի ուսանողների խնդիրը առիթ է դառնում նոր սօցիօգիական գիտութեան ամենաընդհանուր գաղափարները՝ բացատրել, նրա գլխաւոր դպրոցները, կարեոր ուսմունքները և նրա աչքի ընկնող յառաջադիմութիւնը թեթև և հեշտ ձևով արտայայտել. ահա այս գրքի էջերում նոր գիտութեան գրած դժուարին և ընդարձակ պլրօբլեմների խորիմաստ քննութիւնը չկայ և սրանց մասին սուղ տեղում միայն աղօտ և անկատար բացատրութիւն կարող եմ տալ: Սակայն թոյլ տրուի ինձ հաւատալ, այս գործը, չնայած իւր հեշտութեանը մեծ դժուարութեամբ եմ կատարել. (մի հին իտալացի երաժիշտ ասում է. շատ դժուար է դիւրըմբոնելի լինել.) այս գործը նրանց համար անօգուտ չի լինի, որոնք նոր գիտութեամբ, հրապարակի տաք կոռուի նիւթով են ուղում զբաղուել: Թոյլ տրուի ինձ հաւատալու, որ այս գիրքը բախտ կունենայ Գերմանիայում մի հասկացող և բարեխիղճ քննադատ գտնելու, առնուազն կցը գերմանական ազգի կասկածամտութիւնը ընդդէմ նոր գիտութեան և մտածողների ժողովրդի կողմից իրեր նոր ուսումնասիրութեան ասպարէզ համակրութեան և մասնակցութեան կարժանանայ: Այսպիսի մի յոյսի իրականացումը կլինի իմ մեծ վարձատրութիւնը. աշխատանքիս համար ցանկալի պատկը:

Ախիլլ Լոռիա

Յունիս, 1901.



# ԵՐԿՈՒ ԽՕՍՔ

Հասարակութեան միտքը մեզանում օրէցօր արթ-նանում է, բայց դժբախտաբար մեր հասարակութեան կարող գործիչները չեն տալի այդ մտքին յարմար կերակուր, հնարաւորութիւն տալու համար անսայթաբ և զինուոտ առաջ գնալու Հասարակական խնդիրներին վերաբերեալ եղած գրականութիւնը աւելի շատ թեթև, բրոշիւրային ընոյթ ունի, մինչդեռ անհրաժեշտ է փոքրի շատէ լուրջ, գիտական գրուածքներ առաջարել հասարակութեանը յախուռն և միակողմանի քայլերից զերծ պահելու նրան: Ի նկատի ունենալով այն հանգամանքը, որ հասարակութեան ինքնագիտակցութեան համար աւելի քան կարեոր է զբաղուել ըստ էութեան այն խնդրի հետ, թէ ինչ է ընդհանրապէս հասարակութիւնը ինքը, ինչպէս է կազմում, ինչ ոյժերով կառավարում, կարեոր եմ համարում լոյս ընծայել մի փոքրիկ թարգմանական աշխատանք:

Այս գրքոյն էլ պէտք է ասել, ինչպէս հեղինակն է խոստովանում, խիստ գիտական չէ, բայց սրա առաւելութիւնն այն է, որ կարձ և ամփոփ կերպով առաջարում է այս հարցի մասին եղած գլխաւոր հայեցակէտերի էութիւնը և տալիս է նրանց քննադատութիւնը:

Պարտք եմ համարում յայտնել, որ ինքս հեղինակի պաշտպանած հայեցակէտի հետ համաձայն չեմ:

Թարգմանիչ

27 փետր., 1909.

Շուշի:



## ՍՊԵԶԻ ԴԵՍԱԽՈՍՈՒԹԻՒՆ

Սօցիոլոգիայի զբաղման առարկան

Սօցիոլոգիան նոր ժամանակի գիտութիւն է և այսօր իրաւամբ նոր գիտութիւն ածականին արժանի. այսպէս է անուանում իւրաքանչիւր դար այն ուսմունքներին, որոնք սկիզբն են առնում այդ դարի հետ: 18-րդ դարում այդպէս են անուանել ժամանակաշիւր կիկօն պատմութեան փիլիսոփայութիւնը և Դիւպօն դ'Նէմուրը քաղաքատնտեսութիւնը: Գուցէ և հակասական երևայ, բայց պէտք է աւելացնեմ, որ սօցիոլոգիան թէև սօցիալական գիտութիւնների մէջ ամենանորն է, միաժամանակ նաև ամենահինն է: Արդեօք այս ինչպէս է հնարաւոր: Այս բանի հիմքը հեշտ կը հասկանայ և չի զարմանայ նա, ով մարդկային մտքի զարգացումը իւր մտածողութեան նիւթ է դարձրել: Այստեղ երևում է իսկապէս մի շատ պարզ և հիմնական ճշմարտութիւն: մարդը բնութիւնից արդէն հանրագիտակ է և հակուած է ընդհանրացման: միայն երկար զարգացման պրոցէսը նրա մէջ զարթեցնում է վերլուծելու և մասնաւորելու ունակութիւն: Բնութիւնը ստեղծում է հանրագէտներ, միայն կրթութիւնն է տալի մասնագէտներ: Ալէքսանդր Դիւման իրաւունք ունէր նուրբ սրամտութեամբ նըշկատելու, որ մասնագէտը մեր նորագոյն կրթութեան ապուշն է և այս մի փոքր կոպիտ նախադասութեան

մէջ կայ մի անժխտելի ճշմարտութիւն՝ որ մարդը իւր բանականութիւնով բնութիւնից անվտանգ է ելնում և միայն պատմութեան երկար աշխատանքը ծնում է կրթուած մարդուն իւր փոքր, հատ ու կտոր և նուազ խելքով: Այս է պատճառը, որ մարդկային մտքի առաջին արտայայտութիւնները զանազան ճիւղերում ոչ թէ մասնակի, այլ ընդհանուր բնաւորութիւն ունին. այդ արտայայտութիւնները ոչ թէ երկոյթի մի կողմին կամ միայն մի երկոյթի են վերաբերում, այլ դիտողին երկացող երկոյթի ամբողջութեանը: Միայն աւելի ուշ շրջանում երկում են այն մակերևոյթային և պակասաւոր դրութիւնները, որոնցից չի կարողանում ազատ մնալ սկզբնական և կոսկիտ հանրագիտութիւնը. այս պատճառով սկսում է համբերատար մասնագիտական աշխատանք, որը սկզբում ուսումնասիրած բազմածալ երկոյթները իւր հետախուզութեան շրջանն է առնում, որպէսզի կարողանայ եղած բացատրութիւնները երկար, ջանասէր քննութեան ենթարկել: Այսպիսով միտքը թէն ծաւալով նեղանում է, բայց դրա փոխարէն խտանում է և հնարաւոր է դառնում երկոյթների ներքին կողմի բացատրութիւնը, նորից կրկնում է միենոյն պրօցէսը մի այլ յատուկ երկոյթի վերաբերմամբ, ապա կրկն մի ուրիշ վերաբերմամբ: Այսպէս կարող է ամեն ոք բնութիւնը և նրա ընթացքը պարզ կերպով որոշել: Միայն այն դէպքում կարելի է դիմել բոլոր երկոյթների համարական (սինտետիկ) ուսումնասիրութեանը, երբ այդ երկոյթները առանձին առանձին յատկապէս և խորը ուսումնասիրուել են. միայն այդ ժամանակ հնարաւոր է դարեր շարունակ կատարած զատումները միացման վերածել. միայն այդ ժամանակ կարելի է ոլէտք է սկզբնական հանրագիտութիւնը վերա-

կանգնել, որը սակայն առաջինի նման մակերևոյթային և անգէտ չէ, այլ որոշ մեթոդով է և գիտականօրէն ամրապնդուած դրական և փորձնական հետազոտութիւններից ստացած վստահելի աղբիւրների վրա:

Այս երկոյթը մարդկային մտքի հրաշալի նըմանութիւնն է. սա մի երկանդամ (բինօմ) օրէնք է, որը մարդու մտքի և կեանքի այս ու այն արտայայտութիւններում երեան է գալի: Մարդը սկսում է իւր կեանքը հանրագիտութեամբ և հպարտութեամբ պընդում է homo sum, humani nihil a me alienum esse ratio \*): Այնուհետև ձանձրացած մակերևոյթային և անպլտղաբեր հանրագիտութիւնից սկսում է մասնագէտ դառնալ և հետզհետէ սկսում է մասնագիտական աշխատանքներով պարզել և բաց անել ընդհանուր երեւոյթների մասնաւոր տարրերը. վերջապէս, երբ այս աշխատանքը որոշ չափով կատարւած է լինում, նոր հետախուզողը սկսում է ձեռք բերուած արդիւնքների մի համտղբութիւն և վերականգնում է հանրագիտութիւնը, սակայն ոչ նախկին յախունն ձեռվ, այլ լաւ մտածուած և գիտական հանրագիտութիւն, որը հիմնում է ամենալընտիր հետազոտական մեթոդների և յատուկ ուսումնական ձեռք բերած տեղեկութիւնների վրայ: Այս է պատճառը, որ բոլոր գիտութիւններն էլ, երբ առանձին երկոյթները հիմնաւորապէս վեր են լուծում և նրանց վերջնական պատճառները գտնում, միայն այն ժամանակ սկսում են իրենց փայլուն և գիտական համարական աշխատանքը, որը և յեղափոխականացնում է մարդկային միտքը հետա-

\*) Մարդ եմ և կարծում եմ, ոչինչ մարդկային ինձ խորթ չէ:

խոզութեաց ճամփի ընդարձակ համանաների համար: Կամ թէ մեռ թագիալութիւնները սկսում են հէնց այն ժամանակ, երբ մեռնեածութիւնը (անալիք) յառաջադիմութեան ամենամեծ քայլերն է արել: Այս բանը բնական է, քանի որ երկու տրամաբանական գործողութիւններն էլ միմեանց հետ ամենասերտ կերպով կապուած են: Երբ հնարաւոր է դառնում ամենամանը երևոյթները ըմբռնել, կարելի է դառնում նիւթի բոլոր արտայայտութիւնները ընդգրկել և այսպիսով նրան մի ընդհանուր ձևի տակ միացնել:

Այս բոլորի համար ամենալաւ ապացոյցը սօցիօլօգիայի կատարած ընթացքն է: Մարդկային հետախուզութիւնների արշալոյսին սօցիալական երևոյթներով զբաղուող մտածողները ուսումնասիրում էին ոչ թէ այս կամ այն երևոյթը, օրինակ իրաւական, քաղաքական կամ կրօնական, այլ սօցիալական կեանքը ամբողջապէս խորհրդածութեան նիւթ էին դարձնում, հետազոտում էին նրա էութիւնը և նրա օրէնքները: Ուրիշ կազմով հին դասու մտածողները, որոնք մարդկութեան ընդհանուր երևոյթներով են զբաղուել, իսկ կապէս սօցիօգներ են, եղել և գրել են սօցիօգիա, ինչպէս Մոլիերի մի հերոսը, պ. Ժուրդէնը արձակ գրուածներ է գրում, առանց իմանալու, որ իր գըրուածը արձակ է: Մարդկային ցեղի երկու ուսուցիչները, Պլատոն և Արիստոտելը, իրենց գրուածքները անուանել են «պոլիտիկա»-ներ, թէև իրօք այդ գըրուածքները սօցիօգիային՝ են վերաբերում, որովհետեւ նրանք ներփակում են և գրաւում են սօցիալական կեանքի բազմազան երևոյթները, որովհետեւ նրանք հաւասարաչափ անկողմնապահութեամբ զբաղում են իրաւական, տնտեսական, բարոյական, քաղաքական և այլ երևոյթներով, պարզ պերճախօսութեամբ բացա-

տրութ են նրանց փոխադարձ աղդեցութիւնները և նրանց խճճուած զրութիւնը: Յիշաւի հին դարի սօցիօգիական համադրութիւնը համկանալի պատճառով մակերևոյթային էր, շատ անգամ երեխայական, աւելի համապատասխան մի շրջանից, երբ, Մակոլէյի խօսքով ասած, իրերի փիլիսոփայութիւնից առաջ իշխում էր խօսքերի փիլիսոփայութիւնը: Այսուհետև հետեւեալ մտածողը չդանդաղեց ճանաչելու այն անհրաժեշտութիւնը, որ դատարկ և անպատճ ընդհանրացութեամբ պէտք է թողնել և գալ սօցիալական երևոյթների մանրակրկիտ և համբերութիւն պահանջող վերլուծութեան: Արդէս հին Հռոմում մենք չենք պատճառում այլևս հանրագէտների, որոնք ուսումնասիրում են մարդկային հասարակութեան կազմն ու օրէնքները: այլ տեսնում ենք մի խումբ մասնագէտներ, որոնք սօցիալական երևոյթներից միայն մէկն են հետազոտում, այն է իրաւունքը: Նոյնպէս միջին դարում եղել են մասնագէտներ, որոնք մանրակրկութեան հասցրած հանգստութեամբ այս կամ այն երևոյթը հետախուզել են, օրինակ եղել են աստուածաբաններ, եկեղեցական իրաւաբաններ: Այսպիսով պատճութեան երկար աշխատանքը յունական փիլիսոփայութեան դուրսեկան և համաչափ ձևերի մէջ մտցրեց լատին իրաւաբանների և միջնադարեան մեկնիչների անկիւնաւոր և խորդ ու բորդ ձևերը: Վերածնութեան դարձում; երբ կազմում են բացարձակ և կեղրուական կառավարութիւններով պետութիւններ, հանգէս են գալի քաղաքագէտներ, որոնք աւելի կամ պակաս բախտով մի աւելի լաւ կառավարութեան օրէնքներ են մշակում: Նրանց կողքին ծաղկում են պատճառի բարոյական, պարոյական, քաղաքական և այլ երևոյթներով, պարզ պերճախօսութեամբ ըլխաւոր և բրոդ օրէնքներն են հետախուզում: Աւելի ուշ, երբ

կապիտալը իւր գիւթական գաւազանով հանդէս է բերում խոչոր գործարաններ իրենց բազմերանգ հետեւանքներով, ճոխութիւն, թշուառութիւն, սով, ծաղկում է քաղաքատնտեսութիւնը, որը իւր ինդիրն է դարձնում ուսումնասիրելայն օրէնքները, որոնց հիման վրայ ստեղծում է և բաժանում հարստութիւնը՝ վաճառականութեան զարգանալը առաջ է բերում վաճառականութեան օրէնքները. Նոր կապիտալիստական կուլտուրայի թունաւոր պառուղ յանցաւորների շատանալը պատժական օրէնքը գիտութեան աստիճանին է բարձրացնում:

Սոցիալական կեանքի զանազան երևոյթների այս ձեռվ վերլուծութիւնից առաջ եկած գիտութիւնները, զարգացան միմեանցից անկախ և զանազան ուղղութիւններով, առանց մէկը միւսի մասին մի բան իմանալու: Ճիշտ է այնուամենայնիւ, որ իւրաքանչիւր գիտութեան վերաբերեալ ձանձրալի դասագրքերը միշտ հնուց մնացած սովորութիւնը—մի վլուխ նույիրել զանազան գիտութիւնների, միմեանց հետ ունեցած առնչութիւնների մասին—պահում էին. սակայն այս բացառապէս քննութիւն տուողների զուարճութեան համար կազմուած սխօլաստիցական վարժութիւններ են, որոնց մէջ միայն շատ աղօտ տեսութիւն է տրում այն օրգանական կապի մասին, որը սոցիալական գիտութիւնները կապում է նրանց ուսումնասիրութեան նիւթ կազմող երևոյթների հետ: Կայ, այսպէս կոչուած, իրաւունքի գիլիսովայութիւն, որը պահանջ է դնում իրաւաբանական զանազան գիտութիւնները վերածել միայն մի զօգմատիկ միութեան: Մի կողմ թողնելով այս աեսակ միացման հատու կտոր բնաւորութիւնը, այս վարդապետութիւնը, որ պահանջ էր դնում իրաւաբանական գիտութիւնները.

միացնել, ոչ այլ ինչ էր, քան եթէ դատարկ մետաֆիզիկա, որը առաջ էր եկել կամայական հիմքերից և գրական մեթոդի ամենատարրական պահանջների հետ ծանօթ չէր: Վերջապէս ինչ վերաբերում է միւս սոցիալական գիտութիւններին, նոքա մի միացնող համագրութեան ամենափոքր կարիքն անգամ չզգացին և բաւականացան նրանով միայն, որ սոցիալական իւրաքանչիւր յարաբերութիւն երկու կերպ արտայայտեն, մէկ նկարագրական գիտութեամբ և մէկ էլ նրայարաբերութիւնները ուսումնասիրող գիլիսովայութեամբ. այսպիսով նրանք տեղ բաց արին պատմութեան և պատմութեան գիլիսովայութեան, ստատիստիկայի և ստատիստիկայի գիլիսովայութեան, աշխարհագրութեան և աշխարհագրութեան գիլիսովայութեան, զարգացատնտեսութեան և սրա գիլիսովայութիւն և այլն համար. սրանցից առաջինները նոյնքան ծեծուած և փորձնական էին, որքան երկրորդները դատարկ և ծիծաղելի:

Որքան մասնագիտական աշխատանքը առաջ է գնում, որքան շատանում են այն իրականութիւնները, որոնց վրայ մասնագէտները փորձում էին իրենց արուեստը, այնքան աւելի կարիք է զգացւում մի արքայական պողոտայի, որը հետազոտութիւնների զատ զատ շրջանները պէտք է միմեանց հետ կապէ: Ուրիշ խօսքով վերլուծական աշխատանքի յառաջադիմութիւնը մի որոշ կէտում արդէն մի համակրական աշխատանքի անհրաժեշտութեան կարիքը զգացնել տուեց: Այս ձեռվ պէտք էր վերջապէս առանձին առանձին—իրաւունքի, բարոյականութեան, քաղաքագիտութեան, ստատիստիկայի վերաբերեալ—գիտութիւններից բարձրանալ հասարակութեան մէջ կատարուող բոլոր երևոյթները ուսումնասիրող մի գի-

տութեան կամ մի ընդհանուր սօցիօգիական գիտութեան: Այս ձևով նորից առաջ եկաւ Պլատոնի և Արիստոտելի համադրական գիտութիւնը, բայց որքան տարբեր նրանից: Յիշաւի այլ ևս չկայ մի զարդարդն գիտութիւն, ամբողջապէս ճարտասանութիւն և Փրազմեր, որ տուել էին նրան այն հոետորները, այլ մի գիտութիւն, որ առաջ էր եկել իրականութիւն նից և թուերից, զինուած հաշուի և դիտողութեան բոլոր միջոցներով, հարստացած անթիւ դրական ապացոյցներով, որոնց համել էին առանձին գիտութիւնները իրենց հարիւրամեայ զարդացման ընթացքում:

Այս միութիւնը, որը սպասում է այս գիտութիւնից, այլևս էին գիտութեան արուածի նման վերացական և մետաֆիզիկ չէ, այլ դրական և թանձրացեալ. նա այլևս բարձրից ցած չէ իջնում, այլ խորից վեր է բարձրանում. նա այլևս մի կամայական իդէաից չի սերուի, այլ իրականութեան վրայ կհաստատուի: Խնդիրն ուրեմն այն չէ, որ զանազան սօցիալական երեսյթները մի միակ և մշտական, վերացական մկրդբունքով միմեանց հետ կապուին, այլ խնդիրն այն է, գտնել այն մի և միակ բճիճը, որտեղ զանազան սօցիալական երեսյթները իրենց սկիզբն են առնում, գտնել այն պարզ և սկզբնական միակ երեսյթը, որից զարգացել են և կատարելագործուել զանազան սօցիալական իրականութիւններ, վերջապէս այս բոլոր իրականութիւնները մի ընդհանուր իշխող, հիմնական գաղափարի վերածել: Բաց անել այն բճիճային երեսյթը, այլևս նախընթացքը որոշել, որի օգնութեամբ զանազան սօցիալական երեսյթներ դուրս են եկել, պարզել այն օրգանական կապը, որը եղել է նրանց մէջ շնորհիւ նրանց մէջ եղած փոխադարձ ազգակցութեան, կամ սկզբնական նոյնութեան, վերջապէս բճիճային երե-

ոյթի կազմից և վիոխակերպութիւնից դուրս քերել սօցիալական օրգանիզմի կազմն ու վոփոխութիւնները, այս է սօցիօգիայի գործը, այս է նրա նպատակը: Սօցիօգիան իւր նորագոյն ձևով այն գիտութիւնն է, որը նպատակ ունի ուսումնասիրելու սօցիալական երեսյթների միատեսակ ծագումը, նոցա վոփութիւնը, ճետախուզելու հասարակութեան ստատիկ (statik) ու դիւնամիկը (dynamik). այն շրջանները ու կեանքի պայմանները, որոնցով նա անցել է նրա զանազան նշանները և յառաջադիմութեան օրէնքները և նրա հնարաւուր զարգացումը:

Նրա ամենաբարձր խնդիրը գերակշռում է մինչեւ նա հղած զանազան սօցիալական գիտութիւններից տրուած խնդիրներից. նա այնպիսի բնաւորութիւն ունի, որ առաջին հայեացքից թում է, թէ ոչ միայն մի մարդու, այլ և նոյնիսկ մի քանի սերունդների ոյժերից վեր է: Այս, հազիւ նոր ծնուռղ գիտութեան, վերջնական ամրապնդումը այնուամենայնիւ. ոչ մի մարդի և ոչ էլ մի սերնդի գործ է, թէկ այս բանը շատ աշխատանք կարող է պահանջել և դժուար լինել, թէկ գուցէ պահանջէ հետազոտողների շարքերի միացեալ ոյժ, այնուամենայնիւ նա կարող է անպայման այս խնդիրը իրականացնել, որովհետև համապատասխանում է մեր ժամանակի մի անպայման կարիքի, որովհետև նա մեր ժամանակի կուլտուրայի ցաւոտ բացի արտայայտութիւնն է. այն պատճառով է նա անխուսափելի, որ ինքն իրեն լրացնում է և յաղթանակում, Պարզ է, որ նոր գիտութիւնը գեռ չէ գտել իւր նիւտոնին և Կիպլիքին, բայց նրա երևալը արդէն չի թողնի, որ նրանք երկար սպասեն: Կարելի է ասել, որ սօցիօգիայի վերջնական ամրապնդումը 20-րդ դարու փառքն

է կազմելու, ինչպէս տնտեսագիտութիւնը 19-րդ դարունը և քաղաքական գիտութիւնները 18-րդ դարուն են եղել:

Նոր գիտութեան բնոյթը, բնաւորութիւնը, բովանդակութիւնը, պարզ կերևայ այն ժամանակ, երբ քնննք այն երեք դպրոցները, որոնք իրար ետևից ասպարէզը կոռուի տեղ են դարձրել և նրան տալիս են իրենց դրոշը և ուղղութիւնը: Իմացական դպրոց Օգիստ Կօնտի, կենսաբանական (biologisch) Հերբերտ Սպէնսերի և տնտեսական, որը կապւում է սովորաբար կ. Մարքսի անուան հետ: Այս ուսումնասիրութիւնը անելուց առաջ պէտք է մի քանի թիւր կարծիքներ փարատել որոնք սօցիօլոգիայի բնաւորութեան և նրա արտաքինի ազդեցութեան տակ դեռ ևս կիրառութեան մէջ են:

Մի քանիմները պնդում են, որ սօցիօլոգիան և պատմութեան փիլիսոփայութիւնը իրար ծածկում են, ուստի և սօցիօլոգիան մի աւելորդ գիտական յղացումն է, կամ մի ուրիշ բան չի անում քան թէ այն, ինչ որ վաղուց ի վեր գոյութիւն ունեցող մի գիտութիւն անպտուղ արել է: Սակայն անիրաւացի տեղը. նախ նոր գիտութիւնը պատմութեան փիլիսոփայութիւնից ջոկում է նրանով, որ վերջինս հասարակութիւնը վեր է լուծում միայն նրա շարժման ժամանակ, նրանից այն կողմը սակայն խմբական երևոյթները ոչ միայն շարժման, այլև կանգնած ժամանակները ուսումնասիրողը սօցիօլոգիան է: Կասկած չկայ, որ սօցիօլոգիան գիւնամիկին (շարժմանը) աւելի մեծ կարևորութիւն է տալի քան շտատիկին (կանգնանը). այն ժամանակից, երբ այն հիմնական դրութիւնը, ուրին յարում են նրա ներկայացուցիչների ամենախորը հետախուզութիւնները, զարգացման օրէնք է ճանա-

չուել: Սակայն այս բանը ոչ այլ քնչ է 7/4951 հետու տախուզութեան ներկայ դրութիւն Աթենա, Այածագութիւն, արդիմք կամ հեղինակների առաջնապատճենութիւն, որը նրանց մէջ պատահաբար գերազանց է կամ թէ մշտական իշխող նշան է նոր գիտութեան, որի դաւանանքները անմիջապէս գործադրելի են միայն մի պատմական ու կանգնած հասարակութեան վրայ: Բացի այդ սօցիօլոգիան պատմութեան փիլիսոփայութիւնից ատարելուում է նաև այն բանով, որ նա ոչ միայն պատմական փաստերն է ի նկատի ունենում, այլ ստախուտիքական, բարոյական, իրաւական, ընդհանրապէս մարդկային հասարակութեան բոլոր հիմնական երևոյթները: Այնուհետև պատմութեան փիլիսոփայութիւնը պնդում է, որ իւր ուսումնասիրած փաստերը մի ընդհանուր միութեան է վերածում, դնելով մի վերացական, մետաֆիզիկ, գերզգայական սկզբունքի դրոշակի տակ, մինչդեռ սօցիօլոգիան ոչ մի այդպիսի սկզբունք օգնութեան չի կանչում, չի պարունակում իւր մէջ ոչ մի ապրիորի կամ կամայական բան, այլ եղակի սօցիալական երևոյթները միութեան է վերածում, չամփոփելով այդ բոլորը մի իդէայի տակ, այլ մի փաստի կամ մի շաբը շօշափելի, պարտաճանաչ կերպով ուսումնասիրուած և հաստատուած փաստերի:

Աւելի ևս քիչ կարելի է համաձայնել նրանց հետ, թէ սօցիօլոգիային փոխարինում է իրաւունքի փիլիսոփայութիւնը և այսպէս սասած նրա ժառանգն է դառնում: Իսկապէս այս հայեացը իւր ականաւոր պաշտպանութիւնը գտնում է յանձին մեր նշանաւոր Արդիգոի, որը բնորոշում է սօցիօլոգիան իբրև մի ուսմունք արդարագատութեան բնական բաժանմունքի կամ ընդհանրապէս իրաւունքի: Սակայն մեր կարծիքով իրաւունքի բնական բաժանմունքի ուսումնասիրութիւնը

սոցիօլօգիայի խնդրի միայն մի մասն է և նա ներփակում է հասարակական կեանքի բազմապիսի արտայալտութիւնների վերլուծութիւնը:

Այս պատճառով պէտք է ճշմարտութիւնը խոս-  
տովանել, որ սօցիօգիտան փոխարինում է թէ իրա-  
ւունքի և թէ պատմութեան փիլիսոփայութիւնները,  
որովհետև ինչոր սոքա խոստացել են և նոյն իսկ էլ  
աւելին է տալիք. նոյնպէս քիչ բան կարող են ասել այս  
առթիւ փիլիսոփայութիւնը, աշխարհագրութիւնը, տըն-  
տեսութեան փիլիսոփայութիւնը և այլն, որոնք իբրև  
յաղթուած և մեռած գիտութիւններ պէտք է նկա-  
տուեն, որոնց դիրքերը նոր սկսող գիտութիւնը ան-  
կասկած գրաւելու է: Որոշ մտքով կարելի է պնդել  
որ սօցիօգիտան այս գիտութիւնների մահուան վճիռն  
է ստորագրել, բայց գուցէ աւելի ճիշտ կլինէք ասել  
որ նրանք արդէն վաղուց մեռած էին և սօցիօգիտան  
հազիւ ժամանակին նրանց մահը հաստատեց:

Զի արդարանում այն երկիւղը, որ շատ կողմերից  
է լսում, թէ սօցիօլօգիան զանազան եղակի սօցիալա-  
կան գիտութիւնների շրջաններում ոտնաձգութիւններ է  
անում կամ նրանց անչափ ոլորումներում շնչարգել է  
լինում: Խոկապէս հօնալը ուշադրութիւն է հրաւիրել  
այն բանի վրայ, որ նման տեսակի երկոյթների եղա-  
կի խմբակցութիւնները ուսումնասիրող գիտութիւննե-  
րի շարքում դեռ տեղ կայ նրանց համար, որոնք զա-  
նազան գիտութիւնների, գիտնականների գիւտերն են  
կարգի դնում և սիստեմի վերածում: Այժմ հենց սօ-  
ցիօլօգիայի խնդիրն է զանազան սօցիալական գիտու-  
թիւնների արդիւնքները սիստեմի տակ դնել և կար-  
գաւորել, նա այս բոլորը մի յայտարարի է բերում և  
բացատրում նոցա անպայման ծագումը միատեսակ  
պատճառների կամ առաջ բերող երկոյթների խմբերից:

Այսպիսի զբութիւնը ոչ միայն շատ հեռու է մինչև  
այժմ զատ զատ սօցիալական վրաստերը ուսումնասի-  
րող գիտութիւնների ամբողջութեանը և անկախու-  
թեանը սպառնալուց, այլ և իրենից առաջ նրանց գո-  
յութիւնն է ենթադրում և նրանց վրայ հիմնւում:  
Աւելի սխալ կարծիք չի կարող լինել քան այն, որ  
հէնց Կօնտը առաջ է բերել, թէ քաղաքատնտեսու-  
թիւնը պէտք է մտնի նոր գիտութեան-սօցիօլօգիայի  
մէջ և լուծուի նրա մէջ, որովհետև քաղաքատնտեսու-  
թեան և սօցիօլօգիայի յարաբերութիւնը նոյնն է, ինչ  
որ եղրակացութեան և մէկ նախագրեալի: Սօցիօլօ-  
գիան երբէք չի կարող ոչ քաղաքատնտեսութիւնը վեր-  
ջացնել և ոչ էլ նրան փոխարինել: Դրա հակառակ աւե-  
լի հաւանական է, որ սօցիալական գիտութիւններից  
ամեն մէկը սօցիօլօգիայի հաստատուելուց յետոյ թէկ  
հետզհետէ կ'փոխուի, բայց իւր սեփական գոյութեան  
իրաւունքը և անկրծատ գործունէութեան շըջանը  
կ'պահպանի:

Դեռ աւելին, բաւական չէ, որ սօցիօլօգիան զատ զատ սօցիալական գիտութիւններին չի ճնշի, այլ և բացի այն, որ նրանց կենդանութիւն կ'տայ, պատղաբեր կը դարձնի և կ'ընդարձակի, նա նրանց կ'տայ դրանց հետ միասին նաև նոր մթնոլորտ և կ'բարձրացնէ նրանց աւելի բարձր համագրութեան աստիճանի: Նա շրջող աւելի է (lympha) որը բազմապիսի սօցիալական երեւոյթների մէջ պատում է և նրանց հաղորդում, հետախուզում և բացատրում է այն ծածուկ պատճառները, որոնք պատճառ են անընդհատ զարդացման ընթացքի և անվերջ փոխութեան. եթէ նա շօշափում է զատ զտու սօցիալական գիտութիւնների հետևանքների էութիւնը, զբա փոխարէն նա կազմում է բոլորի համար ներածութիւն և անգնահատելի հետախուզու-

թեան մի շար: Արդէն սկսել են հէն մասնագիտական գիտութիւնները նոր սօցիալական համագրութեան մոդական շնչի ազգեցութեան տակ իրենց քնից, որի մէջ վետացել, սառել էին, արթնանալ և նոր ոյժ հաւաքել: Պատմութիւնը դադարում է զինուորական և տոհմական գործերի միատեսակ ժամանակագրութիւն լինելուց, դառնում է մեթոդիկական պատմութիւն, նըկարագրութիւն մարդկանց փոփոխութիւնների և զարգացման: Իրաւոնքը մի կողմէ է թողնում հինձեականութիւններն ու դատարկաբանութիւնները, որոնց մէջ երկար մնալով ժանդուել էր, որպէսզի աւելի բարձրանայ և կարողանայ խորը կիրառվ վերլուծել այն յարաբերութիւնները, որոնք գոյութիւն ունին անհատի և դասակարգերի միջե: Քաղաքատնտեսութիւնը կ'զառնայ սօցիալական անտեսութիւն. Նա կենդանանում է շփուելով զարգացման նոր վարդապետութեան հետ և յաջողութեամբ սկսել է ձեաբանական հետախուզութեան այն յարաբերութիւնների, որ եղել են պատմութեան իրար յաջորդող շրջաններում սեպճականութեան և աշխատանքի մէջ: \*) Պատժական իրաւունքի գիտութիւնը այլևս միայն չպէտք է ոչնչացնէ և վրէժի սարսափելի մի ուրուական չէ, որը մեղաւորի մահն ու տանջանքներն է ուղղում, այլ նա կլինի ներման ու մեղմացնելու մի գեղեցիկ տեսութիւն, որը հասկանում է յանցանքը և ցաւակցում է, իրըև անխուսափելի արդիւնք գժբախտ նախադրեալների: Զկայ մի գիտութիւն, որը շօշափէր սօցիալական բազմանկիւնում մի կողմը և չստանար անդնահատելի օգուաներ և հեռատես մզումներ նոր, միացնող գիտութիւնից, որը,

\*) Այս կէտի մասին աւելի ընդարձակ բացարութիւն կայ իմ գլքում La costituzione economica odierna (ժամանակակից անտեսական կազմը) Torino Bocca 1899.

ինչպէս լաւ նկատում է Վաննի, մտածում է միակ կենդրոնածիգ ոյժ դառնալ, դէպի որը միասին ձգտելու են բոլոր սօցիալական գիտութիւնները, որը դառնալու է նրանց արմատ և լընդհանուր հիմք: Մի կողմից համագրող և կարգաւորող, միւս կողմից պտղաբեր գարձնող և առաջնորդող գիտութիւն է նա:

Որ սօցիօգիան գեռևս շատ հեռու է այս իդէալից, մի այնպիսի փաստ է, որը ոչ մի մտածող չի համարձակուի Ժխտել: Ընդհակառակը ոչ մի կասկած չ'կայ, որ նոր գիտութիւնը գեռևս շատ հեռու է խիստ մեթոդ ունենալուց, տեսութիւնների ճշգրտութիւնից, որոշակի օրէնքներից, իսկ այս բոլորը անհրաժեշտութիւն են մի գիտութեան համար, որը իսկապէս ուղում է գիտութիւն անունը կրել: Համաձայնում եմ այս բոլորի հետ, սակայն պէտք է նկատել որ այն կասկածները և Ժխտումները, որոնք վիտում են նոր գիտութեան շուրջը և աշխատում են խանգարել նրա առաջին վախենությունները ճշմարտութեան թեր ճանապարհի վրայ, չափազանցութիւններ և անմտութիւններ են:

Մի քանիսը կասկած են յայտնում նոր գիտութեան լրջութեան վերաբերմամբ: Ես ինքս 20 տարի առաջ հրատարակել եմ այն կասկածս, որը շատ քիչ պատուաբեր չի նկատում նոր գիտութեան համար: Սակայն այժմ ես Կանոսսա չպէտքէ գնամ և իմ այն ժամանակուայ խօսքերը ճշտեմ, որովհետեւ իմ այն խօսքերը վերաբերում էին աւելի երկրորդական հրատարակութիւնների: Իսկապէս միծ հեղինակների գրուածքներին չէին վերաբերում, որոնց միշտ անպայման յարգանքով եմ վերաբերուել. բացի այդ այն խօսքերը, վերաբերում էին սօցիօգիայի կենսաբանական հիմք կազմող տեսութեանը, որը այն ժամանակ իշխող էր. Նա

չէր վերաբերում նոր սօցիալական գիտութիւններին, որոնք լրջօրէն են առաջ գնում, ամրապնդուելով տնտեսական վերլուծութեան հիմքի վրայ:

Աւելի ծանրակշիռ է սօցիոգիայի դէմ եղած մի այլ առարկութիւն:

Ասում են, որ նա չունի ճշմարտութիւնների մի շարք, որոնց վերաբերմամբ զանազան գրողներ համաձայն լինէին. ընդհակառակը, սօցիոգները բաժանուած են միշտ մի խումբ իրար հակառակ դպրոցների. այդ պատճառով սօցիոգիայում ապակեգրոնացումը հասնում է մինչև անհատները. ուստի կարելի է ասել իրաւամբ, որ այս գիտութիւնը ունի բառացի հետևեալ կլասիկական մօտածն զու capita tot sententiae \*): Բայց իսկապէս նման մեղագրանք նոյն հիմքով կարելի է առաջ բերել ուրիշ շատ գիտութիւնների դէմ, որոնց ճշտութիւնն ու արժէքը անպայման ոչ ոք չի համարձակուի կասկածի ենթարկել: Քաղաքանականութեան մէջ ևս գրողների կարծիքները տարբերում են. շատ անգամ իրար գլխովին հակառակ են. պահպանողականները կը ուում են սօցիալիստների դէմ, ազատ առևտրի կողման կիցներին հակառակ են ենուումմաքսիրը պաշտպանողների կողման կիցները, միամետաղականները և երկմետաղականները տաք վէճի մէջ են: Պատժական իրաւունքում դասական դպրոցը մաքառում է դրական դպրոցի դէմ. բնական գիտութիւնների մէջ էլ պակաս վէճեր չկան: Կենսաբանութեան մէջ օրինակ Լամարկ, Դարվին, Վայսման, Նէգէլի, Ռու, Կոպէ, հակառակորդներ են զանազան կողմերում և հակառակ վարդապետութիւնների հետևողներ: Դիս աւելին: Հերձուածներ կան նաև մատեմատիկայում. ոչ Եւկլիդեան երկրաչափութիւնը (հիմնուած է յայտնի տէօրիայի վրայ), որ եռանկիւնու

\*) Որքան զլուխ, այնքան կարծիք:

երեք անկիւնների գումարը հաւասար է երկու ուղիղ անկեան) հետզիւտէ աճող յաջողութեամբ սպառնում է Եւկլիդեան դարաւոր ուսմանը: Այս ներքին երկպառակութիւնները ոչ ոք չի կարող ապացոյց համարել, որ այս գիտութիւնները կենսունակ չեն. ընդհակառակը այդ երկպառակութիւնները կենսունակութեան նշաններ են, որոնք հանդէս են գալի նոր մտածողութեան մէջ. հին գիտութիւնների անկման վերջալոյսին նրանցից մնացած միութիւնը նոր հայեցակէտերը և խորհողները վերականգնում են: Օրինակ տարբեր գպրոցներ չկան գրամագիտութեան (numismatik) մէջ, որքան ինձ ծանօթ է, նաև մրգաբանութեան մէջ: Բայց վայ եթէ գիտութիւնները քնին լուսութեան այն աշտարակների վրայ, որոնք չնդիմատանի զանազան հարթութիւններում բարձրանում են, որոնց վրայ կախուած են դիակներ անգների ու գիշատիչների որս դառնալու: Վայ եթէ գիտութիւնները մտածողութեան գերեզմանցներ գառնան, որոնց վրայ կախուած են դաւանանքների կմախքները և նրանց կրծում է հանդարտ կերպով փոքրաթիւ մեկնիչ-իրաւաբանների ուժասպառքնադատութիւնը:

Ասում են, որ սօցիոգիան լուրջ հիմքեր չունի, որ նա մի խակ ընդհանրացումն է, վերջապէս խօսում են ծաղրելով նոր հանրագէտերի մասին, որ նրանք միայն մի մեռած ծնունդ են արտադրել:

Իւրաբանչւեր ոք տեսնում է, որ ծանր մեղադրանքներ են, բայց սոքա չեն կարող և չեն համարձակուի յոյսերով լի նոր գիտութեան շէմքին կանգնել:

Նրանք, որոնք պնդում են, թէ սօցիոգիան չունի լուրջ հիմքեր, պատասխանում եմ, որ հակառակ կայունութեան և հաւասարակշռութեան օրէնքներին են կառուցուած ամենահիմնաւոր շինութիւնները. այսպէս

կայունութեան բոլոր օրէնքներին հակառակ է շինուել ս. Պետրոսի օրելիսալը Հոռոմում, որը սակայն անսասա-սան դարերի գեղարուեստն է պատկերացնում, նոյն իսկ մատեմատիկական հաշիւները անպայման անխախտ հիմքերի վրայ չեն հաստատում, այնպէս որ մի ֆրան-սիացի մատեմատիկոս ստիպուած էր ասել նրանց, ո-րոնք կասկածում են Alllez en avant, la foi vous viendra \*): Հետևապէս մենք պէտք է գոհ լինենք, եթէ սօ-ցիօլօգիան կարողանայ լրջութեան և պայմանաւոր ճշշ-տութեան այն աստիճանին հասնել, որին հասնելու յաւակնութիւնը չունին անվիճելի և ճշգրիտ գիտու-թիւնները:

Նրանք, որոնք պնդում են, թէ սօցիօլօգիան մի խակ գիտութիւն է, պատասխանում եմ, որ մարդկա-յին բոլոր մեծ արտադրութիւնները իրենց էութեան համեմատ խակ են: Այլ կերպ էլ չէր կարող լինել, ո-րովհետեւ նորութիւններ չեն ծագում, երբ նրանք նորի ոխերիմ թշնամու վրայ ոյժ չեն գործ դնում, որը նը-րանց ժխտում է և նորի համար անհնարին է դառ-նում հասունացման համար յաջող պայմաններ գտ-նելը: Խակ է սօցիօլօգիայի այն ձգտումը, որը ուզում է դիտական միութիւն ստեղծել և այս կարող է միշտ էլ այսպէս մնալ. բայց Խտալիայի միութիւնն էլ մեր ականաւոր մարդիկ խակ էին համարում 1842 և 1852 թուականներին. բայց յաջողուեց այս բանը յաղթանա-կով իրագործել: 1870 թուին Գերմանիայի հոչակաւոր գիտնական մոշերը այն կարծիքը յայտնեց, որ դեռ չեն հասել Գերմանիայի քաղաքական միութեան ժա-մանակները և որ երկրի պատմական պայմանները չեն համապատասխանի այդ բանին. և ի՞նչ, մի քանի ամիս

յետոյ Բիսմարկը յաղթանակով նպատակին հասաւ. խակ էր համարում 1864 թուին Ամերիկայի ստրուկ-ների ազատութիւնը, այնուամենայնիւ ինդիքը վճռուեց և կատարեալ յաջողութիւն ունեցաւ: Խակ է համար-ւում կանանց շարժումը ներկայումս, սակայն արդէն յաջողութեամբ է պսակւում այս շարժումը ամեն մի կրթուած ազգի մէջ: Նմանապէս սօցիալիզմը, իբրև խակ բան դատապարտում է, սակայն կուլտուրական ազգերի օրէնսդրութեան երեք քառորդը սօցիալիտա-կան է: Ընդհանրապէս իրաւամբ կարելի է անդել, որ ամեն մի գեղեցիկ և մեծ բան ժամանակից առաջ է ծնուռում և եթէ միայն այս տեսակէտից սօցիօլօգիան համարում են խակ, մենք կարող ենք հէնց այս փաստը իբրև ապացոյց նկատել և իբրև մի շատ յաջող նախա-նշան նրա ապագայ մեծութեան:

Նրանք, որոնք ծաղրելով պնդում են, որ սօցիօ-լօգիները միմիայն ծնունդ են արտադրել, իմ յիշողու-թեանս մէջ վերարտադրում են մի լէզէնդա, որը, ինչ-պէս իօնան Վիլանի պատմում է, միջնադարում Ֆլո-րենցիայի ժողովրդի հաւատքում կար և ըստ Լասսալի հիւսիսային ժողովրդների մէջ գեռ վերջնականապէս չի կորել: Լէզէնդան պատմում է, որ առիւծը սատկած կորիւն է ծնուռ, բայց վերջինս կենդանանում է հօր ուժին մոնչիւնից. լաւ, թող որ սօցիօլօգիներն էլ մի սատկած առիւծ են ծնել բայց նրանք այնքան գոռացել են, նրա դիակի չորս կողմը այնքան ազմուկ են բար-ձրացըրել, որ նա անվնաս կենդանացել է, կեանքի հա-մար է վեր կացել, յարութիւն է առել և այժմ այստեղ է գեղեցիկ, ուժեղ, հալարտ, վերնագոյն բաշը թոթո-վում է. նա իւր վախկոտ թշնամիների համար դարձել է դարմանքի և երկիւղի մի առարկայ:

\*) Դուք միայն առողջ գնացէք, հաւատը ինքն իրեն կդայ:

## ԵՐԿՐՈՐԴ ԳԱՍՏԱԽՈՍՈՒԹԻՒՆ

Հոգեբանութիւնը իրը նիմք սօցիօդիայի

Մեր օրերի սօցիօդիան իւր սկիզբը պարտական է այն հրաշալի հոգեկան շարժմանը, որը սկսուեց Ֆրանսիայում և որին հաւատացել էին մի խնդիր—մարդկային ցեղին նոր դրդիչներ տալ, որոնց յետոյ միւս ազգերը կարող էին պաղաքեր դարձնել և կերպարանափոխել: Յիրաւի ԽՀ-րդ դարու սկզբում Սէն Սիմօնը իւր գըրուածքներով և հաւատացեալ աշակերտներին ուղղուած քարոզներով նոր, միացեալ գիտութեան առաջին հիմքերն է դնում: Խսկապէս Սէն Սիմօնը Պլատոնի և Արիստոտելի նման իւր քննութիւնների համար պահում է «ալիթորիկ» բառը. բայց նա շտապում է աւելացնելու, որ պոլիտիկը ոչ թէ բացառապէս պետութիւնների կազմակերպութիւններով պիտի զբաղուի, այլ ամբողջ հասարակութեան գոյութեան պայմաններն ու զարգացման օրէնքները պէտք է հետախուզէ. այս պատճառով նրա աշխատութիւնները խսկապէս վերաբերում են սօցիօդիայի ամբողջ շրջանին: Սակայն Սէն Սիմօնի անկազմակերպ գրուածքներում չաէտք է փնտրել նոր գիտութեան նոյնիսկ պակասաւոր սիստեմներ, աւելի և մի շարք որոշուած և միմիանց հետ կապուած գիտական օրէնքներ: Չաէտք է զարմանանք, երբ այս տարօրինակ հեղինակի գրուածքներում, որը ուղում էր մի տեսակ պապ լինել ինդուստրիայի և հասարակութեան դեկապարութիւնն էլ յանձնել փիլիսոփաներին և բանկիրներին, երբեմն զարմանալի հայեացքների և ցնորական որոշումների ենք հանդիպում: Բայց Սէն Սիմօնի

զրուածքներում եղած երևակայական հայեացքների ու զուարձալի ուտօպիաների մէջ գտնում ենք մի քանի յիրաւի խորը և հանճարեղ նկատողութիւններ, որոնց յետոյ սօցիօդները օգուտ են քաղել: Սէն Սիմօնը չդատաւ մեծ զարգացման օրէնքի մի ծրագիր, որին ենթարկւում է մարդկային հասարակութիւնների կեանքը. միւս կողմից նա անշարժութեան հաւատի մէջ չէր քարացել, մի բան, որ հին և միջին դարերում սօցիալական երևոյթների բացատրութիւնների համար բնորոշ էր: Նա ընդունում էր, որ հասարակութիւնները շարժւում են, բայց այդ շարժումը ոչ թէ անընդհատ է, այլ ալիքանման կամ ընդհատուղ յանկարծակի և դրժբախտ յետադարձ հարուածների պատճառով: Այս մըտքի հիման վրայ նա ընդունեց հիմնական բաժանում—օրգանական և քննադատական շրջանների: Առաջինում, ասում է նա, մարդկային գործունէութեան բոլոր արդիւնքները մի ընդհանուր տեսութեամբ դասաւորուած են, նախատեսնուած ու կարգի բերուած և սօցիալական գործունէութեան նպատակը պարզ որոշուած է: Վերջինում, ընդհակառակը, ընդհանուրի իւրաքանչիւր գործը, իւրաքանչիւր միացումը լրիւ չէ և հասարակութիւնը ոչ այլ ինչ է, բայց իթէ, բաժանուած և իրարթչնամի անհատների մի խառնուրդ: Այս միաքը արդէն հին կըօնական տիեզերաբանութիւնների (Cosmogonie) մէջ կայ. որով և փառաւոր և զարգացող ժամանակը, խորտակուելու և ոչնչանալու ժամանակից բաժանուած է: Հեշտութեամբ կարելի է նախընթացող Սէն Սիմօնի կողքին դնել սուրբ Յովինանէսին կամ Խորայէլի մարդարէներին, որոնք ժողովուրդների մեծութիւնն ու անկումն էին մարգարէանում, կամ Դանիէլի գրքի հեղինակին, որին այդ պատճառով Ռենանը պատմութեան փիլիսոփայութեան հիմնադիր է համարում: Բայց Սէն

Սիմօնի գաղափարը Վիկոի այն տռաջ ու յետ շարժուելու տեսութեան հետ անմիջական կապ ունի, որի համաձայն մի քաղաքակրթութիւն ընկնում է, երբ մի ուրիշ նրան փոխարինում է և մի քանի դարերից յետոյ նորից վերջինիս հետեւում է: Թրանսացի հեղինակի համաձայն մեզ ծանօթ պատմութիւնը ցոյց է տալի երկու օրգանական շրջաններ, Արևելքի հին աշխարհը և միջնադարը, որոնց հետեւեցին երկու մեծ քննադատական ժամանակներ-յոյն հոռվմէական և նոր աշխարհը. նա հաւատում է, որ մենք գնում ենք դէպի երրորդ օրգանական շրջանը և կրիզիսների ժամանակին կհետեւի հաւատար իրաւունակութիւնը և ոցիալական հաւատարակշունչութիւնը վերջնականապէս կիրականանայ:

Կարիք չեմ զգում Սէն Սիմօնի այս կազմութեան մէջ եղած բոլոր կամայական բաները պարզելու: Նա չափազանցութեան մէջ է ընկնում, երբ մուժիականացած և լետարգիական արևելեան ժամանակը և միջին դարը, խաւարամտութեան և կոպտութեան ժամանակը օրգանական շրջան տիտղոսով է զարդարում. մինչդեռ շատ անգամ դարեւոր շրջաններ, որոնք մարդկութեան համար ամենափառաւորներն են եղել, ինչպէս օրինակ յոյն-լատինական և ներկայ աշխարհը, նկատում է քննական երևոյթների հայեցակէտով կամ իրը պաթօլոգիական անբնականութիւններ: Սէն Սիմօնի դիտողութիւնները սօցիօլոգիայի միծ պրօբլէմի վերաբերեալ, որոնք վերաբերում են սօցիալական պատճառականութեան, աւելի չեն դիմանում քննութեան: Հանճարեղ մտածողի ծառայութիւնն է, որ նա ուշադրութիւն է հրաւիրել սօցիալական պատճառականութեան մեծ պրօբլէմ, գոյութեան և կարևորութեան վրայ, իսկ երբ նա մտածում է լուծել այս հարցը, ընկնում է տատանուող տարբերականութեան (Eklektizismus) մէջ: Նա պնդում է որի

իւրաքանչիւր սիստեմ թէ կենսունակ փիլիսոփայական և թէ տնտեսական սիստեմից այն կողմն է անցնում. այսպիսով նա սկսում է մի փիլիսոփայական երկուութեան վարդապետութիւն, որով դեռ մինչև այժմս էլ մեր ժամանակի շատ անյայտ սօցիօլօգներ ոգեստում են, մի բան, որ մտածողութեան համար կործանիչ է և միանգամայն անհամապատասխան, որով չի կարելի սօցիալական երևոյթների ամբողջութիւնը կարգաւորել: Սէն Սիմօնի զրուածքներում կան մի քանի շատ կարեւոր դիտողութիւններ, ինչպէս օրինակ նրանք, որոնք վերաբերում են հասարակութեան զարգացման երեք աստիճաններին, աստուածաբանական, միտափիզիկ և դրական, որը յետոյ աւելի զարգացնում է Օգիւստ Կօնտը, այլ և զինուորական և ինդուստրիական հասարակութիւնները իրար ետեւից զնելը, որից նմանապէս Կօնտը և Սպէնսէրը օգտաւում են: Վերջապէս այն բազմաթիւ դիտողութիւնները, որոնք վերաբերում են քաղաքական երևոյթները անտեսական գործոններից առաջ բերելու խնդրին, որը որոշ չափով մի նախերգանք է կազմում նոր, այսպէս ասած մատերիալիստական պատմահայեցողութեան դպրոցի:

Զնայելով այս նկատողութեան արժանի նշաններին, այնուամենայնիւ Սէն Սիմօնը ընդմիշտ սօցիօլօգիայի նախապատճութեանն է պատկանում, մի դիտութիւն, որը միայն յետոյ դիտութեան պատուին է հասնում մի ուրիշ ֆրանսացի հեղինակի շնորհիւ, որը թէկ Սէն Սիմօնի դպրոցից էր ելել, բայց շատ խնդիրներում իւր ուսուցչից անկախ էր. զա Օգիւստ Կօնտն է: Սրա ծառայութիւնն է նախ այն և այս բանի կարևորութիւնը մենք չենք ուզում չափազանցնել, որ նոր դիտութեանը անուն տուեց, որը մինչև այժմս էլ մնում է և հաւանօրէն ապագայում էլ կմնայ, հակառակ մաք-

բասէրների (purist), որոնք օտարազգի բառերը արհամարհում են: Բայց այս կօնտի նոր կազմուող գիտութեան համար արած ծառայութիւններից վերջինն է միայն, որովհետև նա ջանացել է մարդկային գիտութիւնների մէջ նոր գիտութեան գիրքը որոշել և նրան դեկավարող օրէնքները բացատրել և նրան ընդարձակ գիտական գարգացում տալ:

Որոշելու համար այն տեղը, որ սօցիօլօգիան մարդկային գիտութիւնների շարքում պիտի ունինայ կօնտը գիտութիւնների մի դասաւորութիւն է տալիս, որը այսօր էլ շատերը ընդունում են չնայելով այն քննադատութեան, որ ամենից առաջ Հերթերտ Սպէնսէրն է ենթարկել: Կօնտի տեսութեան համաձայն իրերի մասին եղած գիտութիւնները, ինչպէս և իրերն իրենք կազմում են իրենց ընդհանրութեամբ և վերացականութեամբ աստիճանաբար նուազող և բարգութեամբ ու կօնկրէտութեամբ աճող մի շարք. առաջին տեղը այս շարքում գրաւելու են ընդհանուր և վերացական գիտութիւնները, որոնցից յետոյ հետզհետէ գալու են կօնկրէտ և այս խոկ պատճառով էլ պակաս ուրոշակի գիտութիւնները: Առանձին գիտութիւնների աստիճանական կարգը ըստ կօնտի այս է. 1. Մատեմատիկա, 2. Աստղագիտութիւն, 3. Ֆիզիկա, 4. Քիմիա, 5. Կենսաբանութիւն (Biology), 6. Սօցիօլօգիա. ըստ այս սրանցից իւրաքանչիւրը իւր նախորդ գիտութիւնից պակաս ընդհանուր և վերացական է ու աւելի բարդ ու թանձրացեալ երևոյթներով է զբաղւում: Որովհետև թանձրացեալ գիտութիւնները չի կարելի ուսումնասիրել, առանց ծանօթ լինելու վերացական գիտութիւնների դրած հիմնական օրէնքների հետ, ուստի առանձին գիտութիւնների այս աստիճանական կարգը է միաժամանակ նաև նրանց ժամանակադրա-

կան կարգը: Այս նշանակում է առաջ ուսումնասիրւում է այն վերացական գիտութիւնը, որը ուրիշի հետ առնչութիւն չունի. այդ մատեմատիկան է. աստղագիտութիւնը, որը իւր հիմնական օրէնքներից մի քանիւ մատեմատիկայից է վերցրել, սրանից յետոյ կարելի է ուսումնասիրել, աւելի հիմունքներով կարելի է ուսումնասիրել ֆիզիկան մատեմատիկայից և աստղագիտութիւնից յետոյ և այն, այսպէս մինչև սօցիօլօգիան. որովհետև սա գիտութիւնների մէջ ամենաթանձրացեալն է, չի կարող իրեն նիւթ կազմող այնպիսի երկոյթներ ուսումնասիրել, որոնք միւս գիտութիւնների մէջ ճշմարտութիւններ չեն. ուստի սօցիօլօգիան հանդէս է գալի այն ժամանակ, երբ գիտական մտքի մնացած արտայայտութիւններն արդէն զրուել և զարգացել են: Այս պատճառով սօցիօլօգիան գիտութիւնների մէջ ամենավերջին ծնունդն է. այպիսով կարելի է բացատրել թէ նրա մարդկութեան մտածողութեան երկնակամարի վրայ ամենից վերջը երևալու պատճառը և թէ թնչն սօցիօլօգիան ճշմարտութիւնը հետախողելու մէջ փոքր և զանդաղ յառաջադիմութիւն է արել:

Կօնտի գիտութիւնների դասաւորութիւնը մի մեծ թերի ունի, որովհետև չի բովանդակում իւր մէջ հոգեբանութիւնը, որին կօնտը առ ժամանակ անիրաւացի գնում է կենսաբանական գիտութիւնների շարքում իւրեն վերացահելով նրան գանգարանութեան (Phrenology) մի գլուխը դարձնել. յիրաւի մի ենթադրական գիտութիւն, որը սակայն այն ժամանակ Գալլը, մեր հանձարեղ Լոմբրոզոի նախորդը, մեծ յաջողութեամբ ուսուցանում էր: Բացի այս այդ դասաւորութիւնը չունի իւր մէջ քաղաքանական տեսութիւնը և մնացած սօցիալական գիտութիւնները, որոնց վերաբերմամբ կօնտը, ա-

Նիբաւացի կերպով, կարծում էր, որ նրանք իւր յայտարարած նոր, համադրական գիտութեան հետ կձռւլուեն: Չնայելով այս և այլ հեշտ գտնուող թերիներին, կօնտի դասաւորութիւնը իւր էութեամբ արամաբանական է և նպատակայարմար, ուստի և կարելի է ընդունել: Սակայն երբ ընդունում ենք, չպէտք է մոռանանք, որ նա չի բացասում, ընդհակառակը ընդունում է, որ թանձրացեալ և նրան յարակից գիտութիւնները իրենց կողմից արժէրաւոր օգնութիւններ կարող են տալ վերացական և այս իսկ պատճառով նախնական գիտութիւններին: Երբ պնդում են, օրինակ, որ սօցիօլոգիան իւր հիմնական օրէնքները միւս գիտութիւններին է պարտական և այդ պատճառով նրանցից յետոյ պէտք է առաջ գայ, այդ չի նշանակում, որ առաջ եղած գիտութիւնները չեն կարող իրենց համար նոր լոյս ստանալ այն հետևանքներից, որոնց համում է սօցիօլոգիան և որ ուրեմն չեն կարող այս հետևանքներից նոր ապացոյցներ ձեռք բերել շատ օրէնքներ աւելի ճշտելու: Հաստատ է, որ կենսաբանութիւնը, հոգեբանութիւնը և այլ ընդհանուր գիտութիւններ սօցիօլոգիայի արդիւնքներից օգտուելով առաջ են գնացել: Առանձին գիտութիւնների աստիճանաւորութիւնը և ժամանակական յաջորդականութիւնը ընդհանրապէս չի բացասում նրանց փոխադարձ կապը և օգնութիւնը:

Կօնտը այս ձեռվ որոշելով սօցիօլօգիայի արժանի տեղը գիտութիւնների կարգում, զբաղւում է նոր գիտութեան նիւթով, բաց անելու մարդկային հասարակութեան օրէնքները: Այս տեսակէտից նա բաժանում է ըստ էութեան երկու տարրեր հետախուզութեան շըրջաններ՝ սօցիալական շտատիկ և դիւնաժիկ. (կայուն և շարժուն դրութիւններ). առաջինը վեր է լուծում հասարակութեան կայուն դրութիւնը, վերջինը նրա

շարժուն զրութիւնը, որը կօնտը Սէն Սիմօնից տարբեր է լնդունում, իբրև յարաշարժ և աճող: Այս բաժանման դէմ եղած առարկութիւնները իսկապէս հիմնաւոր չեն: Ասում են, որ երբ այս տեսութիւնը շտատիկի և դինամիկի արգիւնքները գործ է դնում սօցիալական մարմնի վերաբերմամբ, նմանում է այն հին տեսութեան, որը ընդունում էր հասարակութիւնը իբրև մի մեխանիզմ և որ այդ տեսութիւնը չի համապատասխանում նորագոյն հայեացքին. վերջինիս համաձայն հասարակութիւնը մի օրգանիզմ է, որովհետև օրգանիզմը, որքան նա ապրում է, իւր ընութեան համաձայն միշտ շարժում է և միայն մահն է նրա շարժուելուն վերջ դնում: Եթէ մի բոլէ ընդունենք էլ այս բոլորը, այնուամենայնիւ ճիշտ է, որ շատ սօցիալական երկոյթներ չենք կարող վերլուծել, եթէ չընդունենք, որ հասարակութիւնը հաւասարակութեան մէջ է և այս պատճառով կօնտի բաժանումը առնուազն իբրև հետախուզութեան մեթոդ օգտակար կարող է լինել:

Կօնտի սոցիալական շատաթիկի բացատրութիւնը  
ոչ ընդարձակ է և ոչ էլ խորը։ Նա բաւականանում է  
նրանով միայն, որ մատնանիշ է անում այն հանգա-  
մանքը թէ մարդկային հասարակութեան սկիզբը այն  
օգուարը չէ, որ հասարակական դառնալը անհատին տա-  
լիս է. որովհետեւ այս օգուարը մի աւելի ուշ ժամանա-  
կի դրութիւն է քան հասարակական դառնալը և այս  
պատճառով չի կարող նրա պատճառը լինել. այս բանը  
արդիւնք է մարդուն ի ծնէ տրուած հոգեբանական  
պայմանների, որոնք և նրան դրդում են հասարակա-  
կան միակեցութեան։ Այս հոգեբանական պայմանները,  
որոնց առանձնապէս ուսումնասիրում է Կօնտը, բաժա-  
նում է երկու մասի՝ մարդու հակումը դէպի իւրանման-

ների հասարակութիւնը և բարեկեցութիւնը։ Միւս կողմից մարդն ունի մի քանի հսական հակումներ, որոնք նրան մղում են հասարակական գրութիւնից հեռանալ։ Այս պատճառով մի հակազրութիւն, մի կոփւ կայ այս երկուսի մէջ, ալտրուիստական բնագդների, որոնք մարդուն հակում են հասարակութեան մէջ ապրելու և հսական բնագդների, որոնք նրան մղում են հասարակութիւնից դուրս գալու։ Հասարակութեան պահպանութիւնը, ինչպէս և նրա զարգացումը կախուած է անմիջապէս ալտրուիստական բնագդի, զուտ և բացարձակ հսականութեան վրայ ունեցած գերիշխանութիւնից։

Հասարակականացման երկու գլխաւոր ձևերն, որոնք յաղթութիւն են տալի ալտրուիստական բնագդներին հսական բնագդների վրայ, են՝ ընտանիքը և աշխատանքի միութիւնը կամ ինդուստրիական միախըմբութիւնը։ Ըստ Կօնտի ընտանիքն է սօցիալական բընթացք և ոչ անհատը. սակայն ընտանիքի ուսումնասիրութիւնը կենսաբանական հետախուզութեանը շրջանն է մտնում և այդ պատճառով իսկապէս սօցիօլոգիայի մասը չի կազմում, որի ուսումնասիրութեան անմիջապէս առարկան հասարակութիւնն է։ Հասարակութիւնը և միայն հասարակութիւնն է արժանաւոր ու չափած, ձևած առարկան նոր գիտութեան. միայն հասարակութեան շուրջն են պատելու սօցիօլոգների հետախուզութիւնները. այդպիսին պէտք է սկզբից և եթի իմանայ և հեռու մնայ այն ուսումնասիրութիւններից, որոնք վերաբերում են ընտանիքին կամ նոյն իսկ մարդկային անհատին։ Կօնտը այն տեղն է հասնում, որ պնդում է, թէ անհատը գոյութիւն չունի, որ նա միայն մի վերացական բան է և ինկապէս կայ միայն հասարակութիւնը։ Աւելորդ է ասել, որ սա մի անմտութիւն է, որովհետեւ անհատը մի էութիւն է, որի գոյութիւնը

իւրաքանչիւրը կարող է հաստատել, որին մենք պատհում ենք փողոցում, բարեւում ենք, որի ձեռքը կարգող ենք սեղմել, մինչդեռ հասարակութիւնը, ընդհակառակը, մի մետաֆիզիկ ստեղծագործութիւն է, որին ոչ ոք չի պատահել կամ ձեռք չի տուել։ Հասարակութեան շրջագծերը այնքան անորոշ են և խառն, որ զանազան բացատրութիւնների կարող են ենթարկուել։ Մի քանիշ մի համար հասարակութիւնը ազգ է, միւսների համար միւսնոյն ցեղի անհատների համախմբութիւնը, ուրիշների համար միւսնոյն աշխարհամասի բնակիչները, վերջապէս կան այնպիսիները, որոնց համար հասարակութիւնը ընդհանուր մարդկային ցեղն է։ Այս պատճառով, հարկաւոր է սօցիօլոգների ոյժերը և խիստ սրաւմտութիւնը ճիշտ որոշելու մի ըստինքեան անորոշ գաղափարի սահմանները։ Եթէ յիրաւի ըստ Կօնտի անհատը միայն մի վերացական բան է, ինչպէս կարող է հասարակութիւնը մի իրական բան լինել, որը ոչ այլ ինչ է, բայց եթէ անհատների գումարը ի՞նչպէս կարող են մի քանի վերացական բաներ կմիանալ և տալ մի իրական բան։

Այսուհետեւ Կօնտը իւր ուսումնասիրութեան հետակալ մասում խօսում է աշխատանքը միացնելու մասին, լուսաբանում է նրա աչքի ընկնող գգուտները, միաժամանակ ընդունում է նաև արգահատանքի պրաժանի վասները, որոնցից ամենածանրը այն է, որ մարդ անդադար միայն մի աշխատանքով զբաղուելով՝ բթանում է. աշխատանք, որը շատ անգամ մերենսայական է և կիսատ, ինչպէս օրինակ անդադար ասեղի ծայրեր արելը. գրական փիլիսոփան այս դէպքում իրաւացի է։ Միութիւնը իսկապէս մարդկային մտքի ամենապայտագեր գիւղերից մէկն է, հենց միայն իրեն մտածող էութեան ազնիւ բնութագիր, որը միայն նրան այն տեղն է

բերում, որ ուրիշների հետ միանայ: Յիմարները, օրինակ, երբէք չեն միանում, այս պատճառով, ինչպէս մենք փորձից գիտենք, խելազարատներում համեմատաբար փոքրաթիւ հիւանդապահներ կարողանում են կարգ պահել: Բայց միութիւնը և այն էլ աշխատանքի միութիւնը միաժամանակ հոգեկան ոյժերի սարսափելի ճնշող միջոց է, որովհետև այս դէպքում ստիպում է մարդկանց կրկնուող և միապալաղ զբաղմունքի և սպանում է նրանց մէջ ամեն մի հոգեկան ընդունակութիւն, սակայն Կօնտը ընկնում է ծաղրական դրութեան մէջ, երբ այս վնասակար ազդեցութեան առաջը առնելու համար առաջարկում է մի հոգեկան ոյժ ստեղծել, որ այսպէս հատուածական դարձած մարդկանց համարեական և ընդհանուր հասկացողութիւններ սովորեցնէ:

Կօնտի սիստեմի մէջ աւելի նշանաւոր տեղ է ըընում նրա սօցիալական դիւնամիկի (շարժման) տեսութիւնը կամ մարդկային հասարակութեան զարգացման օրէնքների ուսումնասիրութիւնը: Կօնտը նախ ցոյց է տալի այս զարգացման երկրորդական դրդիչները, որոնց նա բաժանում է երեքի. տհածութիւն, մահ և ժողովրդի արտգ ածեցողութիւն: Տհածութիւնը բարեկեցիկ դասակարգի համար նոյնն է, ինչոր սեփականազուրկ դասակարգի համար սովը—աշխատանքի դրդիչ է: Անշուշտ տճահութիւնը ու սովը դրդում են շատ մարդկանց մեծ գործեր կատարելու, ուրիշներին սակայն յանցանքներ գործելու. Եթէ մենք այդ դրդիչներին ենք պարտական Բայրոնի հրաշալի ոտանաւորները, նոյն ձևով նրանցից են առաջ եկել Ներոնի և Լուդովիկ I ՀՎ-րդի դարշելիութիւնները: Այնուամենայնիւ չնայելով այս բոլորին, ճշմարիտ է այն, որ տհածութիւնը գիւտերի և արդիւնաւոր շարժումների համար մի ուժեղ գործակից է,

որ եթէ աշխարհում չինէր տհածութիւնը, շատ գիւտեր մինչև վերջը չէին տարուի և շատ նշանաւոր գործեր կիսատ կիմային:—Յառաջադիմութեան երկրորդ գրդիչն է մահը: Եթէ մարդ անմահ լինէր, յառաջադիմութիւնը կարող լինել, որովհետև էութիւնների յաւիտենական շրջառութիւնը կպակսէր այստեղ, միմեանց թըշնամի և տարբեր մարդկանց հոսանքների շարժուն փոփոխութիւնը չէր լինի, շարժումներ, որոնք անխոնջ մղում են կիանքի հոսանքի մէջ: Այս պատճառով կապուտայի տէրութեան մէջ, որ նկարագրել է երգիծաբան Սվիֆտը, չէր կարող յառաջադիմութիւն լինել, որի բնակիչները անմահ էին կամ նրանով էին վերջանում, որ իրենց յաւիտենական գոյութիւնը ճնշող միակերպ ձանձրոյթից մենուում էին: Մահը գրգոռում է հնի պահպանողական ոգուն նորութիւնների ձգտող երիտասարդի ոգու հետ ընդհարուել և այս անվերջ, ուժեղ կտուից ծագում է աշխատանքի պահանջը, անխոնջ մաքառումը և մարդկութեան արդիւնաւոր յառաջադիմութիւնը զարդացման ճանապարհով: Կօնտի այս նկատողութիւնները ուժեղ պաշտպանութիւն են գտնում Վայսմանի տեսութիւններում: Վերջինս ուշադրութիւն է հրաւիրում այն բանի վրայ, որ մահը բնութիւնից անպայման յօգուտ սեռի է տրուած և որ միայն մահուանն ենք պարտական ընտրութեան օրէնքի լինելը. սրա համաձայն է, որ սեռը միշտ իւր յառաջադիմութիւնը կրկնում է: Միւս կողմից ակներև է, որ մի անփոյթ կեանք ամեն մի սօցիալական յառաջադիմութեան կմսասէր, նրանով, որ մեծ յառաջադրութիւնների իրականացումը, նշանաւոր, յարատև գործերի լրացումը անկարելի կդառնար: Այսաեղից պարզ է, որ մարդկային կեանքի տեսողութիւնը ճիշտ այնքան է, որքան այդ պահանջում է բնական յառաջադիմութեան

ապահովութիւնը, այս ձևով ժխտում է անմահութիւնը, որ ամեն մի զարգացման խոչընդոտ կլինէր, ինչպէս և անփոյթ, հարևանցի լինելը, որը յառաջադիմութեան հէնց սկիզբը անկարելի կդարձնէր:—Վերջապէս նաև ժողովրդի արագ ածեցողութիւնը յառաջադիմութեան համար շատ կարեր է, որովհետև սա մարդկային սերունդների ընթացքն է արագացնում. պատճառն այն է, որ ծնողների և որդոց տարիների տարբերութիւնը քչանում է. որդիները քիչ են ենթարկում հայրական հեղինակաւորութեան և ազատում են նրանց ղեկավարութիւնից, վերջապէս անհատական ձգնութեան պայքարը սրւում է և առաջ է գալիս սօցիալական շարժում: Այս պատճառով, ուր որ սերունդները իրար արագ են յաջորդում, այնտեղ էլ ամուսնութիւնները վաղօրօք են լինում, զարգացուն էլ աւելի արագանում է: Այս բանը մենք ամեն օր կարող ենք տեսնել նորերկրներում, ինչպէս հիւսիսային Ամերիկան. նոյն իսկ հին ազգերի բանուրոր դասակարգի մէջ, որը շուտ ամուսնանալով, մի առանձնայատուկ նշան այս դասակարգի, աւելի կենդանութիւն է ցոյց տալի վիճաբանութիւնների մէջ և նոգեկան շարժունութիւն, քան քաղաքացիների դասակարգը: Կասկած չկայ, որ ժողովրդի ստորին խաւերի արմատական հակումները, այս հոգեկան ազդեցութիւններից են առաջ գալի, ազդեցութիւններ, որոնք սերունդների արագ յաջորդականութեան արդիւնքներն են:

Երբ վերջապէս հօնտը ուզում է հետախուզել այն գլխաւոր պատճառը, որով քնորոշւում է սօցիալական զարգացումը, հասնում է այն եզրակացութեան, որ համարակութեան զարգացումը խիստ կերպով նախատեսնում է մտքի զարգացումով կամ ուրիշ խօսքով սօցիալական յառաջադիմութիւնը հոգեկան յառաջադիմութիւնը:

թիան արդիւնք է: Տուէք ինձ մի ժողովրդի հոգեկան դրութիւնը, ասում է կօնտը, և ես ձեզ տեղեկութիւններ կտամ նրա գոյութեան պայմանների և նրա սօցիալական դրութիւն մասին: Մարդկային բանականութիւնը իւր բազմադարեան պատմութեան ընթացքում երեք շրջան է ունեցել. սկսուել է աստուածարանական շրջանով, անցել է մետաֆիզիկ շրջանին և այսօր մըտնում է դրական շրջանը, որը ապագային է պատկանում: Հոգեկան այս երեք շրջաններ համապատասխանում են նոյնքան սօցիալական զարգացման շրջաններ—զինուորական, օրինական և ինդուստրիական շրջաններ: Կօնտի պատմութեան վիլիսովայութեան միակ խնդիրն է այս եղած համաձայնութիւնը ապացուցանել: Ինչ վերաբերում է առաջին կամ աստուածարանական շրջանի բացատրութեանը, բաւական ծիծաղելի է: Մեր վիլիսովայան նկատել է, որ ֆէտիշիզմը գեղարուեստի համար առաջին դրդիչն է եղել, ձեռքի աշխատանքի առաջին գործիքներն են առաջ եկել, վաճառականութեան զարգացմանն է նպաստել: Երբ պրիմիտիվ կրօնը առաջ է բերում տեղական աստուածութիւններ, կապում է մարդկանց երկրի հետ և այսպիսով առիթ է զառնում գիւղացիական կեանք առաջ գալուն: Նրանից յետոյ սկսուող բազմաստուածութիւնը ծնում է ժողովուրդների մէջ պատերազմներ և թշնամութիւններ. այսպիսով մտքի աստուածարանական ուղղութեան հետ կապում է մարդկային հասարակութեան զինուորական սիստեմի ծագումը: Կոիւները հնարաւոր են դարձնում թշնամիներին գերի վերցնելը և այստեղից էլ առաջ է գալի արկութիւնը: Այսպիսով հին աշխարհի հիմնական դրութիւնը ոչ այլ ինչ է, եթէ ոչ բազմաստուածութեան արդիւնք: Բազմաստուածութեան աստիճանաբար միաստուածութեան վերածուելը առաջ է բերում հակադիր ե-

ըևոյթներ—պատերազմների սակաւաթիւ լինելը, ստըրկութիւնից ճորտութեան անցնելը և վերջապէս աշխատանքի աղատութիւնը։ Ուրեմն ֆէտիշիզմը սպանում է գերիներին, բազմաստուածութիւնը պահում է նրանց, իսկ միաստուածութիւնը աղատում է նրանց. ամեն մի դէպում էլ հասարակութեան հիմնական դրութիւնը նրա մէջ իշխող հոգեկան ուղղութեան անհրաժեշտ արդիւնքն է։

Կօնտի սիեման հէնց առաջին մասում ծանր դըմուարութիւնների է հանդիպում և համարեա անյաղթելի դժուարութիւնների։ Հէնց միայն այսքանը բաւական է ասել, որ Կօնտի տեսութիւնը, թէ ստրկութիւնը բազմաստուածութեան արդիւնք է, անկարող է բացատրել այն գաղութային ստրկութիւնը, որ իրենց էութեամբ միաստուածեան երկրները ու ժողովրդները դործադրել են։ Փիլիսոփայի աւելի կամ պակաս ճարտասանութիւնները անօմալիայի, արիւնախանութեան, գաղութներում հին հեթանոսական ստրկութիւնը վերականգնելու դպուելիութեան դէմ անկարող են գաղտնիքը բացատրելու։

Այս դժուարութիւնը շատ թեթև է մեր հեղինակի համար համեմատած այն դժուարութիւնների հետ, որոնց նա պատահում է այս շրջանին յաջորդող շրջանի ուսումնասիրութեան ժամանակ։ Իսկապէս հազիւ հասնում է մետաֆիզիկ շրջանին, որը սկսում է՝ 14-րդ դարից, Կօնտը հասկանում է, որ իւր տեսութիւնը խախտում է և նա ստիպուած է ընդունելու, որ այս շրջանի սկզբից այլ ևս ոչ թէ հոգեկան զարգացումով է, որոշում սօցիալական զարգացումը, այլ ընդհակառակը, ինդուստրիայի զարգացումովն են որոշում էտիկական, գիտական և զինուրական արդիւնքները և ընդհանրապէս հասարակութեան դրութիւնն ու զարգացումը

Կօնտը շտապում է կցել, որ հոգեկան տարրի ամենազօրութիւնը մարդկային ոյժի վրայ նորից կկենտանանայ և այլ ևս չի անյայտանայ աղագայում, երբ մտքի մետաֆիզիկ ուղղութիւնը բոլորովին դուրս կմղուի մի իսկական դրական հասկացողութեան համար տեղ բացանելու. սակայն մեր ժամանակի վերաբերմամբ մեր փիլիսոփան տհաճութեամբ պէտք է ընդունի, որ իւր տեսութիւնը զլափ վրայ է կանգնեցրած, որ ոչ թէ բանականութիւնը, այլ ինդուստրիան է որոշում հասարակութեան դրութիւնն ու օրէնքները. ուրիշ խօսքով, տնտեսական յարաբերութիւններն են առաջ բերում մարդկութեան սօցիալական և հոգեկան կազմակերպութիւնը։ Այս ձեռվ Կօնտը, որը աստուածաբանական շրջանը ուսումնասիրելու դէպում հանդիսանում է հիմնադիր բանականութիւնը սօցիօլօգիայի հիմք ընդունող ուղղութեան, երկրորդ, յաջորդ մասում մի ձեղք է բաց անում իւր կառուցուածքում, որը կարող էր աւելի ընդլայնել տնտեսութիւնը սօցիօլօգիայի հիմք ընդունող աւելի ճիշտ դպրոցը, որ և յիրաւի անում է։

Իւր հիմնական տեսութեամբ ոգեսրուած, որ սօցիալական զարգացումը հոգեկան զարգացման արդիւնք է, որից յիշուած ուժգին հարուածը նրան չի հեռացնում, Կօնտը մարգարէանում է մի շրջան, երբ գիտութիւնը նորածին ժողովրդների վրայ պէտք է իշխէ իրեւ սուվէրէն ոյժ։ Այս ապագայ հասարակութիւնը պէտք է կառավարուի նախ մի հոգեկան ոյժով, որը կազմուելու է դրական փիլիսոփաների խմբակից, որոնք անկարող են հարստանալ և որոնք պարտաւորուած են լինելու իրենց ամբողջ ժամանակը նուիրել նիւթի և հոգու ընդհանուր օրէնքների ուսումնասիրութեան և երկրորդ մի աշխարհիկ ոյժով, որը կազմուելու է կապիտալիստաների, մասնաւոր բանկիրների խմբակից, որոնք նրանց գը-

տած օրէնքները արտադրութեան վրայ պէտք է գործադրեն:

Սակայն ես հեռու կմնամ Կօնտի այս հետախուզ  
գութիւնների մէջ աւելի առաջ գնալուց, որտեղ նա  
դրական քննութեան հիմքերը մի կողմն է թողնում,  
ուտոպիսայի օդային հոսանքներում ազատ շրջելու հա-  
մար։ Յայտնի է, որ Կօնտի մտածած սօցիալական բա-  
րենորոգութիւնների ծրագրները հէնց նոյն իսկ նրա  
ընտանեկան կեանքի մէջ եղերերգութիւն եղան և նրա  
հոգու պարզութիւնը թուլացըին և ոչ մի արժէք չու-  
նին, բայց միայն օժտուած հոգու քայլքայման վրայ  
կանգնեցրած ողբի արժանի յուշարձանի։ Իւր կուրսի  
առաջին հատորներում, որոնց նա գրել է այն ժամա-  
նակ, երբ նա ապրում էր մի կրքոտ ու կամակոր կնոջ  
հետ, նա ցանկանում է կնոջը դատապարտած տեսնել  
յաւիտեանս անչափահաս մարդու, հօր և եղբօր խնա-  
մակալութեանը։ Ընդհակառակը, երբ նա ընտանեկան  
այս դառը լուծը օրինական ամուսնալուծութեամբ թե-  
թեացնում է և գեղեցիկ կլոտիլդ դ'Ֆօի հետ սկսում է  
սիրալիր յարաբերութիւններ և երբ այս դրութիւնը  
կնոջ վաղաժամ մահովը մի դառն վախճանի է փոխ-  
ուում, Կօնտը ասկէտի նման աստուածացնում է նրա  
յիշատակը։ այս դէքըում նա չի քաշում կանանց  
իրքն աստուածութիւններ նկատել, որոնց իրաքան-  
չւր լաւ պօդիտիվստ (գրականեան) ջերմ յարգանք-  
ներ պէտք է մատուցանէ։ Նա յայտարարում է նոր  
կրօն, որ ամենաբարձր էութիւննը (մեծ էութիւննը)  
հումանիզմն է, կլոտիլդէն սուրբ կոյսն է, երկիրը մեծ  
ֆեարիչը, իսկ Կօնտը աւագ երեցն է։ Նա յայտարարում  
է մի կրօն, որը ընդունում իրքն աղօթք թանգագին և  
ընտրուած անձնաւորութիւններին յիշելը ու պատուե-  
լը։ որը ունի մի դրական Հայր-մեր, Առև (Աստուա-

ծածնի աղօթքը) և տարեկան 84 տօն: Իւր կեանքում սիրած երեք կանանցից — իւր սիրեցեալ կյօտիլդան, իւր մայր Ռօզալիան և իւր աղախին Սօֆիան — կազմում է մի երրորդութիւն: Այսքանը բաւական է արդէն: Կաթոլիկ օրացոյցի տեղ ուզում է դնել մի գրական փիլիսոփայութեան օրացոյց, որի մէջ իւրաքանչիւր օր մի մեծ մտածողի, կամ գիտութեան մարդու կամ մարդկութեան մեծ բարերարներից մէկի անունով է կոչուելու: Կայ մի երկրորդ խումբ մեծ մարդկանցից ցածրների, որոնք լրացնելու են նահանջ տարիները: Աւելի ինչ էք ուզում: Կօնտը ուզում է վերջապէս գրական փիլիսոփայութեան խաչանշանը մտցնել, որը պիտի կազմուի սիրոյ, կարգի և յառաջադիմութեան օրգան ներին իրար ետևից ձեռքով խիելուց...

Բայց մեր ուշադրութիւնը դարձնենք այս ցաւակցութեան արժանի սխալմունքներից։ Կօնտի թէզը կամ նրա սխատէմը — սօցիալական զարգացման կախումը բանականութեան զարգացումից — շատ կրթուած մտածողներ ընդունել են և առանձին առանձին աւելի զարգացրել։ Մրանցից առաջինն է Ագոլֆ Քէտլէյը, որը իւր «Սօցիալական ֆիզիկա»-ի մէջ գրում է. «Գրաւութիւնից դուրս իսկական յառաջադիմող բան չկայ. մարդու այն բոլոր ընդունակութիւնները, որոնք հիմնուած չեն գիտութեան վրայ, իրենց էութեամբ կանգուն են և նրանց օրէնքները անշարժ են. մնացածները զարգանում են կախումն ունենալով գիտութիւնից։ Այս պատճառով գիտութիւնը պէտք է չափ ծառայի մարդկութեան զարգացման համար»։ Նոյն միտքը կրկնում է Բօկլը, որը աշխատում է մի շատ զեղեցիկ ապացույցով հիմնաւորին։ Նա նկատում է, որ սօցիալական զարգացման համար կարող են միայն երկու գործոններ լինել. կամ բանականութիւնը կամ բարոյակա-

նութիւնը. սակայն բարոյականութիւնը կանգնած է կամ թէ մի շրջանից միւսը չի փոխւում և նա ցոյց է տալի տարեցտարի կատարուած յանցանքների անփոփոխ մի թիւ. մի կանգուն, մշտական տարր երբէք չի կարող իւր էութեամբ փոփոխուող հետևանքի, ինչպիսին մարդկութիւնն է, պատճառ լինել. ուստի վերջինս կարող է միայն մի պատճառ ունենալ—բանական տարրը: Այս գաղափարը ելակէտ ունենալով Բօկը նկարագրում է արևմուտքի քաղաքակրթութիւնը իրրե արդիւնք արևմուտքի մտքի ու գիտութեան իւր զարմանալի «Քաղաքակրթութեան պատմութիւնը Անգլիայում» գրքի մէջ, որը դժբաղտաբար կիսատ մնաց նրա մահուան պատճառով. հեռաւոր Ասորիքում կատարած ճանապարհորդութեան ժամանակ ջերմից մեռնում է: Նմանապէս Էդգարդ Քինէ, Ֆիւստէլ գ'կուլանժ, Մաքս Միլլէր որոշ չափով կարող են Կօնտի աշակերտներ համարուել, որովհետև սոքա քաղաքակրթութեան պատմութիւնը կապում են միստիկական և կրօնական մտքի պատմութեան հետ:

Նրա հաւատարիմ աշակերտների գրուածքներում իրենց ուսուցչի տեսութեան կրկնութիւնն ու վերամշշակութիւնը փնտուելուց առաջ ծագում է մի հարց, որի լուծումը անհրաժեշտ է երևում. արդեօք Կօնտի վարդապետութիւնը համաձայն է իսկապէս իրականութեան հետ. արդեօք ժամանակակից գիտական սօցիօգիտան ընդունմամբ է այն թէ ոչ:

Սովորական դիտողութիւնն անդամ բաւական է ցոյց տալու համար, որ Կօնտի հիմնական տեսութիւնը, շատ հեռու լինելով մի մտքի աշխատանքի արդիւնք լինելուց, յարում է մի երկար շարք առաջ եղած և ժամանակակից մտածողների: Իսկապէս կօնվէնտի անդամ Մարկիզ Կօնդորսէն իւր մարդկային հոգու յառաջադի-

մութեան մասին արած դիտողութիւններում պնդում է, որ սօցիալական զարգացումը բանական էութեան զարգացման արդիւնքն է. նոյն թէզը պահպանել է նաև Տիւրգոն և ինչպէս յիշեցինք Սէն Սիմոնն էլ հաստատել է: Մինչ այս Հոենոսի միւս ափին Հեգէլը նոյն թէզը աւելի քիչ քողարկուած ձևով էր արտայայտել. նա բացատրում էր պատմութիւնը ինչպէս մի աստիճանական զարգացող յայտնութիւն իդէաի: Նոյն մտքի միաժամանակ յայտնելը այսպէս իրարից տարբեր և հեռու հեղինակների կողմից ըստ ինքեան բաւականէ հասկանալի դարձնելու համար, որ մի այսպիսի միտք սունկի նման չի բուսնում, կամ ինքն իրեն ծնում, այլ նաև մղող սօցիալական պայմանների անհրաժեշտ հոգեկան արդիւնքն էր: Իսկապէս, հասարակութեան պայմանները երբէք այնքան բարեյաջող չեն եղել մի այսպիսի տեսութիւն առաջ բերելու համար: Այս այն ժամանակներն էին, երբ միայնակ մտածողները խորը և վճռական յեղաշրջումներ էին մտցնում իրերի աշխարհի մէջ: Թրանկլինը զսպում էր կայծակին, Ուատոր գտաւ շնկեմեքենան, որը ինդուստրիայի մէջ յեղափոխութիւն մտցրեց, Աղամ Սմիթը ազատ առևտուրի տեսութիւնը տուեց, որը փշրեց մաքսերի գծած սահմանները, Ռուսսօն իւր՝ հասարակութեան պայմանաւորման տեսութեամբ խախտեց քաղաքագիտութիւնը, գահազուրկ արաւ տոհմեր. Կանտը աստուածութիւնը հեռացրեց խելքի աշխարհի թագաւորութիւնից և հաւատի վլխատոր հիմքը խախտեց. ժամանակի գիտնականները հաւատում էին, որ երկրի դէմքը կարող են փոխել կամ կարող են ցոյց տալ վերացական տրամաբանութեան անփոփոխ որէնքների ճանապարհը: Այսպիսի նախդրեալների մէջ մը տեսութիւնը աւելի բնական էր և ըստ ինքեան հասկանալի, եթէ ոչ այն, որը ասում է թէ իդէան

է որոշում սօցիալական շարժման ընթացքը և նախորդում է, թէ գիտութիւնն է որոշում մարդկութեան զարգացումը և իւր բարձր վճռով իշխում է մարդկութեան վիճակի վրայ:

Որբան հեշտ է ընդունել Կօնտի փիլիսոփայութեան առաջ գալը իբրև հեղինակի ապրած ժամանակի անհրաժեշտ արտոցոլումն, քանի որ այդ տեսութիւնը իւր պարզ գոյութեան հիմքը և անմիջական դրդիչը ժամանակի պայմանների մէջ է գտնել, ոչ պակաս ակներն է, որ մարդկութեան զարգացմանը այդպէս վերաբերուող մի ընդհանուր տեսութիւն զուրկ է հիմքից և ճշմարտութիւնից: Մենք արդէն տեսանք, որ Կօնտը ինքը թէկ ահաճութեամբ քննադատել է և ընդունել, որ այս գաղափարը չի կիր առևում այն շրջանում, որը սկսում է 14-րդ դարից և շարունակում է մինչև մեր օրերը, երբ ոչ թէ իդէան, այլ ինդուստրիան է որոշում սօցիալական զարգացման ընթացքը: Ի՞նչ կարելի է ասել մի պատմութեան փիլիսոփայութեան համար, որը անկարող է զգում իրեն ոչ պակաս քան 6 դար բացատրել և այն էլ մարդկութեան պատմութեան մէջ ամենից հետախուզուած և զարգացած շրջանը: Մի կողմը թողնելով այս, Կօնտի սխալն այն է, որ գաղափարները, մարդկային բանականութիւնը ընդունում է իրըն մի սկզբնական, անստեղծ բան, որը իւր սեփական ուժով և իմմանէնտ (իրենից բղիող) օրէնքներով է զարգանում: Այս բոլորը բացարձակ անհիմն է: Մարդկային գաղափարը շատ հեռու է սկզբնական, անստեղծ և անկախ կերպով իրերի վրայ ներգործող ոյժ լինելուց, աւելի շուտ նա անհրաժեշտ արդիւնք է պատահական արտացոլումն այն իրականութեան, որտեղ նա մնառում է, այն շրջանի, ուր նա շարժւում է: Նորագոյն, իրական, դրական հետախուզութիւնը իրաւամբ Կօնտի

թէզը գլխիվայր է կանգնեցնում և եղրակացնում է, որ ոչ թէ սօցիալական զարգացումն է արդիւնք հոգեկան զարգացման, այլ ընդհակառակը, վերջինս է արդիւնք առաջինի, ուրիշ խօսքով ոչ թէ մարդկանց մտածելակերպն է նրանց գոյութեան ձևը որոշում, այլ նրանց գոյութեան ձևից է կախուած նրանց մտածելակերպը: Այս տեսութիւնն էլ յիրաւի չի տալի իրերի սկզբնական հիմքերի մասին տեղեկութիւնն, որովհետեւ սօցիալական զարգացումը կամ մարդկանց գոյութեան ձևը իւր կողմից դարձեալ արդիւնք է այնպիսի պատճառների, որոնք կարօտ են բացատրութեան: Այնուամենայնիւ թոյլատրելի է այն եղրակացութիւնը, որ Կօնտի սօցիալական տեսութիւնը անդառնալի կերպով դատապարտուած է:

Այս գեռ բաւական չէ: Եթէ Կօնտի տեսութիւնը ուղիղ լինէր, պէտք է գաղափարի յառաջադիմութիւնը քաղաքական և սօցիալական յառաջադիմութեան հետ միասին առաջ գնար, սակայն սովորաբար հակառակն է պատահում: Յաճախ այն երկրները, ուր անարդար և բռնակալ իշխողները սօցիալական և քաղաքական կեանքը բռնադատում են, անապատացնում և անմիխթար դարձնում, հենց այդ երկրները՝ զարմանալի հոգեկան բարգաւաճում, գրականութեան, գեղարուեստի և գիտութեան զարմանալի յառաջադիմութիւն են ցոյց տալի: Այս երկութը պատճակական բան չէ, այլ իսկական հետևանք և շատ հեշտ բացատրուող իրողութիւնը: Հասարակական կեանքի ողորմելի և ախուր պայմանները ստիպում են լաւ օժուած մարդկանց հեռանալ քաղաքագիտութեան վատանգներից և հասարակական կիանքի սովորութիւններից և փակութել իդէալիզմի խաղաղ մթսոլորտում, ուր նոքա հրաշալի պտուղներ են տալի: Այս պատճառով սօցիալական կեանքի ամ-

բողջ քայլայման շրջանը սովորաբար արժանիքներով լի հոգեկան արտադրութեան ժամանակն է։ Ամենից առաջ արժէ յիշել Պերիկլէսի ժամանակը Աթէնքում։ Լևոն Հ-ըդի ժամանակը Խտալիայում, Միլտոնի ժամանակը Անգլիայում։ Գերմանիան փիլիսոփայութեան գաղաթնակէտին հասաւ Կանարի, Շէլլինգի, Հէգելի միջոցով բացարձակ և յետադէմ կառավարութեան տակ։ Մեր ժամանակի ամենափայլուն և զարմանալի գրական գործը, որը ամենից աւելի բռնկումն և ընդհանուր ոգևորութիւն առաջ բերեց «Quo Vadis?»-ը (Յոթերթաս) մի լեհացու գործ է, որը մտածել և աւարտել է կնուուի և հալածանքի ոչժիմի ժամանակ։ Մի աւելի այլ բան, քան եթէ զուգորդութիւն ենք նկատում հոգեկան և սօցիալական զարգացումների մէջ։ Մարդկութեան այս երկու գլխաւոր արտայայտութիւնների մէջ զուգորդութիւնից աւելի շուտ նկատելի է մի մեծ անդունդ, որը հնարաւոր է որևէ կերպ լցնել ապագայ զարգացման բուժիչ ազդեցութեան տակ։

Ես-կցանկանայի, որ ինձ յաջողուէր մի ամփոփ գաղափար տալ կօնտի ուսմունքի մէջ, ինչպէս նրա գեղեցիկ արժէքի նոյնպէս և նրա տարրալուծող սխալ-ների մասին, որոնք միասին հիւսուած են։ Իհարկէ այսօր այս սխալները բոլորն էլ գիտեն և այսօր չկայ անպայման հետևող այն սօցիօդիական սխտեմին, որը բոլորովին ջրուել է։ Թէև այս սխտէմը անդառնալիօրէն խորտակուել է, այնուամենայնիւ կօնտի տեսութիւնը միշտ մնում է յիշատակութեան արժանի, իբրև առաջին փորձ սօցիալական երևոյթների կարգաւորման և նա, չնայելով իւր հիմնական սխալներին, ունի լուսաւոր ճշմարտութիւններ, որոնցից բոլոր ժամանակի սօցիօդիները օգուտ կբաղեն։ Ներկայ սօցիօդներից շատերը կօնտին են պարտական իրենց շատ կարևոր

հայեցակէտերը։ Սպէսսէրը նրանից ոչ պակաս գաղափարներ է վերցրել և վարպետորէն զարգացրել իւր սօցիօդիայի սկզբունքները աշխատութեան մէջ։ Կօնտին համաձայն են դ'Իրէֆի շատ դիտողութիւններն ու տեսութեանները։ Տարյի հանճարեղ դիտողութիւնների մէջ—նմանողութեան վերաբերեալ, կայ անպայման կօնտի ազդեցութիւնը, նմանապէս Գիդդինքսի փորձերում, սօցիօդիային տալ հոգեբանական հիմք, քիչ թէ շատ ուղղակի կապ կայ դրական փիլիսոփայութեան հիմնադրի ուսման հետ։ Հէնց կօնտի տեսութիւնը սօցիալական զարգացման կախումը հոգեկան զարգացումից—թէև անտարակոյս սխալ տեսութիւն, ընդիմիշտ գնահատելի, դրդիչ է եղել ուսումնասիրելու դիտութիւնների, հաւատի և աւելի ընդհանուր մաքի պատմութիւնները, որոնք շնորհիւ այս վարդապետութեան այնպիսի նշանակութիւն և գրաւչութիւն են ստացել, որոնց ոչ առաջ և ոչ էլ յետոյ չեն հասել։ Թէև այն թագը, որով այս սխատեմը փորձում էր պակել մարդկային միտքը, նշանակելով միտքը թագուհի պատմութեան և զարգացման, արդէն հնացել է, բայց ճշմարիտ է նաև այն, որ հէնց այս սխատեմը շնորհիւ իւր նկրքին հոյակատութեան վառքի մի թագ է, որը կմնայ իրուք զարդ և հպարտանալու առարկայ մարդկային մաքի համար անմերջ ժամանակների ընթացքում։

## ԵՐՐՈՐԴ ԴԱՍԸՆԿՈՎԱԻԹԻՒՆ

ԿԵՆՍԱՔՐԱՆՈՎԹԻՆԸ ԽԵՐԵՒ ՏԻՄՔ ԱՕԳԽՈԼօԳԻԱՅ

Մարդկային հոգուն ամենամեծ պատիւ բերող  
հրաշալի գիւտերը երկու անգամ են եղել. առաջին ան-  
գամ ակամայից և միաժամանակ հանաքի համար, երկ-  
րորդ՝ անգամ նրանց արժեքի գիտակցութեամբ և պըտ-  
դաբեր հետեւանքներով: Թատրոնում կատակերգութիւ-  
նը դրամայից յետոյ է լինուն, իսկ կեանքի բեմում  
լինդհակառակը կատակերգութիւնը դրամայից առաջ է  
լինում, ծիծայիկի գիւտն է, որ լուրջ գիւտից առաջ է  
լինում: Նէկուաը Բարտօլոմէօ գԴնեայից 21 դար առաջ  
է Աֆրիկայի շուրջը պտտել. Ամերիկան ինչանդացիք  
Քրիստափոր Կոլումբոսից 5 դար առաջ են բաց արել  
քարածուխը, տպագրութիւնը, վառողը չինացիք անգա-  
լիացիներից, Գուտատէնբերգից և Շվարցից շատ առաջ  
են գտել, սակայն այս բոլոր վաղաժամ գիւտերին պա-  
կասում էր նրանց նշանակութեան հասկացողութիւնը.  
Նրանցից ստացուելիք սօցիալական օգտի և այն նոր  
ֆունկցիաների հասկացողութիւնը, որոնցով նրանք  
(գիւտերը) օգտակար կարող էին դառնալ: Նոքա միայն  
անհատի համար պարապ ժամանակի խաղալիքներ էին  
և ոչ սօցիալական նորութիւններ: Սօցիալական նոր-  
մուծութիւնները սկսում են ուշ, երկրորդ գիւտի ժա-  
մանակ: Արդարութեանն էլ համապատասխանում է այն  
բանը, որ մարդկութիւնը գիւտի պատիւը երկրորդ  
գտնողներին է վերագրում և նրանց է յայտնում իւր  
չնորհակալութիւնը և ոչ առաջիններին, որովհետև սո-  
քա իրենց գիւտի ժամանակ ուրիշ նպատակ չեն ու-

Նեցել, բայց եթէ եսական հաճոյքներին բաւականութիւն տալ, իրենց սին փառամիրութիւնը շոյել կամ աեփսական ձանձրոյթը փարատել, մինչդուռ երկնորդները զրկանքների և կարիքի գնով իրենց գլուխերը կարողացան սօցիալական օգտին գործածել և նրանցից ամբողջ մարդկութեան համար յաւիտենական բարիքներ առեղծել:

Սպէնսէրի անուան հետո Խնչնւ— որովհետեւ այն մըտքերը, որոնք նախկին հեղինակների համար անվատահքերը, պրոնք նախկին հեղինակներ և ակամայ պնդումներ են եղել, մեծ բացառութիւններ և ակամայ պնդումներ են եղել, մեծ, անգլիացի փիլիսոփայի գրուածքներում առաջն անգամ դաշնում են մի իշխող սկզբունքից, բոլոր խիստ կանոնաւորուած և տրամարանորէն ապացուցած օրէնքների սիստեմ՝ մինչդեռ նախկին թէօրէտիկները մի թէզ միայն պնդում էին, Սպէնսէրը պարզաբանում է և ապացուցում ամուր. հիմքերով և ուժեղ ապացուցուիլ:

Կենսաբանական հետախուզութիւններից հանելով սօցիօգիկան ուսումնասիրութիւններ, Սպէնսէրը էւր հետախուզութիւնների հոսանքի ոյթից մզւում է այն բանին, որ սօցիալական երևոյթների կազմուելու մէջ ամենամեծ նշանակութիւնը վերաբրում է կենսաբանական տարրեն: Այս պատճառով ժխտում է կօնտի վարդապետութիւնը, որի համաձայն բանական տարրը միտքը, որոցում է հասարակութեան դրութիւնը և ուժեղ կերպով պնդում է, որ ոչ թէ մտքերը, այլ զգացմունքներն են կառավարում և շարժում աշխարհը, կամ մարդը ոչ թէ իւր մտքի նեղնչման ազւեցութեամբ է գործում, այլ իւր զգացմունքների և կրթերի: Այս տեղից նա հետացնում է, որ սօցիալական շտատիկնու գիւնամիկը ոչ թէ մարդու հոգևոր ստեղծագործութիւնների վերլուծութեամբ կարելի է հետախուզել, այլ անհատի կեանքի և նրա ներքին օրգանիզմի օրէնքների ուսումնասիրութեամբ: ուրիշ խօսքով ոչ թէ փիլիսոփայութիւնը, այլ կենսաբանութիւնը կարող է մարդկային հասարակութեան կազմակերպութեան գաղտնիքը բաց անել:

Այս անգնահատելի օգնութիւնը, որ կենսաբանութիւնը սօցիօգիկային կարող է տար, խսկոյն պարզում

է և ուշագրաւ դառնում, երբ միտքը կանգնում է այն հիմնական դրութեանը՝ թէ իւրաքանչիւր օրգանիզմ մի համարակութիւն և օրգանիզմ: իւրաքանչիւր օրգանիզմ մի հասարակութիւն է, որովհետեւ կազմուած է միմեանց հետ համաձայն և սերտ յարաբերութիւններով կազմուած բճիճների մի ամբողջութիւնից, իւրաքանչիւր հասարակութիւն մի օրգանիզմ է, որովհետեւ նա էլ կազմուած է բճիճներից (անհամաններից), որոնք իրար մէջ չամ սերտ համաձայնութեան մէջ են և ագգրէգատի (խառնուրդ մարմին) գոյութեան և զարգացման նպատակին ծառայելու համար հաւասարական էնթարկետում են: Հասարակութեան և օրգանիզմի մէջ եղած համեմատութիւնը կարելի է շատ ուժից յատուկ, եղակի բաներում ևս տեսնել: Ոչ օրգանական մարմինները միայն ընդարձակուելով և ոչ ներքին ամբողջական կազմութեամբ են առում (ինչպէս հանքերը): որոնցից տարրեր են ածում օրգանական մարմինները իրենց զարգացման ընթացքում, ոչ միայն ընդարձակուելու են, այլ նոքա բարդանում են իրենց սերիական կազմութեան մէջ, նոքա աւելի ու աւելի են բաժանում մասերի. մի պրօցրէսսիվ բաժանումն է երկուան սրանց օրգանների և սրանց գործելով էրմքելի մէջ: Եռյն բանը առնում ենք նաև սարդկային հասարակութեան մէջ: Եթեանաց համարակութիւնները բոլորովին անբաժան էրիսթեան մէջ են, նրանց մէջ իւրաքանչիւր անհատ միամբանակ և մարտիկ է և որոնք և ձկնորս: բժիշկները միաժամանակ պատվամախօսներ են և հոգէնալածները էրշտ այնպէս, ինչպէս անորին օրգանիզմները շունդն յատուկ օրգաններ կերպուելու շարժուելու, շնչելու և այլն համար ինչպէս որ աւելի բարձր օրգանական մերրի զարգացումը պարզւում է նրանով, որ նոր յատուկ օրգաններ են

ծագում, որոնցից իւրաքանչիւրը իւր յատուկ գործելու նպատակն ունի, նոյնպէս մարդկային հասարակութեան աւելի բարձր զարգացման աստիճանին փոխուելը պարզում է, երբ կազմում է տարբեր և մասնաւորուած սօցիալական օրգաններ. Այս պատճառով կազմում են յատուկ օրգաններ սօցիալական կերակրման համար (հողագործութիւնը, ինդուստրիան), սօցիալական շրջառութեան համար (վաճառականութիւնը), սօցիալական պաշտպանութեան համար (պատերազմը, իրաւունքի հոգատարութիւնը) ևայլն. Այս դեռ բաւական չէ: Այն կենդանական օրգանիզմը, որը ունի բաժանուած և մասնաւորուած օրգաններ, նրա աչքի ընկնող յատկանիշն այն է, որ ունի ամենասերտ համաձայնութիւնը օրգանների մէջ, կամ անպայման կախումն կայ մէկի միւսներից. ուստի երբ մէկը դադարում է գործելուց, միւսներն էլ միանգամից անկարող են լինում գործել: Հէնց որ սիրալ դադարում է բարախելուց, թոքերը այլ եւ չնչն չնչում, ուղեղը չի մտածում, նեարգերը չեն շարժում, շարժող կեղրոնները կանգ են առնում և այն: Նման համաձայնութիւն կայ նաև սօցիալական ագգրէգատի օրգանների մէջ: Երբ բարածուխը պակասում է, գործարանի բանուորներին տրամադրմ են, երբ երկիրը հում նիւթեր չի արտադրում, ինդուստրիան կանգ է առնում, վաճառականութիւնը թուլանում է, զօրքը գէնքեր և պաշար չի ստանում և այն: Ինչպէս որ, որքան անհատական օրգանիզմը զարգանում է, նոյնքան նրա ֆունկցիաների միասին գործելը կամ համաձայն գործելը աւելի աչքի է ընկնում, նոյնպէս նոյնը կատարում է սօցիալական օրգանիզմի հետ: Սօցիալական օրգանիզմի կեանքը, ի բաց առեալ բացառիկ դժբախտութիւնները, աւելի երկար է, քան իւր մասերինը. բայց բայց առողջութեամբ են, նորից վերաբարդրում, օր-

գանները նորոգւում են, իսկ օրգանիզմը մնում է: Նմանապէս սօցիալական ագգրէգատի կեանքը աւելի տեսական է քան նրա բայց ներինը կամ անհատներինը, որոնցից նա կազմուած է, որովհետև մինչդեռ սերունդները իրար ետևից զերեզման են իջնում, հասարակութիւնները յաւիտեան տեսում են, կամ վերջանում են մի քանի դար տեսելուց յետոյ:

Անհատական և սօցիալական օրգանիզմների մէջ եղած նմանութիւնը այստեղ դեռ չի վերջանում: Կենդանական օրգանիզմները ունենում են երեք հիւսուածքներ. առաջինը նշանակուած է շրջապատի աղղեցութիւններին անմիջապէս ենթարկուելու համար և ֆունկցիան է օդից օգտակար աղղեցութիւնները ծծել և օրգանիզմի համար վնասակար աղղեցութիւնները ջոկել. սա էքսուերմ հիւսուածքն է (exoderme gewebe). Երկրորդը միախառնելու համար նշանակուած նիւթերը առնում է և մշակում—սա էնդոէրմ հիւսուածքն (endoderme gewebe). Երկուսի մէջն է մտնում մի երրորդ հիւսուածք, որը կենսական հիւթերն է բաժանում երկուսի մէջ—այս էլ մեզուերմ հիւսուածքն (mesoderme gewebe), որը կազմուած է արիւնանօթներից: Սօցիալական օրգանիզմում է էքսուերմ հիւսուածքն համապատասխանում է կոռուպների և դատարկութիւնների դասակարգը, որոնք պաշտպանում են. էնդոէրմին—երկրագործական և ինդուստրիական դասակարգը, որը կերպարում է. մեզուերմին—վաճառական դասակարգը, որը բաժանում է: Ինչպէս կենդանական օրգանիզմում նրա զարգացման ընթացքում էքսուերմ սիստեմից կազմուում է նեարդային սիստեմը, նոյն ձևով սօցիալական օրգանիզմի մէջ կոռուպների դասակարգից կազմուում է կառավարող դասակարգը: Ինչպէս օրգանական զարգացման մէջ էքսուերմ հիւսուածքը հետզհետէ իւր նշանակութիւնը կորցնում

է միւս երկուսի վերաբերմամբ, նոյնպէս սօցիալական զարգացման մէջ կռուողների դասակարգի աստղը հետզետէ խաւարում է արտադրող և վաճառականութեամբ պարապող դասակարգերի համեմատութեամբ, որովհետև մարդկաւին հասարակութիւնը զինորդական դրութիւնից անցնում է ինդուստրիական դրութեամբ, հասարակութիւնը նախնական անխտիր կռուող հօրդայական դրութիւնից հեռանում է և ձգուում, դժբախտաբար դեռ շատ հեռու գտնուող մի սօցիալական ձևի, ուր ամեն մէկի գործողութիւնը ազատ և ապահով կարող է աճել, զարգանալ, տիեզերական խաղաղութեան հովանու տակ։ Այս զարգացման համապատասխան փոխում՝ են նաև սօցիալական օրգանները չափով։ Եթէ մի կռուող տոհմի իշխանութիւնը՝ նման է cerebrospinal նեարդային սինտեմին, կարելի է մի խաղաղասէր տոհմի իշխանութիւնը՝ նմանեցնել մեծ սիմպատիկոս-ին Պէտք է նկատել, որ Սպէնսէրի վերջին համեմատութիւնը կենսաբանութեան նոր յառաջադիմութիւններին չի համապատասխանում. վերջիրս մեծ սիմպատիկոս-ին իրեն միահեծանութիւնից գահնենկեց են արել, որը բաւական ժամանակ նրան էր վերապահուում և այժմ նրան բաժանողի և համեմատողի համեստ դերն են տալի. Եթէ նա այսպիսով կորցրեց իւր և իշխողի մէջ եղած նմանութիւնը, նա այնքան թոյլ անժաման դարձաւ, ինչպէս մի հասարակական վերջին նախագահ։

Սակայն անհատական և սօցիալական օրգանիզմների մէջ այսքան շատ կէտերում եղած նմանութիւնները, մեր կարծիքով, չպէտք է թոյլ տայ մոռանալ եղած այն երկու մեծ տարբերութիւնները, որոնցով նորա միմեանցից զատում են. 1. կենդանական օրգանիզմը կազմուած է միմեանց հետ անբաժան կերպով միացած մասերից, մինչեւ սօցիալական օրգանիզմը

կազմուած է միմեանցից տարբեր կամ իրավից բաժանուող մասերից։ Մի բճիճ չի կարող մի ուրիշ բճիճից, որի հետ նա միացած է, բաժանուել, բայց սօցիալական բճիճը՝ մարդը կարող է իւր համաքաղաքացիներից, իւր նմաններից հեռանալ, նա կարող է գաղթել, նրան կարող են երկրից ուրիշ երկիր աքսորել, նա կարող է իւր սօցիալական անհատականութիւնը ինքնասպանութեամբ ոչչացնել։ 2. Կենդանական օրգանիզմի մէջ կան զգացող և ոչ զգացող մասեր, մինչդեռ սօցիալական օրգանիզմում դարձեալ չենք գտնուած զգացողութեան մենաշնորհ մի բանի անհատների կամ իմբերի համար, այլ այս բանը հաւասարապէս տարածուած է բոլորի մէջ։ Մինչդեռ կենդանական օրգանիզմի գիտակցութիւնը աւելի կամ պակաս սահմանափակուած ագրէգատի մէջ է կերպնացած, սօցիալական օրգանիզմի մէջ այս բանը տարածուած է ամբողջ ագրէգատի վրա։ Անկարողի է մարդկային հասարակութիւններում գտնել մի մտածողութեան գործիք, որը տարբեր լինի անհատականից, մինչդեռ կենդանական օրգանիզմի մէջ միայն մի մասը ունի կրծատ մտածողութեան գործիք։ Այս տարբերութիւններից հետևում է մի առօղջ կարմոր նորութիւն. մինչդեռ անհատի օրգանները ապրում են և գործուած օրգանիզմի օգտին, անհատները բոլորովին յօգուած հասարակութեան կամ նրա մի արտօնեալ դասակարգի համար չեն ապրում և գործուած, այլ, ընդհակառակը, համարակութիւնը զարգածուած է և ապրուած յօգուած այն անհատների, որոնցից նա կադմուած է։ Վրիստուէլի և ուրիշ վրիստուէլի այն կարծիքը, թէ մարդը ստեղծուած է պետութեան հաւմար և ոչ թէ պետութիւնը մարդու համար, միտեղի է. այսանդ պարզուած է առաջին անգամ։ Հօրդուի դրած սրան բոլորովին հակառակ և աւելի բնական ու արդար,

թէզի ճշմարտութիւնը, թէ պետութիւնը միջոց է, իսկ մարդը նպատակ, որ միայն այն միջոցները և օրէնքներն են թոյլատրելի, որոնք մարդկային սեռի օգուտաները աչքի առաջ ունին:

Այսուամենայնիւ հասարակութեան և օրդանիզմի մէջ եղած ուշադրութեան արժանի այս տարբերութիւնները չեն կարող հեռացնել այն նմանութիւնը, որ նըկատելի է երկուսի մէջ և Սպէնսէրը չի քաշում եղակացնելու, որ հասարակութիւնն էլ մի օրդանիզմ է, թէև իւրատեսակ, բայց և այնպէս մի օրդանիզմ է: Հասարակութեան և օրդանիզմի մէջ եղած նմանութիւնը Սպէնսէրի համար մի գնահատելի օժանդակ միջոց է իւր հետախուզութիւնների ընթացքում, որը վերաբերում է մարդկային հասարակութեան և նրա աճող ձևերի վերլուծութեանը: Ինչպէս կենդանական օրդանիզմը, ասում է նա, նոյնպէս և սօցիալական օրդանիզմը ենթարկուած է զարգացման մի անխախտ օրէնքի, որը նրան նոյնածին (homogen) տարբերութիւններից տանում է այլածին (heterogen) տարբերութիւնների և օրդանական ու սօցիալական զարգացման պատճառը նոյնն է: Ինչպէս կենդանական օրդանիզմը շնորհիւ գոյութեան կռուի է զարգանում, որը վերջանում է նրանով, որ ամենից ուժեղներն ու յարմարները յաղթում են և թոյլերը ոչնչանում, նոյնպէս սօցիալական օրդանիզմը զարգանում է շնորհիւ կեանքի կռուի և աւելի օժտուած, ուժեղ, իմաստուն անհատները յաղթում են, իսկ թոյլ և այլասեռուած տարբերը ոչնչացման են դատապարտում: Աւելի լաւի բնական ընտրութիւնը սօցիալական զարգացման մէջ մի ուժեղ գործօն է, ամենից ուժեղը, բայց ոչ միակը: Ինչպէս օրդանական զարգացման որոշման համար բնական ընտրութեան մօտ շրջապատի ազդեցութիւնը և ձեռք բերած յատկութիւն-

ների ժառանգականութիւնը օգտակար և անհրաժեշտ է, նոյնը կարելի է ասել և սօցիալական զարգացման համար: Անկասկած բարոյական դիէաներ ստանալը, գիւտերը և նոր վարդապետութիւնները իրար հետևող ցեղերի զարգացման համար գնահատելի գործօններ են եղել, որոնք արիւնոտ կեանքի կռուից գուրս են գործել և մարդկային ցեղի հետզհետէ մի աւելի անվերջ յառաջադիմութեան լրտսաւոր բարձրութեան համնելուն նպաստել:

Այս է Հերբերտ Սպէնսէրի սօցիօլօգիական տեսութիւնը համառօտ խօսքերով, որը, ինչպէս ամեն մէկը տեսնում է, մի խելացի, լաւ կարգաւորուած ամբողջութիւն է և նրանով զբաղուողների անմիջական հիացումն ու ուշադրութիւնն է գրաւում: Այս վարդապետութեան շուրջը կազմուել է ընդունակ և ոգկորուած երիտասարդներից կազմուած մի դպրոց (Վորմս, Լիլենֆելդ, Դիւրկհայմ, Նօվիկով, Մալթօլ), որոնք իրենց ուսուցչի տեսութիւնը բացատրել են, ապացուցել, պարզաբանել և յաճախ էլ ծայրահեղութեան հասցըել: Այս ոգկորուած հեղինակները, որոնք իրենց օրդանիստներ են անուանում, ընդունում են Սպէնսէրի ցոյց տուած նմանութիւնը հասարակութեան և օրդանիզմի մէջ և աւելացնում են մի շարք զիտական զարդեր նրա վրայ, որոնք շատ անգամ աւելորդ են լինում և անհեթեթ: Սպէնսէրը սօցիալական և կենդանական մարմինների մէջ եղած նմանութիւնը տաք կերպով շեշտելով, իսկապէս շտապեց կցելու և այն, որ այս նմանութիւնը ոչ մի այլ արժէք չունի, բայց միայն խօսակցական մի ձեի, որը աւելի յարմար է պլաստիկ ձևերով արտայայտելու հասարակական կեանքը արտայայտող օրէնքները: Սակայն այս խելօք պահեստի խօսքը գժբաղտաբար նրա աշակերտները մոռացան, որոնք ոչ միայն ուսուցչի տուած համեմատութիւնը ամենափոքր առանձ-

նայտակութիւնների. մէջ փնտութով ծայրահեղութեան հածան, այլ և շահագործեցին այս իբրև պարզաբանող ապացոյց, իբրև անհրաժեշտութիւն շատ սօցիալական օրէնքների. Գնրմանական գիտնական Շէֆֆլէն ծայրահեղութեան մէջ ընկաւ, երբ սկսեց թուել սօցիալական շերտերը, օրգանները, մէգմէնմաները, անօդնելական շերտերը, շարժող կելունները, նեարդերը և գանգլիաները. Նոյն դպրոցի մնացած սօցիօգները նրանից աւելի չափառը չեն: Նրանք իսկապէս նկարագրում են սօցիալական գանգը, «սօցիալական միջ» սիմպատիկումը, սօցիալական թոքը, նոքա ցոյց են տալի հասարակութեան անօդների սկստեմը, «որի ներկայացուցիչն է (հասարակութեան մէջ) բնայողական գանձարանը». Սօրբօնի համալսարանի մի ուսուցչապետ Կղերին ահմանաւորում է նմաննեցներով նրան մի գիրացած նեարդային նիւսուածքի մօսքեր, որոնք ծիծաղելի են նրանց համար, որինք ուշը են դարձրել մեր գաւառների քահանան: Այս այլ սօցիօգների նեարդերի նիւսը արտաքինի վրայ: Մի այլ սօցիօգների նեարդերը համեմատում է հեռագրի թելերի հետ, իսկ մարդկային ուղեղը հեռագրական կեղրունական թիւրոյի հետ աւելի լին էք հեղում: Մի հեղինակ՝ այսքան առաջ է գնացել, որ ուզում է աղամարդկանց պնտութրւները կամանց պետութիւններից տարբերել, բայց առաջները կամանց պետութիւնները նուաճող պետութիւնները կիմմն, որոնք նուաճուած պետութիւնների վրայ տիրողներ կդառնան, իսկ նուաճուած պետութիւնները, որոնք ենթարկում են առաջնմաներին, կլինն կամանց պետութիւնները:

Այս անմիտ չափազանցութիւնները կմրժեա չէնց նրա համարնեն, որ այս վարդապետութեանը որի մեկնիւններն են ուզում (լինել), հաւաքանականութիւնը թուլացնեն. հաստատէ, որ այս վարդապետութեան վար-

կարեկման մէջ ոչ պակաս միղաւոր են նրանք, նրանց աչքում, որոնք նոր սօցիօգիայում զամենայն դէպանորութիւնների հակառակ և յեպադէմ մարդիկ չեն հաշուած: Բայց եթէ մի կողմ թողնենք աշակերտների պայ չափազանցութիւններն ու յաւելումները և դառնանք ուսուցչի չափառոր գրուածներին, ստիպուած: Ենք եսոստովակնելք որ սա աւելի բան չէ կարողացել անկայաց եթէ սօցիալական խորը գրութիւնների վերլուն ծութիւնը փոխարինել անպատճ համեմատութեան դժուար, ծանրութիւններով: Մենք էլ մեր կողմից կարող ենք սօցիալական և մարդկային օրգանիզմների մէջ հղած առնչութեան կէտերը աւելացնել և հասարակութեան մէջ ջղեր, գանգ, անօթ, փորստիք, այլ և ուռէցը ներ և պրտի պայթիւններ գտներ սակայն այս ամենք մեզ հղեր, հասարակութեան օրէնքների հետախուզութեան գործում մի քայլ էլ առաջ չեն տանի: Մենք աւելի կամ պակաս պաստիկ և գունաւոր նկարագրութիւններ կը տանք բայց և ոչ մի անպայման գիրտական մերլուծութիւն հետախուզելով երևոյնների վերաբերմանը: Այս է եղել Սպէնսերի համար պահուած հակառագիրը: Նրա սիստեմատիկ համեմատութիւնը թոյլ է տալի նրան սօցիալական կեանքի պարզ երևոյնները նկարչական ձևով ներկայացնելը որը սրան կամ նրան գեղարուեստական կամ գիտական տեսակէտից կարող է դուք ուրիշներին կարող է այս բանը երկալ ձեւական և դեկադենտ մի արտայայտութիւն, որը սակայն ոչինչ չի պարզում և չի ապացուցանում: Սպէնսերի սօցիօգիան այս պատճառով պարզ նկարագրական է և ոչ հետախուզական: Նա ներկայացնում է հետախուզութեան մի սախկին շրջան: Նա կարող է ծառայել իրու մի նախապատրաստութիւն մի աւելի բարձր գիտական ուսումնասիրութեան համար:

Բայց սրանից էլ աւելի քան համեմատական մեթոդը Սպէսնսերի սիստեմը կամ նրան հիմնական թէզը ովախաղակութելու արժանի է, այն պատճառով, որ նա սօցիօգիկան կենսաբանութեան վրայ է կառուցանում: Թիւն հետախուզութիւնն իսկ բացական է համոզուելու համար, թէ այս թէզը բնչալիքի խրստ հակառութիւն ունի իւր մէջ. Յիլաւի սօցիօգիկան իրը ինքնիշխան գիտութիւն իրաւունք ունի մեծակ վճռելու այն հարցը, թէ որ աստիճանի սօցիալական ագգրէգատի կեանքը օրէնքների է ենթարկում, որոնք անհատի կեանքում իշխող օրէնքներից տարբերում են: Եթէ այնուամենայնիւ պնդում են, որ հէսց անհատի կեանքը որոշող օրէնքները կառավարում են հասարակական կեանքը, պէտք է ուրեմն այստեղից տրամաբանութէն եզրակացնել; որ կենսաբանութիւնը միանակ բաւական է սօցիալական երևոյթների ամրողութեան բացատրութեան համար և որ մի սօցիօգիկան գիտութիւն այլ կոյութեան իրաւունք չունի: Այսպիսով այս դպրոցը սօցիօգիկային խանձարութիւ մէջ ինեղուում է, վոխանակ հիմնաւորելու: Բայց մի կողմ թողնելով այս հանգամանքը, իրաքանչիւրն էլ տեսնում է, որ բոլոր օրգանական էակներին յատուկ կենսաբանական երևոյթները չեն կարող հիմնական հետախուզութեան մեթոդ տալ սօցիալական երևոյթների համար, որոնք առնուազն իրենց բարդ և յատուկ արտայատութեան ձևերով բացառապէս մարդկային շեղին են յատուկ հսկապէս միայն մարդն է իւր կեանքը նուիրում կրթական, իրաւական և կարգառական որոշումների: մարդն է առաջ բերում քաղաքական, ազգային, միջազգային յարաբերութիւններ, որոնց հետքն իսկ իշուր է վիստուել ստորին տանակների մէջ: Յաւաւ գիտեմ, որ սպէսնսէրեան սօցիօգները այլ կերպ են դատում և ամեն մի դէպուտ

մատնանիշ են անում ջրշուների, մեղուների և մրջիւնների հասարակութիւնները: Այսուամենայնիւ նրանց բարի կամքը և սիստեմատիկ խոշորացնող պական կարողացել է կենդանական տեսակներում միայն նիւթական հաւաքումներ տեսնել, որոնք կազմուել են մի ընդհանուր, սպառնացող վտանգի պատճառով և ըստ ամենայնի անդիմակցական և մեքենայական են: Ընդհանուր մասերի բաժանուած և բարդ մարդկային միատեղ կենցաղավարութեան հետ ոչինչ համեմատելի բան չեն ներկայացնում: Եթի կենսաբանական գործողութիւնը բոլոր տեսակների համար ընդհանուր է, իսկ սօցիալական գործողութիւնը և նրան պատկանող յարերութիւնը միայն մարդկային տեսակին են առանձսապէս յատուկ: պարզ է, որ այն փորձը, որով աշխատում են երկրորդ տեսակի գործողութիւնները միայն իւրին կցորդ երևոյթներ առաջինների ներկայացնել, տրամաբանական առաւորդ է: Պարզ է ուրեմն, որ պէսզի սօցիալական երևոյթներ առաջ գան: որոնք գտնուում են մարդկային ագգրէգատի ծոցում և ոչ ստուին տեսակի ագգրէգատի մօտ, կենսաբանական երեսոյթը, որը բոլորին յատուկ է, այլ ևս բաւական չէ, այլ դրանից դուրս ըննութեան պիտի առնուի մի առանձին և միայն մարդկային էակին բացառապէս յատուկ գործողութիւն:

Այս սկզբանական սխալը շարունակուում է Սպէսնսէրի վարդապետութեան բոլոր ուսմունքներում և առաջին պատճառն է նրա բազմաթիւ թերինների և ավաստանքի արժանի սխալների, որոնց մէջ սօցիալական դրութիւններում պատճական գործունի նշանակութեան բացարձակ անգիտութիւնը ամենից փոքրը չէ: Հասկանալի է, որ մի դպրոց, որը սօցիօգիկան նկատում է իւրին կենսաբանութեան մի ընդլայնութիւն, այն գոր-

ծօնների հետ պլիտի հաշվու տեսնի, որոնք մարդուն և  
ստորին կենդանիներին ընդհանութ են: Որովհետեւ  
պատմութիւնը մարդու համար մի բոլորովին առան-  
ցին և բացառապէս նրան յատուկ երկոյթ է, շատ բնա-  
կան է, որ կենսաբանութեանը չի յաջողութ նրան իւր  
սեփական կառուցուածքի ներսն առնել: Այս է պատ-  
ճառը, որ Սպէնսէրը և նրա կողմնակիցները նախա-  
պատմական դաշտավայրերում սիրով զբոսանքներ են  
կատարում, որ շատ աղմուկ են բարձրացնում իրենց  
պահանջկոտ գիտականութեամբ Ամերիկայի, Աւստրա-  
լիայի կամ Մֆրիկայի նախապատմական անտառներին  
վերաբերեալ ուսումնասիրութիւններով, սակայն երբէք  
իրենց գիրքը չեն որոշում պատմութեան վերաբերամբ  
և միանգամայն անգէտ են մարդկային ցեղի պատմա-  
կան ժամանակին: Ինչու— որովհետեւ կենսաբանական  
մեթոդը տեղին է նախապատմական անտառների կեն-  
դանիների կեանքը ուսումնասիրելու ժամանակ, իսկ  
կուլտուրայի բացարութիւնների կամ պատմութեան  
մէջ եղած ժողովրդների կազմած բարդ և բարձր էու-  
թիւնների համար այլ ևս ոչինչ որոշել չի կարողանաւում:  
Այս հայեցակետը ունենալով, ևս չեմ տատանուում ա-  
սելու, որ Սպէնսէրի սիստեմը յիրաւի մի յետադէմ  
համեմատած կօնտի սիստեմի հետ: Վերջինիս  
տեսութիւնը, թէև շատ անգամ սիսալ, Արիազնայի թե-  
լի գեր էր կատարում պատմութեան լարիւրինթոսում  
հետափուղողի համար: Նա օգնում էր գոնէ իրար յա-  
հետափուղողի համար: Նա օգնում էր գոնէ իրար յա-  
հորդող սօցիալական շրջանները իրարից տարբերել և  
փորձում էր որոշ չափով իրեն յատուկ հիմնական գծե-  
րը միացնել, մի շունչ կազմող սկզբունք դարձնել:  
Սպէնսէրի ուսմունքը բոլորովին անյարմար է այս էա-  
կան խնդրի համար: Նա պէտք է պատմական ժամա-  
նական մէքին կանգ առնի: Նա անկարող է որևէ է

կերպ բաժնուած և բարդ երկոյթները, որոնք կատարւում են հասարակութեան մէջ, հետախուզել: Նա կարող է միայն վայրենի հասարակութիւնների և նախապատմութեան մասին հազիւ տանելի փիլիսոփայութիւն տալ, բայց ոչ երբէք քաղաքակրթութեան, բարբարոս ժամանակի փիլիսոփայութիւն և ընդհանրապէս երբէք պատմութեան փիլիսոփայութիւն չի կարող տալ: Դրանից դուրս կօնտի սոցիոլոգիան պայծառ լոյս էր սփոռում զասական հին դարի, միջին դարի և նոյն իսկ ներկայ ժամանակի կեանքի վրայ, իսկ Սպէսսէրի տեսութիւնը մարդկային բոլոր մեծ շրջանները կատարեալ մթութեան մէջ է թողնում կամ լուսաւորում է այնպէս մուլթ և ազօտ լուսով, որ հազիւ նրանց ուղուագծերի անբաժան ծայրերը կարելի է լինում գուշակել:

Մի այլ հետևողութիւն էլ այն է, որ կենսաբանական տեսութիւնը սօցիօգիային անկարող է դարձնում ընդունել սօցիալական զարգացման առանձնայատուկ բնոյթը և նրա փոփոխութիւնների առաջ գալը մի շարք միմեանցից բոլորովին տարբեր և պրօքրէսիվ ձևերի միջոցով։ Ես չեմ դանդաղում պնդել, թէև հակասական թուայ, որ Սպէնսէրի սօցիալական զարգացման տեսութիւնը հակաէվլիւցիօնական է, որովհետև նա մարդկային հասարակութիւնը իւր դարաւոր զարգացման ընթացքում ներկայացնում է իրբեւ մի զինուորական հասարակութիւն, որը ձգտում է ինդուստրիական կազմակերպութեան, բայց երբէք նրան չի համնի. ինչպէս Սպէնսէրն է ցոյց տալի, մարդկային հասարակութիւննը կատարելազործում է իւր հրաշալի զարգացման ընթացքում, բաժանում է, միանում. բազմապիսի է նրա արտայայտման և լարւելու միջոցները, բայց այնուամենայնիւ նա մնում է նման իւր էական բնութա-

գծերում, իւր աչքի ընկնող օրէնքներում. նա միշտ զինուորական հասարակութիւն է, որ ձգուում է ինուուստրիական հասարակութեան: Բայց իրերի իսկութիւնը այդ չէ, որովհետև մարդկային հասարակութիւնը իւր զարգացման պրօցէսում կատարում է մի շարք պատմական շրջաններ. սրանցից ամեն մէկում ունենում է բոլորովին տարբեր ձև, բնութագծեր և օրէնքներ: Նա սկզբում կոմմունիստական է, ապա ստրկական, ապա աւատական, ապա հիմնում է վարձու սիստէմի վրայ. այս շրջանները նոյնքան իրարից խիստ տարբեր պատմական աշխարհներ են, նոյնքան իրարից տարբեր օրգանիզմներ, որքան ճանճը գորիլլայից, կամ մեղուն—փղից: Այս բազմակերպ իրարից էապէս տարբեր բոլոր ձևերը Սպէսսէրը մի կարգի տակ է դնում, նա բոլորը մի դրօշակի տակ է դնում և ինչու—որովհետև ամենամակերեսութային ձևերը բոլորին էլ ընդհանուր է, այն է պէտք է զինուորական հասարակութիւններ դառնան: Բայց այս դէպքում նոյնքան արդարացի կինչէր գորտը, արծիւր և մարդը համեմատել, որովհետև բոլորն էլ այս կեանքի էակներ են շնչում:

Վերջապէս Սպէսսէրի այն թէզը, որ մարդկային հասարակութեան մէջ ճշտում է յարմարուողի աւելի ապրելու տիեզերական օրէնքը իրականութեան տարրական դիտողութիւնով միայն, խիստ ջախջախնում է. այստեղից երկում է, որ մարդկային գոյութեան կը ռում լաւերը չեն յաղթում միշտ. եթէ յաղթողները, վաճառողները, հարուստները մեծ մասամբ յաղթանակում են, յաղթուածներն էլ չեն վերջանում, ընդհակառակը պէտք է ապրեն, որ յաղթողներին կերակրեն, ծառայեն և պահպանեն. ուստի հասարակական կռւում պակասում են այն բոլոր տարբերը, որ տեսնում ենք

կենսաբանական կուում և այդ հանգամանքը դառնում է կատարելագործման և յառաջադիմութեան մի գործօն: Շատ կսխալուի սակայն նա, ով միև այս դիտողութիւնները կբացատրի իրը և անպայման դատապարտութիւն մի գիտական ուղղութեան, որը սօցիօլոգիական հետախուզութիւններին ուշադրութեան արժանի գրգումներ է տուել և որը ընդ միշտ—սա մի վայել խոստովանութիւն է—ճշմարտութեան հիմք ունի: Խսկապէս կասկած չկայ, որ մարդկային հասարակութիւնը որքան և առանձին, անկախ կեանք ունի, քան այն անհատները, որոնցից նա կազմուած է, այնուամենայնիւ նա կազմուած է անհատներից, այսինքն կազմակերպուած էակներից, որոնց ապրելու ձևը և հասարակութեան մէջ իրար հետ լինելը անպայման կենսաբանական պայմաններով կամ օրգանիզմի մէջ իշխող խիստ կանոններով է կարգաւորուած: Այս պատճառով կասկած չկայ, որ սօցիալական օրգանիզմի օրէնքները իմանալու համար անհրաժեշտ է իմանալ կենդանական օրգանիզմի օրէնքները. այս մտքով կայ և անվիճելի լլինի կենսաբանութեան սօցիօլոգիայի նախադրեալ լինելը: Այստեղ կայ ճշմարտութեան առաջին տարրը, որը ոչ ոք Սպէսսէրի սիստեմում չի կարող չընդունել: Բացի այս յարմար է օրգանիզմի և հասարակութեան համեմատութիւնը. թէև նոր գիւտերի համար չի կարող միջոց լինել, սակայն առնուազն կարող է համոզել, որ հասարակութիւնը մարդու արհեստական ստեղծագործութիւնը չէ, մի մեքենայ չէ, որ նա կազմել է և իւր ցանկութեան համաձայն կարող է փոխել և կազմալուծել, այլ նա մի բնական ծնունդ է, որը ենթակայ է զարգացման և յառաջադիմութեան խիստ օրէնքի և որ մարդը անկարող է նրան քանդել կամ էապէս փոխել: Այստեղ է ահա Սպէսսէրի տեսութեան մեծ

յառաջաղիմութիւնը համեմատած կօնտի տեսութեան հետ կօնտը սօցիալական երևոյթները դիտելով նկատում է այդ բոլորը իբրև մարդկային բանականութեան, մտքի արտայայտութիւն, որ մարդու քմահաճոյքին է թողնուած հասարակութեան դրութիւնը փոխել. այս տեսակէտից նաև բարենորոգիչներին, ծրագիր կազմողներին, բոլոր ցնորոշներին սօցիալական նորութիւնների վերաբերմամբ արդարացնում էր. Սպէսէրի տեսութիւնը լաւ ժամանակին այս խելացնոր ցնորոշներին պաղ ճառագայթով լուսաւորում է և ցոյց տալի, որ հասարակութիւնը մի օրգանական ամբողջութիւն է, որը խիստ բնական օրէնքներով է կառավարուած. այն միտքը, թէ քմահաճոյքով հնարաւոր է լնդհանուրի դրութիւնը հրամանի մի պարագրաֆով, վարչական կամ քաղաքական բարենորոգութիւնով փոխել, նոյնքան աբսուրդ է, որքան այն միտքը, թէ հնարաւոր է չների ոտքերը ուղղահայեաց դարձնել կամ փղերին— ճանձ: Սօցիալական բարենորոգութիւնը ամենաշատը կարող է նպատակ դնել այնպիսի մի հետեանը, ինչպիսին մի կենդանիներ ազնուացնող խելացի և նպատակայարմար միջոցներով համնում է: Ինչպէս սրանց շատ կը կնուող աշխատանքից յետոյ յաջողւում է եղան կամ ոչխարի գլուխը կամ եղջիւները կամ ոտքերը աւելի փոքրի կամ գեղեցկի վերածել, նոյնպէս բարենորոգիչների ջանասէր և համբերատար աշխատանքները շատ սօցիալական անհարթութիւններ կամ սխալ դրութիւններ կարող են ուղղել: Ոչ աւելի, մինչդեռ կօնտը աւելի կամ պակաս ճոխ բարենորոգութիւններ է առաջարկում, Սպէսէրը միայն համաձայնութիւն է ցոյց տալի. մի համաձայնութիւն, որի դէմ նա կոիւ է հրատարակում սօցիալիզմի, արհեստակցական միութիւնների և ահարկու պետութեան որևէ կերպ հասա-

քակութեան մէջ խառնուելու միջոցներով, ուշք չդարձնելով, որ հէնց այս երևոյթները հասարակութեան զարգացման այն անհրաժեշտ մասերն են, որոնց դէմ կը ուղելն իզուր է: Մի համաձայնութիւն, որը ամեն կերպ ճշմարտութեանը աւելի մօտ է, քան նրա նախորդի կատաստրօֆական յանկարծակիները:

Եթէ ինձ ասեն ընդհանրապէս, մի համադրական վճիռ տուր Սպէսէրի սօցիօլօգիայի մասին և մի համեմատական կարծիք կօնտի և նրա սօցիօլօգիայի մասին, կարծիքս այսպէս կձևակերպէի—որ կօնտի նիւթը իդէալիզմն է, իսկ Սպէսէրինը ստորին, կենդանական կեանքը: Կօնտը յանուն իդէաների է խօսում և ողջունում է նրանց իբրև մարդկային հասարակութեան ամենաբրձր զեկավարների, Սպէսէրը յանուն բծիմների, նեարդերի և նրանց անդիտակցական շարժումների է խօսում: Կօնտը ամպերում է թափառում, Սպէսէրը հողի տակն է սողում: Կօնտը մի հրեշտակ է, Սպէսէրը մի կենդանի: Երկու մտածողներից և ոչ մէկը մարդկանց հետ երկրի վրայ չէ կանգնած, ոչ մէկը չունի իսկապէս զրական և մարդկային հայեացք սօցիալական միակերպութեան մասին: Սօցիօլօգիան ունենալով յանձին կօնտի հրեշտակ և յանձին Սպէսէրի կենդանի, ստիպուած է Դիօգինէսի նման մարդ փնտուելու գնալ: Գտամ այդ գեռ պէտք է հետախուզել: Միայն մի քան ճիշտ է, որ այդ որևէ կերպ գտնելուցն է կախուած երիտասարդ գիտութեան ապագան և նրա յոյսերով լի բաղդը:

## ԶՈՐՌՈՐԴԻ ԴԱՍԱԽԱՐՀԱԿԱՆ ԹԻՒԹԻՒՆ

ԿԵՆԱՅԻՆԱԿԱՆ ՍՈԳԻՈՂԱԳԻԱՅԻ ՎԵՐՋԻՆ ՀՅԴԱՆԸ

Օրգանական զարգացման տեսութիւնը, որի կողմանակիցների համաձայն կենսաբանական սոցիոլոգիան միայն կարող է սոցիալական զարգացման հանելուկը պարզել, ինքը ունի մի զարգացում կամ մի հետաքըրքիր շրջան է կատարել, որը կիմանայ միայն նա, ով որ ուզում է հասկանալ այն դժուար լուծելի հարցը, որի համար աշխատում են նոր ծագող գիտութեան կողմնակիցները: Ձևափոխութեան (Transformismus) առաջին տեսագէտների համար, Լամարկ, տեսակների զարգացումը պարզապէս արդիւնք է անհատների գործ դրած ջանքերի շրջապատին յարմարուելու համար. երբ մի որոշ ժամանակում այս ջանքերը կրկնւում են, վերջապէս ձևափոխում են և կատարելագործում է համապատասխան օրգանը և այսպիսով ամբողջ օրգանիզմը: Օրգանիզմի այս աստիճանական կատարելագործուիլը, որ արդիւնք է իւր ապրած շրջապատի դէմ մղած անվերջ կեանքի կրուի, աւելի ուժեղացած և դրոշմուած անցնում է յաջորդներին. շնորհիւ ժառանգականութեան և անվերջ վարժութեան սերունդների ընթացքում նրանց յաջողում է վերջապէս առաջ բերել տեսակի մի հիմնական փոփոխութիւն կամ նոյն իսկ մի նոր տեսակի կազմութիւն: Այս է համառօտ խօսքերով Լամարկի տեսութիւնը: Այս տեսութիւնը, որ սկզբում թերահաւատութեամբ ընդունուեց, Դարվինի խոր և ընդարձակ

տեսութեան շնորհիւ բոլորովին յետ մզուեց \*): Վերջինս չի ուրանում, որ շրջապատը, յարմարուելը և ձեռք բերած յատկութիւնների ժառանգական լինելը ուշագրութեան արժանի գործօններ են օրգանական զարգացման մէջ. բայց նա պնդում է, որ սոքա պակաս արժէքաւոր մասն են կազմում միայն քան այն գործօնը, որ առաջին անգամ Դարվինը առաջ քաշեց—բնական ընտրութեան օրէնքը: Որովհետև ապրուստի միջոցները միշտ էլ բաւականաչափ չկան բոլոր կենսէակներին կերպարելու համար, այս պատճառով սրանց մէջ իշխում է մի սարսափելի կեանքի կոիւ, որի մէջ աւելի լաւերը, ուժեղները յաղթանակում են, իսկ թոյլերը անպայման ոչնչանում: Ուժեղի ապրելը, որ ունի աւելի կատարեալ և աւելի լաւ օրգաններ շատ կարեոր ազդեցութիւն է ունենում տեսակի լաւանալու և կատարելագործուելու վրայ: Ապրովների օգտակար յատկութիւնները սերունդներ շարունակ անցնում են իրար և աւելի ամուր զրոշմուում. այս հանգամանքը պատճառ կարող է լինել նոր տեսակի կազմուելուն: Այս ձեռվ կստացուի զարգացման ոչ թէ մի գործօն, ինչպէս Լամարկը իւր մետաֆիզիք միակողմանութեամբ կարծում է, այլ շատ զործօններ կմիանան մեծ հետևանք առաջ բերելու համար:

Այս ընդարձակ վարդապետութիւնը, որի համաձայն օրգանական զարգացումը արդիւնք է երեք գործօնների, շրջապատի, ընտրութեան և ձեռք բերած յատկութիւնների ժառանգականութեան, զարմանալի կերպով Սպէնսէրը ընդունել և պաշտպանել է: Շրջապատի ազդեցութիւնը ծնում է անհատական տարբերութիւն-

\*) Նորեքս սա Դարվինի տեսութիւնն է ջրում. Ծնթ. գերմ. թարգմանչի.

ներ կամ թէ պրիմիտիվ բաժանումները պրօտոպլազմայի մէջ վեր է ածում միութեան. բնական ընտրութիւնը դրական, լաւացած տարբերութիւնները պահում է և ամրապնդում. վերջապէս ձեռք բերած յատկութիւնների ժառանգականութիւնը կամ կազմութեան զանազան ձևեր ստանալը, չնորհիւ վարժութեան և համակերպման կատարելագործում է անհատներին և տեսակներին. Այս վերջին գործօնը առանձնապէս աղղեցութիւն և առանձին կարևորութիւն ունի բարձր տեսակների և մանաւանդ մարդկային տեսակի համար, որոնց մէջ բնական ընտրութիւննը շատ անդամ թուլանում է չնորհիւ ուժեղ, հակառակ ազդեցութիւնների: Նոր վարդապետութիւնը, որ առաջ եկաւ երկու մեծ անունների գուշակութիւններով, Դարվինի և Սպէնսէրի, թւում էր, թէ կոչուած է կենսաբանական գիտութիւններում անվիճելիօրէն իշխանութիւն հաստատելու: Բայց մի բոլորզին տարբեր գիտական ուղղութիւն սկսուեց մօտ 30 տարի առաջ և հետզհետէ գերակշռութիւն ձեռք բերեց. Նա նորից գառնում է հակառակ մտքով լամարկի հին միակողմանիութեանը. Նա նկատում է բնական ընտրութիւնը իբրև միակ գործօն օրգանական զարգացման համար և վեր յիշուած գործօնները բացասում է կամ նկատում է նրանց իբրև լուռ անձնաւորութիւններ կամ պատահական, լուռ գերակատարներ այս խնդրում:

Զարգացման տեսութեան այս նորագոյն շրջանը իւր սկիզբը պարտական է գերմանացի բնագէտ Աւշուստ Վայսմանին. սա ամենից առաջ աչքի ընկաւ հէնց նրանով, որ կտրական ձևով ժխտեց ձեռք բերած յատկութիւնների ժառանգական լինելը, որը ըստ լամարկի կենդանական զարգացման մէջ միակ գործօնն է. Ըստ Վայսմանի ծննդի միջոցով բնածին յատկութիւնները

ժառանգում են, բայց ոչ այն յատկութիւնները, որոնք գործածութեան կամ վարժութեան արդիւնքներ են: Օրինակ մի գունաւոր մարդու երեխաներ անպայման գունաւոր են լինելու, որովհետեւ բնածին յատկութիւն է և անցնում է յետնորդներին: Բայց մի կաքաւող կամ կաքաւչուի, որի ոտները շատ գեղեցկացել են երկար պարելու վարժութեան չնորհիւ, այնպիսի որդիներ կունենայ, որոնք անպայման շատ գեղեցիկ արտաքինով ոտքեր չեն ունենայ. Կօշկակարը, չնորհիւ իւր նըստած գրութեան առանձնայատկութեան, որի մէջ նա ամբողջ օրն էլ մնում է, սապատաւոր է դառնում, բայց նրա որդին անպայման սապատաւոր չի լինի. Չութակահարի որդին շարժուն մատներ չի ժառանգի անպայման, որոնց իւր հայրը չնորհիւ երկար վարժութեան ձեռք է բերել և այն, որովհետեւ այս բոլորը ձեռք բերած յատկութիւններ են և այդ պատճառով չեն անցնում յետնորդներին:

Վայսմանը իւր թէզի բացասարութիւնը սկսում է նրանով, որ պնդում է, թէ բոլոր օրգանական էակները երկու իրարից խիստ տարբերուող մասերից են կազմուած. սաղմնանիւթից (Keimplasma) և մարմնական բըձիճից (Somazelle): Անհատի մէջ, այն ամենը, ինչոր սաղմնային պլազմա չէ, բճիճ է և երկու մասերի մէջ ոչ մի փոխանակութիւն կամ փոխադարձ խառնուրդ տեղի չի ունենում. օրգանական մարմննը ծնելու ժամանակ իւր սեփական սաղմնային պլազմայից տալիս է նոր ծնուածին, բայց ոչ մի մաս իւր սեփական կենսական բճիճից, ուստի հէնց անհատի հետ ոչնչանում են այն բոլոր ձևերը, որոնք ծագում են կենսական բըձիճի մէջ և չեն անցնում յետնորդներին: Այն ձևերը, որ օրգանաները ստանում են չնորհիւ վարժութեան կամ ոչ վարժութեան, ուրիշ խօսքով ձեռք բերուած յատ-

կութինները և սովորոյթները շօշափում են միայն կենսական բճիծին, առանց սաղմնային պլազմային կպչելու. վերջինս այս աղդեցութիւններից բոլորովին կըտրուած է, որովհետև օրգանիզմի ամենափոքր շերտերումն է գտնուում. այս պատճառով ձեռք բերուած յատկութիւնները ժառանգաբար չեն անցնում յետնորդներին: Մի պարզ օրինակ աւելի լաւ կարող է խնդիրը պարզաբանել: Մեծ ոսկէ գեղմի ժապաւէնը, որը զարդարում է թանկագին քարերով, երբ մէկը ստանում է Սպանիայում, իւր մահուան ժամանակ պէտք է նոյն ժամանակի թագաւորին վերագրածնի, որը կարող է մի այլ մարդու ժամանակաւորապէս տալ և այլն. սակայն այն տուփը, որի մէջ գտնուում է ժապաւէնը, նոյն ժամանակուայ կրողը և նրա ընտանիքը կարող է պահել: Այստեղից հետևում է, որ ոսկէ գեղմի ժապաւէնով վարձատրուած անձը կարող է տուփը գեղեցկացնել, նշաններով զարդարել կամ թանկագին քարերով պատել. այս բոլոր գեղեցկութիւնները չեն կարող յաջորդներին անցնել, իրեն առանձին աչքի ընկնող բան, որովհետև նա միայն ժապաւէնն է ստանում և ոչ տուփը: Վայսմանի սաղմնային պլազման համապատասխանում է ոսկէ գեղմի ժապաւէնին, իսկ կենսական բճիճները, նրա տուփին: Օրգանական կատարելագործութիւնները, որոնք առաջ են գալի վարժութիւնից, կըթութիւնից, գեղեցկութիւններ են, որոնցով սաղմնային պլազման— տուփը զարդարուում է և որովհետև տուփը ժառանգութիւն չի կարող դառնալ, ուստի այդ գեղեցկութիւնները և բարելաւումները յաջորդ սերնդների համար ժառանգելի չեն. նոքա մնում են իրեն անհատական անցքեր և ոչ սօցիալական դրութիւններ:

Հասկանալի է, հէնց որ բացասում ենք ձեռք բերուած յատկութիւնների ժառանգականութիւնը, այլ ևս

անկարելի է տեսակների զարգացման մէջ տեսնել այս յատկութիւնների փոխանցումն, ուստի տեսակները միայն և միայն բնական ընտրութեամբ են զարգանում: Բայց գեռ բաւական չէ, որ բնական ընտրութիւնը միակ և միայն միակ բացառիկ գործօնն է մնում օրգականան զարգացման մէջ. Վայսմանը պնդում է, որ բացի այդ նա conditio sine qua non \*) է տեսակի պահպանութեան համար, կամ որ տեսակը չի կարող վատանալ և կենդանական թագաւորութեան աւելի ցածր ձեւերին փոխուել: Եթէ խկապէս բնական ընտրութեան պրօցէսը տեղի չունենար, մի սարսափելի երևոյթի հնարաւորութիւն առաջ կգար, որին Վայսմանը ասում է Panmixis (ամեն բանի խառնուրդ) և նրա կարծիքով սա կլինէր մի գործօն օրգանական քայլայման և հաւասարագոր մի սարսափելի այլասեռուման: Եթէ չլինէր նաև գոյութեան կորիւը, եթէ գոյութիւն չունենար աւելի լաւ օժտուած անհատների ապրելը և թոյլերի ոչնչացումն, այն ժամանակ նոքա կապրէին և կարող էին միշտ զանազան խմբերի աւելի բարձր էակների հետ զուգաւորուել. այս վերջիններիս լաւ կազմուած օրգանները, փոխանակ սերունդների ընթացքում աւելի քնքշանալու և պահուելու, մի բան, որ կարող էր լինել, եթէ լաւ էակներ իրար հետ զուգաւորուելին, պէտք է նորից աւելի վատանան և մի աւելի պրիմետիվ ու ցածր ձեկի վերածուին: Այս ձեռվ օրգանները անկարող են ժամանակի ընթացքում կատարելագործուելու. ընդհակառակը, աստիճան առ աստիճան կվատանան, մինչեւ որ տեսակը նորից իւր նախկին յետամաց ձեկին կլառնայ:

Panmixis-ի այս պրօցէսի և նրա քայլայող ազ-

\*) Պայման, առանց որի անկարելի է...

դեցութեան մասնաւոր արտայատութիւնները մենք կարող ենք տեսնել ամենասովորական և ծանօթ երեւոյթներում: Օրինակ հում կամ վատ եփած մսով կերպուող վայրէնիները, որոնք չունին իրենց մօտ ամերիկական ատամնաբոյժեր, որ նրանց համար լաւ ատամներ կամ կտրիչներ պատրաստեն, պէտք է ունենան անպայման լաւ կտրիչներ, որ հնարաւորութիւն ունենան ապրելու: Այս պատճառով վայրէնիներից նըրանք են մեռնում, որոնք շատ վատ կտրիչներ ունին, իսկ ապրողները, որոնք լաւ կտրիչներ ունին, ամուսնանում են և որդիներ են ունենում, որոնք նման կամ աւելի ամուսը կտրիչներ են ունենում. այս ձեռվ տեսակի կտրիչը հետզհետէ աւելի կատարելագործում և ամրանում է: Կրթուած մարդը կարող է շատ լաւ ապրել, եթէ նա վատ ատամներ ունի, կամ բնական ատամ բոլորովին չունի, գուցէ նրա համար, որ նորագոյն խոհանոցը մոից կարողանում է կատալէտ պատրաստել, որը ծամելու համարեա այլևս կարիք չկայ. կամ գուցէ որովհետեւ այժմս ամեն ոք ամեն ժամանակ երկու քայլից յետոյ արհեստական ատամներ պատրաստող կարող է գտնել. մի ստատիստիկա ցոյց տուեց, որ միայն Անգլիայում տարեկան  $1\frac{1}{2}$  միլիոն կեղծ ատամներ են արտադրում: Այս է պատճառը, որ մեր հասարակութեան մէջ լաւ ատամներ ունեցողների հետ կան նաև վատ ատամներ ունեցողներ և որ առաջնաների և երկրորդների մէջ ամուսնութիւնները հնարաւոր են և յաճախակի: Եթէ մի լաւ կտրիչներ ունեցող ամուսնանում է մի վատ կտրիչներ ունեցողի հետ, նախը լաւ կտրիչները իւր յետնորդին չի թողնում. այսպիսով կտրիչը միշտ աւելի է վատանում, ինչպէս իսկապէս դժբախտաբար կրթուած հասարակութեան մէջ էլ է, փոխանակ սերնդների մէջ հետզհետէ աւելի կտ-

տարելագործուելու, ինչպէս է այս վայրենի հասարակութիւնների մէջ: Այս հանգամանքը, որ այս դէպքում օրդանիղմի միայն երկրորդական մասին է վերաբերում, տարածում է ամբողջ անհատի կամ նրա կենսական օրգանի վրայ ևս. այսպիսով կարելի է տեսնել, որ քիչ յարմարաւորների ապրելը, որ հնարաւորութիւն է տալիս սրանց լաւ յարմարաւորների հետ ամուսնալու, առաջ է բերում սերնդի մի սարսափելի փշացումն կամ տեսակի յետադիմութիւն: Հասկանալի է թէ ինչու այդ դիտողութիւնները այնքան մեծ նշանակութիւն են տալի բնական ընտրութեանը, որովհետեւ այլ ևս ոչ թէ սա միակ պատճառն է օրգանական գարգացման, այլ ևս սա յետակազմութեան կամ տեսակի յետադիմութեան դէմ միակ պաշտպանող միջոցը, միակ նախադրեալն է, թէ ինչու մարդանմանները այլ ևս չեն դառնում մօներաներ կամ մարդիկ չեն դառնում կապիկներ:

Այս ձեռվ օրգանական զարգացման տեսութիւնը մի ուշադրութեան արժանի շրջան է կատարել: Սկզբում այս զարգացումը նկատուում է իրրե մի արդիւնք ձեռք բերուած յատկութիւնների ժառանգականութեան. յետոյ սրա և բնական ընտրութեան. յետոյ իրրե միայն բնական ընտրութեան. վերջապէս բնական ընտրութիւնը ոչ միայն զարգացման միակ պատճառն է համարւում, այլ ևս ընդհանրապէս տեսակի գոյութեան հիմքն է:

Այս ձեռվ օրգանական զարգացման տեսութեան նոր դրութիւնը սօցիօլօգիայի վրայ մեծ ազդեցութիւն է թողել: Սօցիօլօգիայի հիմքը կենսաբանութիւնը ընդունող նորագոյն սօցիօլօգները շտապում են Վայսմանի տեսութիւնը ընդունել և այստեղից էլ մի ուժեղ դէնք պատրաստել մինչև այժմ եղած նշանաւոր և աչ-

քի ընկնող սօցիօլօգների դէմ կռուելու համար: Եթէ ձեռք բերած յատկութիւնների ժառանգական լինելը ընդունենք, ասում են նրանք, մարդկային յառաջադիմութիւնը այս պայմաններում կարելի էր հասկանալ և գոյութեան կոիւը կարելի էր դուրս հանել այս դէպքում. իսկ եթէ ձեռք բերած յատկութիւնների ժառանգական լինելը մերժուում է, երբ զարգացման բոլոր գործօնները միայն մի բնական ընտրութեան մէջ են ամփոփուում և երբ սա մի անհրաժեշտ նախադրեալ է տեսակի չոչնչանալուն և չայլասեռուելուն, կենդանի էակների մէջ եղած կոիւը, սարսափելի և արիւնոտ կոիւը և սրա հետևանք անյարմարների ոչնչացումն կիրակ պարզապէս անհրաժեշտ պայման սօցիալական զարգացման, այն գինը, որով պէտք է գնուի մարդկութիւնը, յառաջադիմութիւնը և նոյն իսկ նրա ամբողջ հաւասարակութիւնը: Անհրաժեշտ է որևէ կերպ սօցիալական մրցումն առաջացնել, չհետևելով կենսական էակների մէջ իշխող կռուին, որը ունի խաղաղութիւն և հանգստութիւն ևս, որովհետեւ միայն նրանից է կախուած ընդհանրութեան զարգացումն ու կեանքը:

Բնական ընտրութեան այս յաղթանակը ընդունող գրողներից, որոնք մի քանի էական կէտերում իրարից տարբերում են, պէտք է յիշել Մօրսելի, Նօվիկով, Գամպլօվիչ, Վակկարօ և այլն. այստեղ պէտք է տուանձնապէս յիշել երկուսին, որոնք այդ նախադրեաններից ամենահամարձակ և աչքի զարնող եղրակացութիւններ են հանել՝ Ամմօն և Կիդո:

Ամմօնը իւր յայտնի գրուածքում «հասարակութեան կազմութիւնը և նրա բնական հիմքերը», պնդում է, հետևելով Վայսմանին, բնական ընտրութեան ամենահարողութիւնը և ջանում է ցոյց տալ, որ այս նոյնը մարդկային տեսակի մէջ նոյն ձևով է գործում, ինչպէս

և ստորին տեսակներում: Ինչպէս կենդանիների գոյութեան կռուում, ասում է նա, ուժեղները և լաւերն են յաղթանակում, մինչդեռ վատերը նուազում են և ոչնչանում, նոյն բանն է կատարուում նաև մարդկային հասարակութեան մէջ:—Որովհետեւ սօցիալական կռուում յաղթողները հարուստները, կապիտալիստները և ունենալուներն են, մինչդեռ յաղթուողները խեղճերն ու բանուորներն են, Ամմօնը չի քաշուում ապացուցանելու այն զարմանալի թէզը, թէ ուժեղ և հարուստ, թոյլ և աղքատ համանիշներ են. կամ այլ խօսքերով, հարուստները բոլորն էլ տաղանդաւոր և ոգու տէր մարդիկ են, իսկ աղքատները — յիմարներ են: Այս տեսակէտով նա մարդկանց իրենց ընդունակութեան համաձայն դասաւորում է և գտնում, որ նոքա մի երկանդամ կոր գծի (binomishe Kurve) կամ մի շրջանի նման են բաժանւում: Մեծ տաղանդաւոր մարդկանց թիւը սակաւ է, այնուհետեւ սկսեում է այն մարդկանց թիւը, որոնք հետզհետէ պակաս տաղանդաւոր են, աւելի ու աւելի մեծանալ, մինչև որ հասնում է միջին տաղանդաւորներին, որոնցից ամենից շատ կան. սրանցից պակաս տաղանդաւոր անհատների թիւը հետզհետէ պակասում է, մինչև որ հասնում է ամենաքիչ տաղանդաւորներին, յիմարներին, որոնց թիւը նոյնքան է որքան և հանճարաւորներինը: Եկամուտների կորագիծը յիրաւի համապատասխան ընթացքն ունի: Շատ քիչ չափից գուրս հարուստներ, միլիոնատէրեր կան. պակաս եկամուտներ ունեցողների թիւը հետզհետէ մեծանում է, մինչև որ հասնում է միջին եկամուտ ունեցողներին, որոնցից ամենից շատ կան. միջիններից պակաս եկամուտ ունեցողների թիւը հետզհետէ փոքրանում է, մինչև որ հասնում է ամենաքիչ եկամուտ ունեցողներին, պլուտարիատին, որոնց թիւը նոյնքան փոքր է, որքան և կրէսոս-

ներինը: Այստեղից Ամօննը յաղթանակօրէն եզրակացնում է, որ եկամուտների կորագիծը ըստ ամենայնի համապատասխանում է տաղանդաւորների կորագիծին. որ հարստութիւնը բանականութեան անհրաժեշտ մի ապացոյց է, որ ստացուածը տաղանդի թագն է, որ մարդանքան աւելի հարուստ է, որքան աւելի բանական է:

Սակայն հէնց առաջին հայեացըից տարրական դիտողութիւնն անդամ անթիւ կասկածներ է առաջ բերում այդ տեսակ եզրակացութեան վերաբերմամբ: Մի կողմը թողնենք այն, ինչոր կարելի էր ասել նրա պընդած զուգահեռականութեան դէմ ընդունակութիւնների և եկամուտների կորագիծի վերաբերմամբ. այդպիսի զուգահեռականութիւն իրականութեան մէջ գոյութիւն չունի. մինչդեռ միջին ընդունակութիւններից ցած տաղանդաւորների թիւը պակասում է, միջին եկամուտ ունեցողներից պակաս ունեցողների թիւը շատանում է. աղքատների թիւը հաւասար չէ հարուստների թուին, այլ շատ աւելի մեծ է: Այսուամենայնիւ այս մի կողմը թողնենք. յիրաւի Ամմօնի երկու կորագծերն էլ արժէքաւոր կլինէին, իւր թէզը ապացուցանելու համար, եթէ եկամուտի կորագծի մէջ իրար հետևող կէտերում գտնուողները նոյնը լինէին, ինչոր ընդունակութիւնների կորագծի համապատասխան կէտերում գտնուողները. ուրիշ խօսքով, որ իրար յաջորդող եկամուտ ունեցողների դասակարգի անհատները, նոյն անհատները լինէին, ինչոր ընդունակութիւնների համապատասխան դասակարգելում կէտերում գտնուողները: Ամմօնը, աւելորդ էլ է յիշել, որ այսպիսի ապացոյց չի բերում և չի էլ կարող բերել. առանց սրա նրա կորագծերը բացարձակապէս ոչինչ չեն ասում և չեն կարող արդարացնել այն հիմքը, որի շուրջն է պատառմ պայքարը: Կարելի է յիշել, որ հեղինակը իւր մեթոդի անկատարութիւնը զգում

է, որովհետև նա տքնում է զանազան ապացոյցների միջոցներ ժողովել: Նա հաւաստիացնում է կանդօլէի հաւաքած թուերի հիման վրայ, որ հարուստների ընտանիքները գիտնականների և արուեստագէտների աւելի մեծ թիւ է տուել քան աղքատներինը: Նա պնդում է, որ չափել է մի քանի հարիւր գանգեր աղքատների և հարուստների և գտել է, որ հարուստների գանգերը միշտ խոշոր են: Նախ բանկիրի գանգը շատ ընդարձակ է, որը պարզ ցոյց է տալի, որ նա միւս մահկանացուներից իւր բանականութեամբ գերազանց է: Էլ աւելի բան կարելի՞ է պահանջել: Ամմօնը լաւ չափել է հարուստների և աղքատների գլխարկները. այս նպատակով նա շատ զիխարկ կարողների հարցը էլ և սըրանք հաւաստիացը են, որ հարուստների գլխարկները աւելի մեծ են քան աղքատներինը: Էլ աւելի բան պէտք է, որ կարելի լինի աշխարհիս բոլոր բանուորներին անշնորհքութեան և բուրժուազիային բանականութեան մի վկայական տալ: Այսպէս Ամմօնը եզրակացնում է, որ բոլոր հարուստ անձնաւորութիւնները տաղանդաւոր են, իսկ աղքատները—յիմարներ են: Ուրեմն մարդկային հասարակութիւնը իւր կազմութեամբ և իւր սեփական զարգացմամբ խիստ կերպով ենթարկում է կենսաբանական բնական ընտրութեան օրէնքին. այստեղ յաղթանակում են լաւերը, ուժեղները և նրանց յաղթանակը յառաջադիմութեան միակ գործօնն է կարեոր պայմանը:

Բայց մակերեսոյթային գիտողութիւնն անդամ բաւական է հակաճառելու ունեոր դասակարգի առաջնութեանը, որը Ամմօնը այնպէս որոտընդոստ, իբր մի տիեզերական մարդաբանական օրէնք է յայտարարում: Ի նկատի չունենալով նոյն իսկ այդ թէզի բոլորովին հակառակի պաշտպանութիւնը այնպիսի աչքի ընկնող

գրողների կողմից, ինչպիսին է Աղամ Սմիտը և նորերս Բիւխերը. պէտք է ընդունել, որ հարուստները հարուստ են ոչ թէ նրա համար, որ նրանք աւելի բարսկան են, այլ ամենաշատը, որ նրանք բանական են, որովհետեւ հարուստ են. պարզ է, որ այս թէզը աւելի ճշմարտութիւն ունի իւր մէջ, քան Ամմօնի ձևակերպածը: Այս ապացուցաներու համար բաւական է այն պահը: Այս ապացուցաներու համար բաւական է այն դրութիւնը, որով մեր հեղինակը մեծ բաւականութեամբ դրութիւնը, որով մեր հեղինակը մեծ բաւական է այն դրադում է, այսինքն, որ առաջնակարգ և հարուստ ընտանիքները բացարձակ և յարաբերական չափերով գիտնականների և արուեստագէտների մեծ թիւ են տուել: Այսպիսի դրութեան հիմքը պարզապէս այն է, որ ունեոր ընտանիքները միայն կարող են իրենց որոշութեամբ տալ ապատ արուեստի համար պահնջուելիք կըթուդութիւնը տալ. այսինքն տաղանդը հարուստի տաք, ճոխ տան մէջ կարող է զարգանալ, եթէ ոչ տաղանդը, գունէ տաղանդի բացութիւնը. այս բանը ունեորութեան ազգեցութիւնն է և ոչ թէ պատճառը:

Ինչքան աչքի ընկնող գրողներ իրենց գիւտերը պարտական են միայն և միայն իրենց լաւ կազմած բօրսային: Լեռիերը իւր ասսիստենտների (օգնականներ) բոլոր նոր գիւտերը աստղանմանների (ծովային կենդանիներ) վերաբերմամբ սիստեմատիկ կերպով իւրեն է սեփականացնում. երբ այս բանի դէմ բողոքեցին, ցինիկօրէն պատասխանեց, որ այդ իւր արդար սեփականութիւնն է, որովհետեւ իւրաքանչիւր նոր գըտած աստղանմանի համար 1000 ֆրանկ է վճարել: Միւս կողմից բաւական է մօտից ծանօթանալ մասնաւոր սեփականութեան պատմութեան հետ, որպէս զի անինայ դատի հրաւիրուի այն թէզը, որի համաձայն հարստութիւնը բարձր բանականութեան հետևանք է և վարձատրութիւն: Այստեղ միայն մի օրինակ կըե-

կեմ: Մի հնդկացի ստրուկ, որը Սիվայի (աստուած) տաճարում պահապան էր նշանակուած, զիշերը կոտրեց խոշոր յակինթներից մէկը, որոնք աստծու աչքերն էին, փախաւ Ասիայով, իւր հետ ունենալով թանգագին քարը, անցաւ ուստական սահմանը և հասաւ Պետերբուրգի, որտեղ նրան յաջողուեց Եկատերինա կայսերուհուն վաճառել յակինթը մէկ միլիոն ուորլով: Այս մարդը ուստական յայտնի ընտանիք Լազարեանների հիմադիրն է: Այժմ հարցնում եմ, ո՞րն է այստեղ այն տաղանդը, որ ստեղծեց հարստութիւն: Ո՞վ կհամարձակուի ժխտել, որ այս դէպքում ոչ թէ տաղանդը, այլ գողութիւնն է ստեղծել հարստութիւն: Ի՞նչքան հեշտ է նման օրինակների թիւը շատացնել և եղակացութիւնը ընդհանրացնել:

Ամմօնը շարունակում է, թէ՝ եթէ հասարակութեան ընական կազմութիւնը ըստ ինքեան յարմարագոյնների և լաւերի յաղթանակն է որոշում, սրանով չենք ուզում ասել, որ նոյն հետևանքին չի կարելի հասնել կամ նպատակ դնել նոյն հետևանքը մարդկանց խելացի ջանքերով: Ընդհակառակը, երբ հասարակութեան զարգացումն ու հաւասարակշութիւնը ուժեղների, այսինքն հարուստների յաղթանակից է կախուած, պետութիւնների կազմակերպութիւնը նախ պէտք է այն կողմը ուղղուած լինի, որ նրանց (հարուստների) թիւը շատանայ. (աւելի խիստ միջոց, քան մի քանի կենսաբանական ազդեցութիւններ միասին զործում են, որպէսզի նրանց (ազգատների) ոչնչացումն արագացնի). Նրանց յաղթանակին նպաստել և արագացնել այն և ամեն կերպ յետամնաց և ալզատ դասակարգի ոչնչացումն առաջ տանել: Ամմօնը չի բաշւում մի շարք այս նպատակին ուղղուած այսպիսի միջոցներ առաջարկելու:

Առաջին միջոցն է այս նպատակին հասնելու համար, ասում է նա, խիստ ծանր հարկեր դնել գործածութեան անհրաժեշտ առարկաների վրայ, որը հարուստ և բարձր դասակարգին չի վնասի, իսկ աղքատ ժողովրդի վրայ կծանրանայ: Միաժամանակ պէտք է պետական և հասարակական թղթերի շրջառութիւնը շատացնել, որովհետև այդպիսով այն արտօնեալ դասակարգի թիւը կշատանայ, որը իւր ուրախ գոյութիւնը կուրոն կտրելու և ճշմարտութեան մասին դատարկ դիտողութիւններ անելու մէջ է անցկացնում: Պետութիւնը պէտք է պրօլետարիատին վարչական և քաղաքական ձայնի իրաւունքից զրկէ, որովհետև նրանք քաղաքացիական հասարակութեան մէջ ամենայետամաց և աղտոտ տարրերն են: Պետութիւնը պէտք է միենոյն աստիճանի անհատների ամուսնութեանը նպաստի. սրանով լաւերի ընտրութեանը և նրանց ընդհանուր յատկութիւնների յառաջադիմութեանը նպաստած կլինի և կենսարանական Բառմիքս (ամենախառնուրդ) դժբախտութիւնից խոյս տուած կլինի: Այս գեռ բաւական չէ: Պէտք է գովել ցեղերին հալածելը, որովհետև հալածանքը միշտ և անխալ ուղղուած է լինում ցածը ցեղերի դէմ և վերջիններիս ոչնացնումն առաջ բերել: Պէտք է գովաբանել պատերազմը, որովհետև պատերազմը միշտ թոյլերի ոչնացնալովն է վելջանում, ըստ Ամմօնի յիրաւի պատերազմի դաշտում ընկնում են պակաս յարմարները և անընդունակները, իսկ ազնուականներին և ճարպիկներին միշտ յաջողուում է իրենց ազատել: Ի՞նչպէս կլինէր, եթէ յիրաւի ոռումը, որ կոռուզների ամրող շարքը ջնջում է, իւր գոհերի մէջ ընտրութիւն անել կարողանար: Ի՞նչ կլինէր, եթէ մի ժամանակառութեան ամսական պատիժ չլինէր, որ իտալիայի գեղեցիկ ծաղիկ Գոտֆրիդ Մամելին, անընդունակնե-

րի և յետամնացների թուին պատկանէր և մեր քաջ գօրավարները, որոնք Աբբա Գարիմայի մօտ եղած պատերազմից միայն փախուստով մահուանից ազատուեցին, իրու գերմարդիկ կամ ընտրեալ ոգիներ նկատուեին: Պարզ է, որ այս օրինակները բերելը ըստ ինքեան նշանակում այդ թէզը ջրել:

Աւելի փառաւոր հետեւութիւններ է անում Կիդդը, իւր հոչակաւոր գրքում սօցիալական զարգացման վերաբերեալ, որոնց հանում է Վայսմանի վարդապետութեան հետեւով: Որովհետև սօցիալական ազգրէզատի զարգացումը կամ մնայուն գրութիւնը, ասում է այս հեղինակը, չի կարող տեղի ունենալ, եթէ չկինի բնական ընտրութիւնը կամ գոյութեան կոիւը, պարզ է, որ անհատի և հասարակութեան շահերի մէջ մի մեծ հակասութիւն կայ, որովհետև վերջինիս յառաջադիմութիւնը ապահով է միայն այն ժամանակ, երբ բազմութեան գժբախտութիւնն ու ոչնչացումն է տեղի ունենում. աւելի ևս յետ գնալուց խուսափելու համար, պէտք է մի սարսափելի կոիւ անհատների մէջ: Երբ մարդկային հասարակութիւնը այսպիսով ամենաբարձր զարգացման, նոյն իսկ ազատ մրցութեան իշխանութեան տակ հաւասարակշռութեան դրութեանն է հասնում և այսպիսով ամենամեծ իթանն է տրում գոյութեան կոռուին, անհատները կամ նրանց մեծ մասը սօցիալիզմը ընդունելու մէջ իրենց շահը կտեսնեն, որով ամսն տեսակ գեյութեան կոիւ ռուօրին կվերջանայ: Այս պատճառով մարդկանց մի սարսափելի բազմութեան խելք խորհուրդ կտար ստեղծել սօցիալական մի այնպիսի գրութիւն, որը մարդկային տեսակի գոյութեան յառաջադիմութեան հետ չէր կարող միանալ: Միւս կողմից սօցիալական կուռու յաղթողները իրենց սեփական շահից կարող են տարուել, իրենց յաղթութիւնը ի չարը

գործ դնել կամ այդ, ընդդէմ նուածուած անհատների, խստացնել. մի բան, որ պարզապէս նրանով կվերջաւնար, որ վերջիններս կապստամբէին և հասարակութեան կաղմալուծման պատճառ կդառնային: Այս տեսակէտից էլ խելքը մարդկանց առաջնորդում է հակասոցիալական գործողութիւնների: Երբ միայն խելքը մարդկանց իրենց տեսակի համար վնասակար գործողութիւններ է առաջ բերում, պարզ է, որ այլ հնարաւորութիւն չկայ նրանց այն բանին բերելու, որ այս գործողութիւններից յետ մնան, քան այն, որ մարդդիմի այնպիսի պատճառների, որոնք խելքից դուրս են, որ բանականութիւնից շատ այն կողմը դանուող մի սանկցիայի դիմի: Այս բանականութիւնից շատ այն կողմը դանուող սանկցիան, մի անհման ոյժի տէր, կրօնից կարելի է ստանալ, որը հասարակութեան վնասակար գործողութիւններին բնութիւնից վեր պատժով սպառնալով, մարդկանց յետ է կասեցնում դրանցից և այս ձեռվ կեանքի եղակի այն ձեն է ապահովում, որը ամենից աւելի է համապատասխանում սօցիալական զարգացման ինքնարուխ օրէնքներին: Կրօնն է այս պատճառով մարդկալին ազգրէգատի հիմնական կապը, այն նախատեսնուած ոյժը, որը նպաստում է հասարակութեան շարունակ բարձրանալուն, որը միայն կարող է նրան այլասեռումից և ոչնչանալուց ազատ պահել: Ուստի չպէտք է զարմանալ, որ կրօնական պահը համար չափանից ուժեղանում է և հէնց այն հասարակութիւններն են ամենից ծաղկած և ձկուն, որոնց մէջ ամենից շատ կրօնն է գնահատուած: Այս ձեռվ կիրակը գալիս է Բոկլին բոլորովին հակառակ եղակացութեան, մինչ վերջինս բարոյականութիւնը մի անշարժ բան էր համարում և բանականութեան մէջ էր տեսնում մարդկային զարգացման լծակը, կիրդը

խելքը և բանականութիւնը հասարակութեան զարդացման խոչընդուներ է համարում և պնդում է, որ այս բացառապէս բարոյականութեան և կրօնի բարերար աղդեցութիւնից է կախուած:

Ինչպէս երեսում է կիրդի գրուածքում կենսաբանական հասարակական տեսութիւնը մի շատ մեծ և ընդգրկող նշանակութիւն և գործադրութիւն է զմնում և վերջանում նրանով, որ հեշտ կերպով լուծում է վերին աստիճանի գդուար խնդիրները կամ աւելի լաւ ասած մեր ժամանակի երկու ամենազժուար պրօլէմները—սօցիալիզմի և կրօնի: Անօգուտ է, ասում է կիրդը, սօցիալիզմի դէմ կոռւել յանուն բարոյական կամ անտեսական իդէաների, որովհետև այս դաշտում միշտ կյաղթուենք: Անօգուտ է իլլիւզիաներ կազմել սօցիալիզմը մարդկային ցեղին կտայ մի այնպիսի բարոյական, տնտեսական և քաղաքական կազմութիւն, որը անպայման շատ աւելի բարձր կլինի նրանից, որը ահաւոր և թանգ կապիտալիստական ոէժիմն է տալի: Բայց մենք կարիք չունինք սօցիալիզմը ջրելու համար բարոյական կամ անտեսական ապացոյցների դիմելու, քանի որ արդէն կենսաբանութիւնը անդառնալիօրէն դատապարտել է այն, որովհետև գրանով կվերջանար գոյութեան կուիւը, բնական ընտրութիւնը կընկճուէր, որը տեսակի գոյութեան և հաւասարակշռութեան ամենազլիսաւոր պայմանն է, որովհետև նա անպայման առաջ կրերէր քաղաքացիական հասարակութեան կաղմալուծումն ու նրա յետ գնալը պրիմիտիվ և բարբարոսական համայնակեցութեան ձեռիրին: Ոչ պակաս անօգուտ է կրօնը յանուն յայտնութեան կամ դաւանաբանութեան պաշտպանել, մի բան, որ կստիպէր յաղթանակողի չափազանցութիւնների դիմել օրի վրայ. քանի որ կրօնը իւր անվիճելի արդարացումն է գտնում

կենսաբանական հետախուզումների մէջ. ըստ այսմ կրօնը մի անհրաժեշտ դրութիւն է, անհատից սօցիալական ագգրէգատի պահանջած փառաւոր կենսական պահանջները կանոնաւորելու համար։ Այս պատճառով կենսաբանութիւնը կարողանում է լոկ խօսքեր կազմող տեսութիւնները ջնջել և կրօնական հաւատքը ամրապնդել։ Ի՞նչ զարմանալի հետեւանքների կարելի է հասնել բնական գիտութիւնների չոր ու ցամաք հետախուզութիւններով։

Բայց կիդդի այս կենսաբանական—սօցիալական կազմակերպութիւնը, որը առաջին հայեացքից բաւական գրաւիչ է, իրապէս մի շարք պնդումներ ունի; որոնցից մէկը միւսից աւելի սխալ է։ Սխալ է այն ապահովացումն, թէ սօցիալիզմը գոյութեան կռուին վերջ կտայ: Իսկապէս տնտեսութեան սօցիալական կազմակերպութեան գէպքում գոյութեան կոիւը կդադրի առաջուանը լինելուց. առաջին անգամ մի ազատ և լրիւ ասպարէզ կբացուի նրա համար. սօցիալիզմի շնորհիւ անհատները կսկսեն իրենց ընդունակութիւնների ամբողջութեամբ կոուի գուրս գալ, այլևս ժամանակակից սեփականատիրութեան խանգարող օրէնքների շնորհիւ չի խառնուի և չի խանգարուի։ Երբ մի անգամ պարզուեց, որ սօցիալիզմը գոյութեան կոուին չի ճնշի, ըստինքեան սխալ է, որ նա ուրեմն անկարող է ապահովել հասարակութեան հաւասարակշռութիւնը և որ այս պատճառով անհատների կամ մի ահագին բազմութեան շահերը, ստեղծել մի մի սօցիալիստական կազմութիւն, անխուսափելի հակասութեան մէջ կլինի համայնական կեանքի շահերի հետ։ Երբ բացառում է, որ կարող է մի մշտական երկպատակութիւն լինել անհատի և ընդհանուրի շահերի մէջ, այլ ևս սխալ է խելքից գուրս մի սանկցիայի դիմել, որ մարդկանց ստի-

պէնք, որ հասարակութեան պահանջներին համեմատ ապրեն։ Կարիք չկայ իսկ յիշելու, թէ մի տեսութիւն, որը կրօնական սանկցիայի խնդիր է դարձնում—մարդկանց միշտ ճնշել, իրենց սեփական շահերի դէմ գործել, այն եղրակացութեան է հասնում, որը ամեն մէկի համար, ինչպէս և կիդդի, որի սրտին մօտ է կրօնի յայտնութիւնը, միայն հանգստացուցիչ է։ Իսկապէս անհնարին է, որ մարդիկ այդպիսի մի տարօրինակ ցնորքի գոհ դառնան կամ որ մինչև վերջն էլ կրօնական պատճենների գրաւչութիւններից ազդուած այնպիսի գործողութիւններ կատարեն, որոնք յիրաւի իրենց իսկական օգտին հակառակ են։ Ուստի եթէ յիրաւի ըստ կիդդի հայեացքի կրօնը աւելի բան չէ, բայց եթէ մի խաբէութիւն մարդկանց համար, որը նրանց ստիպում է իրենց սեփական օգտին հակառակ գործել, պարզ է, որ անխուսափելի է այն հետևողութիւնը, թէ նա միայն մի անցողակի գրութիւն կարող է ունենալ կամ որ նա կարող է գոյութիւն ունենալ անգիտութեան կամ բարբարոսութեան ժամանակ և որ նա անպայման կվերջանայ, հէնց որ մարդու նոր բացուող բանականութիւնը կպարզի նրան իւր բական օգուտը և վերջինից առաջացած կինցաղավարական ձևը։

Միւսներից աւելի շատ խճողուած և սխալ են այն կենսաբանական նախադրեալները, որ կիդդը նոյնքան ջանասիրութեամբ, ինչպէս և Ամմօնը և այս դըպրոցի բոլոր գրողները, հանել է և անկանոն կերպով հիմք է ծառայեցրել իւր բացարութիւնների համար։ Յայտնի է, որ Վայսմանի տեսութիւնը ձեռք բերած յատկութիւնների ժառանգական լինելու մասին այժմ խիստ գիտողութիւններով և փորձերով ջրուել է և որ հէնց ինքը, տեսութիւն տուողը, վերջին ժամանակներս ստիպուած էր մի շարք կրծատումներ և թուլա-

ցումներ անել, որով և իւր ուսմունքը մեծ մասամբ  
թուլացրել է: Այստեղ տեղը չէ այդ հակասութիւնները  
մէկ առ մէկ ապացուցանել բայց կարևոր է կցել, որ  
ձեռք բերած յատկութիւնների ժառանգական լինելը  
ամենից աւելի որոշ կարելի է ցոյց տալ մարդկային  
ցեղի մէջ: Յայտնի է, որ, օրինակ, մօնղօլները, որոնք  
ծնւում են ծուռ ոտքերով և ծուռ իրանով, այդ բանը  
պարտական են նրան, որ ամեն օր արշաւում են, մի  
բան, որ այս անդադրում նօմագ ցեղի մէջ դարեր է  
տեռւմ: Նոյնիսկ զանազան ժողովրդների և ժամանակ-  
ների օրէնսդրութիւնները լուելեայն ընդունել են ձեռք  
բերած յատկութիւնների ժառանգական լինելը: Օրի-  
նակ ուշադրութեան արժանի է, որ հնդկական կաստա-  
ների կարգը կամ միջնադարնեան համբարներինը, որով  
որոշուած էր, որ որդին իւր հօր արհեստն է ունենա-  
լու, լուելեայն այն մտքից էր ենում, որ այն օգտակար  
օրդանական փոփոխութիւնները, որ հայրը շնորհիւ իւր  
արհեստի մէջ կրկնուող վարժութիւնների ձեռք կրերի,  
որդի ունենալով, նրան կտայ և որդին այս աշխատան-  
քի համար առանձնապէս պէտքական կլինի: Այսօր էլ  
անգլիական աղմիրալիտէտը ծովագնացութեանը վա-  
րուելու համար նախապատռում է ծովագնացների որ-  
դոց, որովհետև փորձը ցոյց է տուել, որ այն ֆիդիքա-  
կան յարմարութիւնը, որ նրանք ծննդից ունենում են  
այս կոչման համար, նրանց առանձնապէս յարմար է  
պարձնում: Այս բոլորը ևս հակասում է այն ուսմուն-  
քին, որի համաձայն ձեռք բերած յատկութիւնները  
ժառանգական չեն: Անպայման մենք չենք կարող մեր  
եղբակացութիւնը մի հաստատումն համարել, թէ ձեռք  
բերած յատկութիւնները միշտ և ամեն դէպօւմ ժա-  
ռանգական են, մի բան, որ եթէ ճիշտ լինէր՝ կհասցնէր  
այն բանին, որ մարդկային ցեղը մի իրարից խիստ

բաժանուած կաստաների մէջ կքարանար: Ոչ, որդին  
դատապարտուած չէ անողոք բնական օրէնքից հօր կեն-  
ցաղական դրութիւնը ունենալու, շատ անդամ նրան  
յաջողւում է շնորհիւ իւր տաղանդի և ջանասիրութեան  
իւր ծնողի գործունէութեան սահմանները վշշել և մի  
աւելի բարձր դիրքի հասնել: Լիւտերը մի լեռնային  
աշխատաւորի որդի լը, կանու մի թամբագործի, Գիոտ-  
տոն—մի հովուի: օրինակներ, որոնք բողոքում են այս  
անմիջիթար տեսութեան դէմ, որի համաձայն ճակատա-  
գրական ժառանգականութիւն կայ: Եթէ ընդունենք էլ  
այս բոլորը, պէտք է խոստովանել, որ շատ անդամ ձեռք  
բերած յատկութիւնները յաջորդներին են անցնում, ուս-  
տի կայսմանի ամենից մեծ օրէնքը մարդկային ցեղի  
վերաբերեալ անգործադրելի է:

Ոչ պակաս սխալ է և ցնորական Բառմիքս-ի հե-  
տեանը չոր նկարագրութիւնը, որով վայսմանը բա-  
ւական ժամանակ մարդկանց սարսափեցրեց: Որ այդ  
սխալ է, բաւական է մատնանիշ անել այն հանդաման-  
քը, որ գոյութեան կուիւր բոլոր ապրողներից շատ քիչ  
մասին է միայն ընկճում և որ այս պատճառով բոլոր  
տեսակներում էլ, մանաւանդ մարդկանց մէջ քիչ ու-  
ժեղներից շատերը կամ շատ թոյլերը ապրում են: Այս-  
եղից հետևում է, որ Բառմիքս-ը շատ հեռու է մի բա-  
ցառիկ երևոյթ լինելուց, որ նա անբնական և հիւան-  
դու պայմաններում կարող է իրականանալ, որ Բառ-  
միքս-ը մի երևոյթ է, որ ամեն վայրկեան իրականա-  
նում է և ամեն կինդանի էակ իրականացնում է: Եթէ  
այս պատճառով Բառմիքս-ը յիրաւի այն դժբախտ  
հետևանքները առաջբերէր, որը ենթագրում է Վայսմա-  
նը, պէտք է բոլոր տեսակները անմիջիթար խեղութե-  
րի մի պատկեր ներկայացնէին և յետ գնալը օրդանա-  
կան բնութեան տիեզերական օրէնքը պէտի լինէր:

Դրան հակառակ յարմար է գալի բոլորովին հակառակը, որ Վայսմանը ինքը ընդունում է, որովհետև կեանաքի բոլոր արտայայտութիւններում մի միշտ զարգացման տանող բարերար օրէնք է իշխում:—Աւստի այն բոլոր կենսաբանական տեսութիւնները, որոնց վրայ հիմնում են նորագոյն սօցիօգները իրենց պնդումները—շատ պահանջկոտ և շատ կարեռ պնդումներ—աւելի քան սխալ են և ժխտելի: Երբ հիմքերը քանդուած են, կենսաբան-սօցիօգների վարպետորէն շինած կառուցուածքը խորտակում է, թողնելով միայն թշուառ բեկորներ:

Երկու գրողների օրինակը, որոնց առանձնապէս շատերը ծանօթ են և որոնց ես ընտրել եմ, պէտք է իրատ լինի և իզգուշութիւն ծառայի. պէտք է զգուշացնել, որ մեր սեփական ձեռքերով կենսաբանական աստուածութիւններ չտեղծենք, որոնք յաճախ ֆէտիշից աւելի բան չեն, որոնց համար առանց խելքի և քննադատութեան ի հաշիւ միը իմացականութեան երկպագութեան բեմեր ենք շինում: Անպայման իւրաքանչիւր գիտութեան պարտքն է, օգտուել միւս գիտութիւնների ձեռք բերած արդիւնքներից, բայց այն ժամանակ միայն, երբ վերջիններս լաւ ապացուցուած են և ոչ այն ժամանակ, երբ սրանք ոչ բոլորովին հիմնաւոր տեսութիւններ են: Չմոռանանք, որ նոյնիսկ Դարվինի տեսութիւնը շատ հեռու է մի անժխտելի ճշմարտութիւն լինելուց: Յիշենք, որ 4000 տարի առաջ եզրական սիւների վրայ քանդակուած մարդկային դէմքերը, որոնք շատ նման են մեր ժամանակի դէմքերին, խիստ ծիծաղելի են դարձնում նոր կենսաբանաքերին, բոլոր այն ձգտումները, որոնց նպատակն է ապացուցանել, որ կենդանիների զարգացման օրէնքները մեր տեսակի զարգացմանն էլ համապատասխանում են:

Յիշենք քաջարի սօցիօգների՝ Կօլայեաննիի, Տարդի և շատ ուրիշների նախազգուշացումն չանել շտապովի սօցիօգիկան ներածութիւններ խակ կենսաբանական նախադրեաններից:

Առանձնապէս պէտք է յիշել Գիգիքական և կենսաբանական գիտութիւնների երկու ներկայացուցիչների խօսքերը, որոնց վերաբերմամբ կասկածել անգամ անկարելի է, որ նրանք այդ գիտութիւններից ձեռք բերած արդիւնքները կամ նրանց մատուցանելիք ծառայութիւնը սօցիօգիայի համար փոքրացնեն: Պէրզոն, Լօնդոնի համալսարանի գործնական մատեմատիկայի ուսուցչապետ և արքունական ընկերութեան անդամ, վերջերս հաւասարիացնում էր, որ օրգանական զարգացման տեսութիւնը դեռ չի հասել այն քանակական և որոշակի արտայայտութեանը, որը միայն կարող է նրան հասցնել գիտական ճշմարտութեան պատուին և այն սօցիօգները ուրեմն, որոնք նրա վրայ են հիմնում իրենց ուսմունքը, աւազի վրայ են շինում իրենց կառուցուածքը: Համարեա թէ նոյն ժամանակը նախազգուշացնում է սօցիօգներին. Գրասսին Հոռմի համալսարանի համեմատական անատօմիայի ուսուցչապետ, որը յայտնի է իւր մալարիայի վերաբերեալ գիւտերով, այն վատ սովորութիւնից, որ Փիզիօգիկական և կենսաբանական տեսութիւնները, որոնք ոչ այլ ինչ, բայց եթէ փորձեր, տեսութիւններ և կասկածներ, որոնք դեռ ճշմարտութիւնից և ապացոյցներից զուրկ են, իբրև անպայման հիմքեր չծառայեցնեն սօցիալական ուսմունքների կամ փիլիսոփայական սիստեմների համար: Թողէ այս իմաստալի զգուշացումները երկու տարբեր, բայց հաւասարաչափ աչքի ընկնող աղբիւրներից ելած սօցիօգիային ուղիղ կարողանայ պահել այն թեքութեան վրայ, ուր բարձրացել է նա անզգու-

շօրէն և որով նրա շատ բան բովանդակող խոստումների լրացումն է վտանգւում կամ որը սպառնում է նրան ընդ միշտ յուսախարել:

## ՀԻՆԳԵՐՈՐԴԻ ՊԵՍԱԽՈՍՈՒԹԻՒՆ

ՏԱՏԵԱՈՒԹԻՄՆԸ ԻՐՋԵԼ ՇԻՄՔ ԱՕԺԻՈՂԻԱՅԻ

Սովորաբար մի երկոյթ թէկ իւր սաղմնային դըրութեան մէջ էլ յայտնւում է, իսկապէս միայն այն ժամանակ է բացւում, երբ երկոյթը կատարեալ զարգացման և փառաւոր մեծութիւնների է հասնում, այնպէս որ առաջին իսկ հայեացքից նկատելի է լինում։ Այս տեսակէտից մի զարմանալի օրինակ է օրգանական զարգացման օրէնքը, որը ամենայն յաջողութեամբ մեր եղողական երկնակամարի տակ կարող էր գըտնուել, քանի որ այս երկնակամարին է յատուկ, բայց իսկապէս առաջին անգամ թէ Դարվինը թէ Վոլոսը նոր աշխարհի սահմաններում են գտնում, որտեղ կինդանական աշխարհը և հարուստ է և բազմակողմանի։ Հարկաւոր է որոշ, մտքին հասանելիութիւն և միծութիւն, որ մի երկոյթ մեր մտքի վրայ տպաւորութիւն թողնել կարողանայ, որ հնար ունենայ մեր ուշագրութիւնը գրաւելու և մեր ուսումնասիրութեան առարկան դառնայ։ Եթէ մի երկոյթի վերաբերեալ տեսութիւն իւր ապացոյցները հէնց այնտեղ կարողանայ գոնել, որտեղ նա սահմանափակ է և պարզ, այնուամենային այդ երկոյթին ուշագրութիւն գրաւող գրգի-

ոը այնտեղ է արժէքաւոր գառնում, ուր երկոյթը միծ և զարգացած չափեր է ընդունում։

Այս դիտողութեան համար հիանալի ապացոյց է սօցիօլոգիայի պատմութիւնը կամ նրա փայլուն դէպրը — սօցիալական երկոյթների տնտեսական հիմք գրտնելը։ Տեսականօրէն այս դիւաը հնարաւոր էր պատմական ամեն մի ժամանակում էլ տրամաբանութեան պարզ օգնութեամբ և տարրական դիտողութեան շնորհիւ։ Սակայն դարեր շարունակ տեղ մի շրջանում, երբ տնտեսական յարաբերութիւնները մի տեսակ յետ էին մղուած և ծածկուած էին, երբ աննշան ինդուստրիան և յետամնաց հողագործութիւնը հանդարտութեան և խաղաղութեան մէջ քաշ էին տալի իրենց գոյութիւնը, գեռ մարդ չգիտէր սօցիալական գրութեան տնտեսական հիմքերը և մնացել էր այնտեղ, որ ամեն ինչ կապւում էր բանականութեան կամ կենսաբանական գործօնի ազդեցութեան հետ։ Անկասկած անցեալումն էլ եղել են մտածողներ, որոնք այս ճշմարտութիւնը արտայայտել են. յիշենք նախ հներից Արխտոտէլին. աւելի նորերից Հառովինգտօնին, նորագոյններից Ռոմայնօվին, որոնք շատ թէ քիչ փայլուն կերպով յայտնել են, որ հասարակութեան ամբողջ գրութիւնը կախուած է քաղաքատնտեսութեան գրութիւնից։ Սակայն այս բոլորն էլ միայն անջատակի պնդումներ են, որոնք չեն հիմնաւորուել ընդհանուրի ընդունելութեամբ և չեն ունեցել գիտական ապացոյցներ. պնդումներ, որոնք ծնուելով արդէն խեղդուել են շնորհիւ մի բոլորվին տարբեր փիլիսոփայական մտածողութեան։ Միայն նոր ժամանակի արշալոյսին, երբ ինդուստրիան և կաղիտալիգմը չնախատեսնուած ծաւալ ստացան, ծաղկած ձեռնարկութեան և մասնաւոր սեփականութեան լայնածաւալ վարկը ծայրանեղութեան հասաւ և

երբոր այս բոլորն էլ իրենց ոյժը ազգերի վերաբեր-  
մամբ հրապարակով և բազմիցս ապացուցին, միայն  
այն ժամանակ հասկանալի եղաւ, որ պետութիւնների  
քաղաքականութիւնը, պատմական մեծ հայեցակէտերը  
և ընդհանուր բարոյականութեան հիմնական ուղղու-  
թիւնը ոչ միայն մտքից աւելի բարձր սօցիալական ի-  
դեաններից են նախորոշում, այլ որ նոքա դուրս են  
դալի տնտեսական յարաբերութիւնների ոլոգայիկ  
հիմքերից:

Եւ ինչպէս էլ որ պէտք էլ սպասել, այս ճշմար-  
տութիւնը առաջին անգամ ճանաչուեց և պարզ արտա-  
յայտուեց այն երկում, որտեղ նորագոյն տնտեսական  
յարաբերութիւնները ամենից առաջ աւելի ազլու և  
հրաշալի զարգացումն ունեցան, այսինքն Անգլիայում:  
Իսկապէս Մարքսն ու Էնգլիսը Անգլիայում աքսորա-  
կաններ էին, որոնց Մեծ Բրիտանիայում երկար մնալը  
պատճառ եղաւ մօտից ծանօթանալու ժամանակակից  
կապիտալիզմի ամենազօրութեան և գաղտնի օրէնքնե-  
րի հետ. նորա էին, որ առաջին անգամ սօցիօգիա-  
կան ճշմարտութիւնը փայլուն և որոշ կերպով արտա-  
յայտեցին: Մարքսը իւր «Քաղաքատնտեսութեան բըն-  
նագատութիւն» գրքի յառաջաբանում, 1859 թ. լրյս  
ընծայած, մի կլասիկ եղրակացութիւն է տուել. «Կեան-  
քի հասարակական արտադրութեան մէջ մարդիկ կա-  
տարում են որոշ, անհրաժեշտ, իրենց կամքից անկախ  
շրջաններ, արտադրութեան շրջաններ, որոնք նրանց  
նիւթական արտադրող ոյժերի որոշ զարգացման աս-  
տիճանին են համապատասխանում: Արտադրող դրու-  
թիւնների ամբողջութիւնն է հասարակութեան կազմը,  
այն իրական հիմքը, որի վրայ բարձրանում է մի ի-  
րաւական և քաղաքական վերնաշնք և որին համապա-  
տասխանում են որոշ հասարակական գիտակցութեան

աստիճաններ: Ընդհանրապէս նիւթական կեանքի ար-  
տադրութեան ձևով է պայմանաւորում սօցիալական,  
քաղաքական և հոգեոր կեանքի պրօցէսը»: Նոյն բանը  
կրկնում է Էնգլիսը մի բանի հետաքրքիր գրուածքնե-  
րում: Եթէ երկու գրողների համար ընդունենք այն  
պատիւը, որ սօցիօգիայի մէջ առաջին անգամ նոր  
ուղղութիւն մտցրին, այնուամենայնիւ քիչ կինենք ա-  
սած, որ նրանք աւելի շուտ մի դօգմա են տուել, քան  
մի լուրջ և զրական ապացոյց այդ բանի համար: Նո-  
քա բացարձակապէս մի կողմն են թողել իրենց թէզի  
տրամաբանական արդարացումն և նախադասել են յա-  
մառօրէն այդ բանը աքսիօմաների մի անընդունելի  
պատճնէշի տակ շրջափակել: Անցողակի ասենք, որ այս  
է նոր սօցիօգիական դպրոցի գլուխների տարբերու-  
թիւնը կամ էական թուլութիւնը համեմատած քննու-  
թեան առնուած նախկին ուղղութիւնների հետ: Իսկա-  
պէս Սպէնսէրը և Կօնտը չեն բաւականանում նրանով,  
որ պնդում են, թէ սօցիօգիայի հիմքը բանական է  
կամ կենսաբանական, այլ եռանդով աշխատում են ա-  
պացուցանել: Մարքսը և Էնգլիսը նման ոչինչ չեն փոր-  
ձել անել, որոնք նոյն ձևով պնդում են, որ սօցիալա-  
կան կազմութեան հիմքը տնտեսական դրութիւնն է,  
նոյն ձևով ամեն ըոպէ կրկնում են, որ քաղաքատնտե-  
սութիւնը մարդկային հասարակութեան անատօմիան է.  
Իսկ երբ մենք նրանցից այդ բանի համար մի արա-  
մաբանական ապացոյց ենք ինքրում, մի արդարացումն  
այս կարծ և կարևոր պնդման համար, ծառն են բարձ-  
րանում կամ ասում են—ուսումնասիրեցէք պատմու-  
թիւնը և կդանէք մեր թէզի հաստատումն: Հստ ամե-  
նայնի անբաւարար պատասխան, որովհետև պատմու-  
թիւնը մի դիւրաթեք նիւթ է, որին իւրաքանչիւրը  
ծռում է և շարժում իւր քահաճոյքի համաձայն, որը

թէ մատերիալիստներին և թէ իդէալիստներին և կամ մի այլ բանական ուղղութեան նախամարտիկներին հաւասարազօր զէնքեր է տալի: Այս պատճառով երբէք պատմութեան մատնանշումն մի սօցիալական տեսութեան ճշմարտութիւնը վերջնականապէս չի կարող լուծել. այդ պէտք է լուծել խիստ տրամաբանական անվիճելի ապացոյցներով:

Կայ արդեօք այս գէպքում յիրաւի այս տեսակի ապացոյցներ. կայ արդեօք յիրաւի գիտական հիմքեր, որով կարելի լինէր ապացուցանել, թէ սօցիալական երևոյթների պատճառները տնտեսական են: Այս մի հիմնական պրօբլէմ է, որը անլուծելի է մնացել և որը պարտաւոր եմ հետախուզել:

Հէնց որ մեր ուշադրութիւնը դարձնենք տնտեսական եղելութեան վրայ, կարող ենք նկատել, թէ ինչպէս սա այնպիսի յատկութիւններով է երևում, որ նա մարդկային հասարակութեան դրութեան մէջ պարզապէս գերակշռող նշանակութիւն է ստանում: Նախ տընտեսական իրողութիւնը տարբերում է կենսաբանական իրողութիւնից, որը իւր քնութեամբ միայն օրգանական էակների համար է ընդհանուր, նրանով, որ նա միայն մարդկային է: Մի պատիկ ուսումնականի համար գժուար չէր լինի յիրաւի նաև կենդանական տեսակների մէջ տեսնել իրողութիւններ, որոնք տընտեսական յարաբերութիւնների հետ հեռաւոր ազդակցութիւն ունին: Օրինակ, երբ մի կապիկ ծառից մի ճիւղ է կոտրում և մի կօկօսի ընկոյզ է վայր ձգում, ճշմարտութեանը քիչ թէ շատ մօտ մի բան ասած կիւններ եթէ ասենք, որ այդ կապիկը կապիտալիստ է կամ կենտրոնացման մի գործողութիւն է կատարում: Բայց այս բանները ոչ այլ ինչ են, բայց եթէ վարժութիւններ, որոնք չեն կարող ժխտել, որ ստորին կեն-

դանիների մէջ չկան իսկական և ուղիղ տնտեսական յարաբերութիւններ, վերջիններիս պակասում է մինչև իսկ տնտեսական իրողութեան հիմքը, արտադրութիւնը ամբողջապէս կամ թէ նրանք ունին երկրի պըտուզներից սեփականացրած պարզ ստացուածք, որից ոչ մի տեսակ տնտեսական յարաբերութիւն հնարաւոր չէ ստեղծել Բացի այս կենդանական խմբումները չունեն ամենահեռաւոր նմանութիւնն անդամ այնպիսի երևոյթների հետ, ինչպիսին են փոխանակութիւնը, օգուածը, ոչնտան, վարձը: Ուստի մենք իրաւոնք ունինք պնդելու, որ տնտեսական իրողութիւններով բացառապէս միայն մարդկային տեսակին է յատուկ, որ և կարող է առանց հակածառութեան հիմք ծառայել սօցիալական երևոյթների համար, որոնք էապէս և բացառապէս մարդկային են:

Այս գեռ բոլորը չէ: Տնտեսական իրողութիւնը միւս սօցիալական երևոյթներից աւելի պարզ է: Յիշաւի շատ դժուարութիւն չկայ ըմբռնելու, որ նիւթական իրողութիւնը գոյութեան միջոցների արտադրութիւնը, որոնց բաժանումովը և սպառումովը շատ աւելի պարզ է քան սօցիալական կեանքի մնացած բոլոր արտայայտութիւնները՝ օրինակ բարյականութիւնը, իրաւոնքը, քաղաքագիտութիւնը և այլն: Որ մարդ ապրելու համար պէտք է արտադրէ, որ աշխատանքը արդիւնաբերողների մէջ պէտք է բաժանել, և այն, այնպիսի բաններ են, որ կարելի է անմիջապէս դիտել ամենավալրենի և բիրտ մարդկանց մօտ գործադրուելիս: Իսկ թէ ինչու պէտք է հետեւել որոշ կեանքի եղանակի նօրմաների, ինչու քնութիւնից վեր էակներ են պաշտում, ինչու են օրէնքներ դրւում և նրանց հնագանդւում են, սոքա այնքան բարդ երևոյթներ են, որ նրանց կեանքի մէջ մտցնելու համար կամ նոյն իսկ

հասկանալու համար հարկաւոր է հայեցողութեան մեծ նրբութիւն և զարգացած քաղաքակրթութիւն։ Այս էլ բաւական չէ. տնտեսական իրողութիւնը ժամանակա- գրական կարգով սօցիալական բոլոր միւս երեսինե- րից առաջ է լինում։ Արդէն կլասիկական բնարանը ցոյց է տալի այդ—primum vivere deinde philosophari \*) Մարդ պէտք է առաջ իր գոյութեան միջոցները պատ- րաստի և երբ սրանք նրան հնարաւորութիւն տուին ոտքի կանգնելու, կարող է մտածել այն մասին, որ օ- րէնքներ հրատարակի, բարոյական սանկցիաներ ստեղ- ծի և այլն։ Այս արդէն ցոյց է տալի, որ տնտեսական իրողութիւնը մարդկային միատեղիցութեան բոլոր միւս երեսիներից առաջ է իրականանում։

Անկասկած անհրաժեշտ է լինունել, որ մի իրո- ղութիւն կարող է աւելի պարզ լինել քան միւսը, ա- ռանց նրա պատճառը լինելու։ Այս էլ ճշմարիտ է, որ մի իրողութիւն ժամանակով միւսից առաջ լինելը ըստ ինքեան ապացոյց չէ, որ նա միւսի պատճառն է։ Օրի- նակ այն իրողութիւնը, որ կեսարի մահուան հետեւալ տարում արել (ինչպէս ասում են) երկար ժամանակ դժգոյն և առանց փայլի է երեացել, չի նշանակում ամենախն, որ բռնապետի մահն է պատճառ եղել մի այսպիսի աստղաբանական երեսիթի։ Այնուամենայնիւ յատկութիւնների այն համապատասխանութիւնը, որ տնտեսական երեսիների մէջ նկատում է և որ այս բանը զուտ մարդկային է, պարզ է քան սօցիալական միւս երեսիները և որ գլխաւորն է ժամանակագրա- կան կարգով առաջինն է, այս բոլորը մարդու մտքի համար ամուր յենարան է, որով մասրը սօցիալական դրութեան մէջ տնտեսական իրողութիւնն է հիմք նկատում։

\*) Առաջ ապրել, ապա փելասովայութիւն անել։

Այս միտքը ճշմարտութեանը աւելի կմօտենայ, ճէնց որ սկսենք տնտեսական իրողութիւնը իր էական կողմով ճետախուզել։ Իսկապէս տնտեսական յարաբե- րութիւնների միջուկը, էական մասը, ինչպէս նկատե- լի է մարդկութեան պատմութեան բոլոր ժամանակնե- րում, այն է, որ ժողովուրդը բաժանւում է երկու բա- ցարձակ, յարատև և անդառնալի հատուածների—սա- կաւաթիւ ունեորների, որոնք չեն աշխատում և աշ- խատաւորների բազմութեան, որոնք սեփականութիւնից աւելի բան չունեն և բացառապէս առաջինների օգտին հն արտադրում։ Այս բանը նրանց համար, որոնք մարդ- կային ցեղի այս հատուածների կամ երկու մասի, բա- ժանուելու պատճառը չեն ուզում քննել, առնուազն պարզ չէ, որ այս դրութիւնը բնութեան գործ չէ։ Բնու- թիւնը իհարկէ իհնէ չի ստեղծել կապիտալիստական կամ պրօլետարական կազմով մարդիկ կամ ինչպէս վօլտերն է ասում, որ մարդկանցից ոմանք աթոռի վը- րայ նստած են ստեղծուել և միւսները շաղըները ոտ- քերին։ Պարզապէս մի դասակարգի գոյութիւն, որը ապրում է առանց աշխատելու, միւսի աշխատանքի արդիւնքից, իսկ միւսը իւր ամբողջ կեանքում յօդուտ միւսի է աշխատում, կարող է լինել արդիւնք մի հըս- կայական տնտեսական պրօցէսի, որը բազմութեան հա- մար բացասել է իւր հաշուին աշխատելու հնարաւո- րութիւնը և որը ընդմիշտ բացասում է և այս ձեռով ստիպում է իւր աշխատանքը փոքրամասնութեանը վա- ճառելու։ Դրական քննութիւնը յիրաւի պարզում է, թէ ինչպէս է եղել այդ և ինչպէս է։ Նա պնդում է, որ բազմութիւնը անցեալում ստիպուած է եղել աշխատե- լու քչերի համար, ելք նրանց ստրուկներ են դարձ- րել. մինչդեռ այսօր նոյն նպատակին համում են ի- րենց սեփականացներով հողն ու գետինը կամ ըստ

ուրիշների արտադրութեան միջոցները։ Յամենայն դէպս սօցիալական տարբերութեան այս գոյութիւնը կամ տեւական փոխազդեցութիւնը իշխելու և շահագործելու մարդկային ոյժի արդիւնք է և ոչ միայն բնութեան ազատ ազդեցութեան։

Եթէ հասարակութեան բաժանումն երկու դասակարգերի՝ ունկորների և բանուորների, լինէր մի տիեզերական ճակատագրական և անդառնալի անհրաժեշտութիւն, ինչպէս 24 ժամերի բաժանումն ցերեկուան և գիշերուան, մարդ պարզապէս այս դէպքում ոչինչ չէր կարող անել, այն առաջ տանելու կամ խանդարելու գործում և ամենախելացի խորհուրդը կինէր անմասնակից և անգործ մնալ թողնելով բնական զարգացմանը իր արդիւնքները առաջ բերելու։ Բայց որովհետեւ այս բանը մի էապէս արուեստական և բռնի պրօցէսսի արդիւնք է, ամեն ըոպէ վտանգ կայ նրան դադարեցնելու։ Նախ այն վտանգը կայ, որ բազմաթիւ դասակարգերը, որոնք իրենց օգտին աշխատելու հնարաւորութիւնից զուրկ են և ստիպուած են միշտ ուրիշների օգտին աշխատել, կարող են իրենք այս բանը հաշուի առնել, գիտակցութեան ոյժ ստանալ, կարող են ապստամբել և աւանդական կարգը խորտակել։ Բացի այդ կայ և այն վտանգը, որ մի այդպիսի հետևանք իշխող դասակարգը շնորհիւ իւր չափազանցութիւններին կարող է արագացնել, երբ նա ճնշուած դասակարգի շահագործումը ծայրահեղութեան կհասցնի և այսպիսով նրան կղրդի խառնակութիւնների։ Այս ձեռվ սօցիալական կարգը, քանի որ հիմնուած է ժողովրդի բազմութեան սեփականութիւնից զրկելու վրայ, գտնուում է մի միշտ տատանուող հաւասարակշուութեան, յեղափոխութեան կամ ամբողջովին քայլայման դրութեան մէջ. ուստի անհրաժեշտ է հոգալ նրա գոյութեան։

ապահովութեան համար. այս կլինի երբ խեղճ դասակարգի խառնակութեան և հարուստի չափազանցութեան առաջն առնուի։ Այս խօսքերով անհրաժեշտ է կազմակերպել մի շարք իրարից կախուած իրաւական մարմիններ, որոնք զանազան դասակարգերի իրենց պահելու եղանակուածակարգաբար սահմաններում պահել տան կամ նրանց հեռու պահեն այնպիսի գործերից, որոնք կարող են վնասակար լինել սօցիալական դրութեանը։

Առաջին մեթոդը, որի նպատակն է ժառանգութիւնից զրկուած դասակարգերին հնազանդութեան և իշխողներին չափաւորութեան մէջ պահել, տալիս է բարուական զսպող միջոցներ, որոնք չքաւորներին խառնակութիւնից հեռու են պահում, իսկ հարուստներին բարձրանալուց, վախեցնելով սրանց այս հակասօցիալական գործողութիւնների համար ոչնիւթական պատճով։ Բարոյական ճնշումն էլ իւրովսանն պատմութեան իրար յաջորդող շրջաններում զանազան ձեեր է ստացել. ճնշումը սարսափն էր նրա հիմքը, միջնադարում—կրօնը, իսկ մեր ժամանակում հասարական կարծիքը։ Այս պրօցէսսի էութիւնը միևնոյնն է—կրծատումն կամ ճնշուացումն մարդկային նախաձեռնութիւնների հսական գործողութիւններից, որոնք կարող են վնասել սօցիալական ընդհանութեան։ Օրինակ, չքաւորի շահն է կողոպտել, նրա շահն է սօցիալական կարգը յեղաշրջել. բայց ահա գալիս է քահանան և ասում է, եթէ դու կողոպտես, եթէ դու զրած կարգի գէմ ելնես, այն ժամանակ քեզ հանդերձեալ կեանքում պատիժներ են սպառնում։ Սարսափելի ահից խուսափելու համար չքաւորը հանգստանում է և ենթարկում է այն սօցիալական կարգին, որը նրան ճնշում է։ Այն տարբեր կրօնները, որոնք պատմութեան տարբեր շրջաններում իրար ետևից հոգիներ կառավարելու գայսօնը իրենց ձեռքն

են առել, յամառութեամբ այս առաջին նպատակին են ձգտել. սակայն և ոչ մէկը քրիստոնէութեան անդիմադրելի ազդեցութեան և լրիւ ոյժին չի հասել: Աւետարանը ոչ միայն սպառնում է հակասօցիալական գործողութիւնները սարսափելի պատիժներով հանդերձեալ աշխարհում, այլ և յայտնում է, որ մարդկանց միւս աշխարհի վիճակը բոլորովին հակառակը կլինի այն վիճակի, որի մէջ նրանք այս աշխարհի մէջ են գտնուում և որ երկնքի թագաւորութիւնը հարուստների և հզօրների առաջ բոլորովին կփակուի, չքաւորների և անկեալների առաջ միայն կբացուի: Չի կարելի հաւատալ նոյնիսկ, թէ որ աստիճանի այս հանճարեղ վարդապետութիւնը նպաստել է, որ ժողովուրդների մէջ խաղաղութիւն լինի մասնաւոր սեփականութեան գրութեան մէջ անգամ. այսպիսով չքաւորները այլ ևս ոչ մի հիմք չունին իրենց չքաւորութիւնը ողբալու, քանի որ սա տալիս է նրանց դրախտի յաւիտենական երջանկութիւնը. աւելի շուտ նրանք հարուստներին խիստ պիտի կարեկցեն, որոնք վայրկենական, անցողակի կեանք են ձեռք բերել հանդերձեալի անանց գուարճութիւնից հրաժարուելու գնովը: Քրիստոնէութիւնը դառնում է հարուստներին և արտօնեալներին և յայտարում որ ողբարձութիւն տան, առաքինի լինեն և նրանց իջեցնում է այն բարձրութիւնից, որը անհրաժեշտօրէն զանազան դասակարգերի յարաբերութեան խանգարման պատճառն է. ուստի այս տեսակէտից ևս այս կրօնը ամենարժէքաւոր գործոնն է մարդկային հասարակութեան գոյութեան և պահպանութեան համար:

Սակայն նոր ժամանակներում դրական մեթոդի դանազան ասպարէզներում կատարած հետախուզութիւնների յաղթանակները արդէն տատանում են կրօնական հաւատը. նախ հէնց բժշկական դպրոցները,

անաստուածութեան այդ ջատագովները, կասկածի և ժխտման խօսքը կուլտուրայի մէջ ամենավերջին սահմանին է հասցըել. շնորհիւ այդ խախտման նրա հետ միասին անդառնալի անյայտանում է սօցիալական միակեցութեան մի գլխաւոր ոյժը: Բայց հէնց այն վայրկեանին, երբ կրօնը դժգունանում և վերջանում է, բարոյական ճնշման մի նոր ուժեղ պրօցէս է երեւում, որը անցեալ ժամանակին անյայտ էր: Այս հասարակական կարծիքն է, որը մարդկանց հեռու է պահում հասարակութեան համար վնասակար գործողութիւններ կատարելուց, սպառնալով այս գործողութիւնները միաբերան դատապարտելու: Երբ այսօր բանուորները հղած սօցիալական կարգի դէմ չեն ելնում, երբ ունեւորները իրենց հապատակների վերաբերմամբ անտանելի անգթութեան մէջ չեն դիմում, այս բոլորն էլ մասմբ պարտական են ընդհանուր ցենզօրին, որը այդպիսի գործողութիւնները և նրանց կատարողներին վատ հոչակ է տալի և ընդհանուրի արհամարհանքի է արժանացնում. այս ձևով հասարակական դուտ բարոյական ոյժը մի ուժեղ գործոն է իւր ներսում վտանգուած հասարակական կեանքի պահպանութեան համար:

Այստեղ կան ուրեմն մի շարք սօցիալական երեւոյթներ, որոնք իրենց մէջ ամփոփում են բարոյական գործողութիւնների և ճնշման միջոցների ամբողջութիւնը որոնք ներքին կապ ունեն հասարակութեան տնտեսական գրութեան հետ և բացատրում են միայն վերջինիս միջոցով: Բայց բարոյական ճնշումն միայն ըստ ինքեան անզօր է մարդկութեան ընդհանրութեանը հակասօցիալական գործողութիւններից հեռու պահելու համար, որովհետեւ միշտ էլ լինում են անհատներ, որոնք ծաղրում են բարոյական պատիժը, որ նըրանք իրը թէ հանդերձեալ կեանքում պատիժ են կը-

րելու կամ հասարակական կարծիքի ալբոմում նրանց մասին աննպաստ նկատողութիւն է լինելու: Այս ուշուականների գէմ կոռուզ անհատներին կարդի մէջ պահելու համար օգնութեան է զալի մի աւելի եռանդու և որոշակի կաշկանդող կարգ — իրաւունքը: Սա մարդկանց հակասոցիալական գործողութիւններից հեռու է պահում, նշանակելով նրանց համար ոչ թէ մտքից վեր, այլ շօշափելի և նիւթական պատիժ: Մինչ բարոյականութիւնը այն չքաւորին, որը ուզում է կողապեկ, սպառնում է հանդերձալ կամ ոչ նիւթական պատժով, իրաւունքը սպառնում է նրան բանտով միաժամանակ նաև այն սեփականատիրոջը ևս, որը մի ուրիշ սեփականատիրոջ գոյքը ուզում է խլել կամ որը իւր բանուորների վերաբերմամբ խստութիւններ է ուզում բանեցնել: Իրաւունքը կանոնաւորում է ընտանիքի, սեպհականութեան, ժառանգութեան, դաշինքի յարաբերութիւնները, այսինքն այն բոլոր յարաբերութիւնները, որոնք տնտեսական դրութիւնից են ծագում: Իրաւունքը իւր բոլոր մասիրում էլ ունի տնտեսական յարաբերութիւններ և իւր որոշումների մեծ մասը յօդուտ ունեօր դասակարգի է ուղղում:

Այս պատճառով իւրաքանչիւր ժամանակի իրաւունք համապատասխանում է այդ ժամանակում գերիշխող սեփականութեան ձևի շահերին. որտեղ հողատիրութիւնն է իշխում, իրաւունքը հողատիրերի շահերն է խիստ իրար կապում և ընդհակառակը, ուր որ կապիտալն է իշխում, նա աւելի յօդուտ շարժական հարստութեան է ճկում: Այս պատճառով, ուր որ որոշ տնտեսական յարաբերութիւններ են զարգանում, այսինք զարգանում է նաև համապատասխան նկատի ունենալով. եթէ պրոլետարները հնարաւորութիւն ունենային քաղաքական ոյժը ձեռք ձգելու, չէին դանդաղի այդ իրենց օգտին ծառայեցնելու և նրանց փլատակների վրայ մի այնպիսի տնտեսական սիստեմ կանգնեցնելու, որը աւելի շուտ իրենց օգտին համապատասխանէր: Այս պատճառով կապիտալիստական դրութեան գոյութեան համար կարևոր է, որ քաղաքական ոյժը ունենարները և նրա արարածները մենաշնորհ դարձնեն և զրկուած փալանգներին բացասեն

սա պարզապէս արդիւնք էր նոր տնտեսական յարաբերութիւնների, որոնք նոր ժամանակների արշալոյսին ազգերի մէջ առաջ էին եկել և որոնք էապէս նման էին հեթանոս Հռոմում իշխող տնտեսական կարգերին: Ընդհանրապէս մի ճշմարտութիւն է, որ հանուած է բոլոր ծանօթ ժողովուրդների իրաւական կեանքի խորը ուսումնասիրութիւնից, որ իւրաքանչիւր ժամանակում հզօր իրաւական յարաբերութիւնների գաղտնիքը պէտք է փնտոել ոչ թէ մտքից վեր եղող սկզբունքների մէջ, որով կերակրում էր հին իրաւունքի փիլիսոփայութիւնը, այլ աւելի շուտ տընտեսական յարաբերութիւնների պրօզայիկ և նիւթական կազմի մէջ. ուրիշ խօսքով, որ իրաւունքի փիլիսոփայութիւնը քաղաքատնտեսութիւնն է:

Բայց որպէս զի իրաւական որոշումները իրենց գոյութեան նպատակին կարողանան համապատասխանել, որ մասնաւոր սեփականութեան դրութիւնը պաշտպանեն, ամրացնեն և երկար պահեն, աւելանում է դրա վրայ և այն, որ նրանց ստեղծելն ու կրծատելը բացառապէս յանձնում է ունեօր դասակարգին, այսինքն օրէնսդրական ֆունկցիան և քաղաքական ոյժը, որից նա ծագում է, բացառապէս ունեօրի ձեռքումն է գտնուում: Այս անհրաժեշտ է նաև մի այլ հիմք ի նկատի ունենալով. եթէ պրոլետարները հնարաւորութիւն ունենային քաղաքական ոյժը ձեռք ձգելու, չէին դանդաղի այդ իրենց օգտին ծառայեցնելու և նրանց փլատակների վրայ մի այնպիսի տնտեսական սիստեմ կանգնեցնելու, որը աւելի շուտ իրենց օգտին համապատասխանէր: Այս պատճառով կապիտալիստական դրութեան գոյութեան համար կարևոր է, որ քաղաքական ոյժը ունենարները և նրա արարածները մենաշնորհ դարձնեն զրկուած փալանգներին բացասեն

ժառանգութիւն։ Երկար ժամանակ այս նպատակին բացարձակ անգութ միջոցներով են հասել. քաղաքական ոյժը առանց այլայլութեան ունելուներին է տըրում. երբ հանդէս է գալի ներկայացուցչական կարգը, չքաւորներին ընտրութեան իրաւունքից զրկում են, իսկ աւելի ուշ, երբ ստիպուած են բազմութեանն էլ ձայնի իրաւունք տալ, ցանկալի նպատակին նրանով են համում, որ ընտրութեան ծախքերը շատացնում են, այնպէս որ պարլամենտի աթոռը չունեորների համար անմատչելի է դառնում կամ թէ խեղճ դասակարգերի ձայները խորամանկութեամբ գրաւում են կամ պարզ գնում։ Ինչ էլ որ լինի, արդեօք ուղղակի թէ անուղղակի միջոցներով են պաշտպանութիւն գտնում, արդիւնքը նոյնն է ունելորների կուսակցութիւնը բաղական ոյժը խստօրէն ամուր իւր ձեռքին է պահում։ Սակայն ունեցուածքը զանազան ձևի է լինում, նայելով թէ ի՞նչ եկամտի աղբիւրներից է գոյանում։ Որովհետեւ ունելորները զանազան ձևի եկամուտներ ունին և զանազան շահեր, ունեոր դասակարգը, քաղաքական ոյժի տէրը բաժանուում է մի քանի կուսակցութիւնների, որոնք միայն որոշ աստիճանի միայն իրար թշնամի են, շնորհիւ այն հիմնական անտագօնիզմի, որ նրանց եկամուտների մէջ՝ իշխում է։ Այս տեսակէտից ամեն կարեոր և էական հակադրութիւնը կայ հողատիրութեան և շարժական սեփականութեան մէջ, որոնցից առաջինի շահն է status quo-ն\*), երկրորդինը՝ յառաջադիմութիւնը և իբրև կօրրէզատ այս կարեոր հակադրութեան հանդէս է գալի մի քաղաքական հակադրութիւն հողատէրերի և կապիտալիստների միջև, որոնցից առաջինը իր մեծ մասով յե-

տադէմ կուսակցութիւն է կազմում, իսկ վերջինը յառաջադէմ կամ ազատամիտ կուսակցութիւն։ Քաղաքական այս ընդհարումը երկու, եկամուտ ունեցող, կուսակցութիւնների միջև կարեոր նշանակութիւն ունի քաղաքական ոյժից հեռացրուած աշխատող դասակարգի համար, որովհետեւ սրանցից իրաքանչիւրը իւր ախոյեանի վրայ յաղթանակելու համար դաշնակցութեան է հրաւիրում ժողովրդին և որպէսզի այս նրան յաջողուի, պէտք է հեշտութեամբ զիջումներ և ողորմութիւններ անի, որոնք վերջ ի վերջոյ յօդուտ պրօլէտար բազմութեան են լինում։ Այստեղից հասկանալի է խեղճ դասակարգերի օգտին եղած որոշումների ընդունուելը մի բացառապէս ունեոր մարդկանց կառավարող հասարակութեան մէջ. այսպիսով հասկանալի է կարգերի և օրէնքների փայլուն շարքը, որոնց նպատակն է աշխատաւոր ժողովրդի բարելաւութիւնը, որոնք սկսուել են հին հողային օրէնքներից և Զէյզախտներից\*), որոնք հետզհետէ համում են ազատ համայնքների կազմակերպութեան և այսօրուայ սօցիալական օրէնսդրութեան, վերջիններիս չափի լուսաբանութեան և նշանակութեան որոշման։ Դէմօկրատիկ բարենորոգութիւնների կապոյտ գետը, որը դարերից ի վեր կայուն անտառների ազատութիւնը վատանգող օրէնքների միջով է հոսում, իւր սկիզբը առնում է երկու թշնամի կուսակցութիւնների պատմական պառակտումից և այսաեղից էլ առաջ է գալի անհրաժեշտութիւն բարելաւոր օրէնքների միջոցով ժողովրդի դաշնակցութիւնն ու օդնութիւնը ստանալ:

Այսպիսով, ամփոփելով, կապիտալիստական կարգի անկայունութիւնը կամ ճնշուած դասակարգի կող-

\*) Պինչհ այժմ եղած քաղաքական դրութիւնը։

մից եղած շարունակուող սպառնալիքը մի խռովութիւն առաջացնելու անհրաժեշտ են դարձել կազմակերպել մի շարք իրարից կախուած կարգեր, որով պրօլետարիատը հնազանգուում է և որոնք ունեորներին չափազանցութիւններից հեռու են պահում, որոնք սակայն չեն դանգաղի ճնշուածներին և ապստամբելու և գրգռելու: Այս իրարից կախուած կարգերն են՝ բարոյականութիւնը, իրաւունքը և քաղաքական կազմակերպութիւնը, որոնք բոլորն էլ գործադրուել են, բարձրացել և իշխող են եղել շնորհիւ հիմք կազմող տնտեսական իրողութեան անդիմադրելի գործողութիւններին, սրան են պարտական բացառապէս իրենց գոյութեան հիմքը և իրենց զարգացման գործօնը: Սակայն երբ մարդ մօտից է դիտում, տեսնում է, որ բարոյական, իրաւական և քաղաքական կարգերը մարդկային հասարակութեան ոչ բոլոր տնտեսական արտայայտութիւններն են պատկերացնում. նոքա իրենց մէջ միացնում են, բացի տնտեսութիւնից, սօցիալական կեանքի բոլոր արտայայտութիւնները: Այս պատճառով ասել, թէ զրանք բոլորն էլ բացառապէս տնտեսական գործօնով են որոշուում կնշանակէ ասել, որ սօցիալական զրութեան հիմքը ամբողջովին տնտեսական իրողութիւնն է կազմում, այսինքն, որ սօցիօգիան իրեն բազիս ունենալով քաղաքատնտեսութիւնը միայն կարող է գիտութիւն դառնալ: Այսպիսով սօցիալական զրութեան առաջ գնալը թօթափում է իր վրայից տնտեսական յարաբերութիւններից այն չափացուցուած և դօգմատիկ բնաւորութիւնը, որ կար նրա առաջին գտնողների գրուածքներում և այսպիսով նա դառնում է մի ապացուցուած և տրամաբանօրէն անվիճելի ճշմարտութիւն:

Այս է սօցիօգիայի նոր ուղղութիւնը, իւր

էական մասերով, որը այսօր բազմութեան մէջ յաղթանակում է և որը ընդհանրապէս կոչւում է պատմական մատերիալիզմ: Այս որոշումը իսկապէս անորոշ է, որովհետև նա ընդունել է իւր մէջ հիմնովին տարբեր սօցիօգիական մտքեր մի կողմից, միւս կողմից նոյն իսկ Սպէսսէրի սօցիօգիան, կենսաբանութիւնը հիմք ընդունելով, կատարեալ իրաւունքով կարող է նոյն անունը կրել. ուստի մեր կարծիքով աւելի նպատակայարմար կլինէր նորագոյն սօցիօգիական դպրոցը տարբերելու համար ասել պատմական էկոնոմիզմ: Մի կողմ թողնելով անուան հարցը, որը միշտ էլ ստորագաս նշանակութիւն ունի, անկասկած է, որ նոր ուղղութիւնը շատ ճշմարիտ և ապացուցուած բան ունի իւր մէջ և այն բազմաթիւ կշտամբանքները, որոնցով ուզում են նրան խեղտել մեծ մասամբ հիմքից գուրկ են, Անկասկած աւելի հեշտ բան չկայ քան նոր դըրոցը վարկաբեկ անելու համար ցոյց տալ և կրկնել նրա կողմնակիցների մի քանի չմշակուած չափազանցութիւնները. այդ կլինէր սակայն աշխատել ցոյց տալ միայն նրա ծաղրանկարը: Անկասկած մի քանի բացարութիւններ և օրինակներ, որոնք բերւում են ապացուցանելու համար, որ սօցիալական երեսյթների հիմքը տնտեսականն է, ցոյց են տալի միայն այն հեղինակների անպատասխանատու թեթեամտութիւնը, որոնք համարձակուել են այդ անելու: Օրինակ Դ'Մոլինարին, մի աւելի քան ազատամիտ և աւելի քան ուղղափառ հեղինակ, պնդում է, որ պրիմիտիվ ֆետիշիզմը միայն այն պատճառով թողին, որովհետև գտնում էին, որ զոհաբերութիւնը թանգ է նստում և ուրեմն աւելի լաւ է մի կրօն ընդունել, որը ժխտում է զոհաբերութիւնը: Դեռ աւելին. նոյն հեղինակը պնդում է, որ բազմաստուածութիւնից միաստուածու-

թեան անցնելը միայն և միայն շահադիտական հաշիւների արդիւնք է կամ այս բանը եղաւ միայն այն պատճառով, որ մարդիկ նկատեցին, որ մի աստուածը տւելի արժան կնոտի իրենց քան շատ աստուածները։ Աղաման էլ իւր կողմից, չափը մեծացնելով, ասում է, որ կրօնը մի օր տեղի է տալու անաստուածութեան, որովհետև շուտ կամ ուշ նկատելու են, որ մի աստուածը, եթէ նոյն իսկ մի հատ է, այնուամենայնիւ պահանջում է ծախքեր, որոնց աւելի օգտակար ձեռով կարելի է խնայել։ Սակայն այս չափազանցութիւններին, որոնք տնտեսական սօցիօգիւն ընդունող ծայրահեղ աջակողմեաններից են առաջ գալի, համապատասխանում են ծայրահեղ ձախակողմեանների չափազանցութիւնները։ Օրինակ էնգէլսը չի քաշում պնդելու, որ գերմանացիք միայն նրա համար էին դիակները այրում, որովհետև անչափ անտառներ ունեին, որտեղից նոքա արժան այրելու նիւթ էին ստանում և որ նոքա յետոյ սկսեցին իրենց մեռելներին թաղել, որովհետև շնորհիւ արագ ծառեր կարելուն փայտը հազուագիւտ դարձաւ։ Յիշաւի նրանք, որոնք այդպիսի յիմարութիւնների դէմ են կուռում, իրաւոնք ունին. բայց նոքա անիրաւացի են, երբ կարծում են, որ այսպիսով պատժական մատերիալիքն են ոչնչացնում, մինչդեռ նրանք միայն այն են հեռացնում, ինչ որ նրա անճաշակ և ծիծաղելի ծաղրանկարն է կազմում։

Ուրիշները նոր ուղղութեան դէմ կոռւելու համար, լուսաբանում են այն բազմաթիւ աղղեցութիւնները, որ բարոյական զգացմունքները, իրաւական և բարաքական իրողութիւնները սօցիալական դրութեան վրայ ունին։ Ոչ ոք չի կարող վիճել այդ տեսակ աղղեցութիւնների իրականութեան և ոյժի դէմ։ Հոյա-

կապ կաթողիկէները, որոնք իրենց համարձակ ճարտարապետութեամբ զարմացնում են, ասպետական դեղարուեստի անմահ ստեղծագործութիւններ—տաճարները, կրօնական զգացմունքի ամենազօր աղղեցութեան յուշարձաններ են։ Սա էր միայն, որ արուեստագէտին ծրագիրներ էր տալի, նկարչին վրձին էր վերցնել աալի և բանաստեղծին իր երգերում ոգեսորում էր։ Կրօնական զգացմունքից են հաւաքում անհրաժեշտ ոյժը մտածողների ամբողջ սերունդներ, որպէսզի աւելի գժուարութիւններ յաղթեն, որ աւելի խոչընդուներից անցնելով՝ յաղթանակեն, որպէսզի ամեն տեսակ ձնշումից անցնելով—հաւատի բարձրացնող աղղեցութիւնը իրեն վերջնական կէտին հասցնեն։ Այս բոլորը կհակասէր նրանց, որոնք կցանկանացին պնդել, թէ տնտեսական գործօնն է անմիջապէս ստեղծել միջնադարեան արուեստը կամ նրա անմիջական պատճառն է եղել։ Ոչ մի առողջ միտք ունեցող չի եղել, որ երբեցէ համարձակուել է նման բան պնդել։ Անշուշտ ոչ միայն կրօնական զգացմունքն է եղել, որ ստեղծել է միջնադարեան գեղարուեստի զանազան արտայայտութիւնները դարեր շարունակ։ սակայն այս կրօնական զգացմունքը, որին պարտական ենք այդ ժամանակի հրաշալի ստեղծագործութիւնները, ինքն էլ մի հոգեբանական արդիւնք է տնտեսական յարաբերութիւնների կամ անհրաժեշտութեան արդիւնք է, միատեղ պահելու համար այն զանազան տարրերին, որոնք մաքառում են մի ոչ ազատ սօցիալական սիստեմի համար և սպառնում էին ամեն վայրկեան ջախչախելու այդ կարգը։ Ուստի սխալ չի լինի, եթէ պընդեն, որ ամենաբարձր և եթերական հոգեսոր արտայայտութիւններում էլ, որ գոթական կաթուղիկէների հրաշալի աշտարակներում և ֆանտաստիկ բուրգերում,

նոյնիսկ սրբերի և ասկետների սերովքէանման պատկերներում սօցիօգի սուր աչքը դաւաճանող նշաններ է տեսնում և ճանաչում է տնտեսական գործնի գիւտական ժամկան:

Ապարդիւն է պատամական մատերիալիզմի գէմ միշտ թոյլ ֆրազները կրկնել որը մարդը բացառապէս այլկա գիշատիչ կենդանի չէ, որ նա բացառապէս հաշիւներով չի բռնուած և որ նոր դպրոցը մի բռնագրուիկ աղաւաղումն է մարդկային էութեան, որ մի բռնի ճնշումն է նրա ազնիւ արտայայտութիւնների վերաբերմամբ, մի անարժան խեղաթիւրումն մեր սեռի: Շատ ճիշտ է, պատասխանում ենք մենք, որ մարդկային հոգին բազմապիսի և տարբեր նշաններ ունի, որոնց համարու չէ բացարել միայն տնտեսականով կամ շահով. բայց նոյնքան ճիշտ է, որ մարդկային հոգու այս բարձր և բազմապիսի արտայայտութիւնները խիստ սահմանաւորուած և որոշուած են անտեսական միջավայրով, որի մէջ նրանք զարգանում են: Օրինակ մի բանաստեղծ, իսկական բանաստեղծ, ոտանաւորներ է զրում ոչ թէ ապրուստ ձեռք բերելու համար, այլ որովհետև բանաստեղծելը նրա գոյութեան պահպանութեան մի ձեն է, սա նրա մտքի ազատ և անդիմադրելի արտայայտութիւնն է: Իւրաքանչիւր շրջանի բանաստեղծութիւն նոյն ժամանակի սօցիալական և տնտեսական պայմանների հաւատարիմ արտացոլումն է. նոյնիսկ բանաստեղծի անսանձ երևակայութիւնն էլ անկարող է որև է կերպ այդ սահմաններից դուրս գալ: Ամենազատ բանաստեղծն իսկ այսօր չի կարող մի վիպական ոտանաւորում սրարշաւ ասպետին կամ մի մելոդիական ոտանաւորում սիրոյ պալատը գովարանել ինչպէս միջնադարի բանաստեղծները չէին կարող ասկետական կամ

ասպետական հանգերից դուրս գալ: Այս նշանակում է, որ մարդը իւր վայրկենական անսանձ արտայայտութիւններում իսկ միշտ իւր պատմական վայրի արդիւնքն է, որ նա արտայայտութիւն է այն յարաբերութիւնների, որոնց շրջանումն ըստ կեանքը անցնում է:

Ի միջի այլոց այս էլ ճիշտ է, որ գեղարուեստի զարգացումը միշտ կանոնաւոր կերպով տնտեսական պայմանների զարգացմանն է հետեւել: Օրինակ, երբ 13-րդ դարը Եւրոպայում արևելքի աղդեցութիւնն ու համայնքի աղատութիւնն է բերում, գոթական տաճարների փառքը սկսում է նսեմանալ: Դրա համապատասխան սկսում են միջնադարեան անձաշակ և փռուն նկարչութեան փայլուն գոյներով նկարները երեան գալ. 14-րդ դարը տալիս է դեղին, կարմիր և կապոյտ գոյները, համաշափութեան գաղափարը կորչում է և քանդակագործութիւնն ու նկարչութիւնը աւելի ու աւելի նիւթական և իրական բնաւորութիւն են ստանում: Երբ նոր ժամանակը ստացուածքի սարսափելի կեղրոնացումն է առաջ բերում, ճարտարապետութիւնը աւելի է երեսի վրայ մնում. և մի չափազանցացը ած և կոպիտ զարդագիտութիւն բռնում է նախկին գծերի պարզութեան տեղը. այժմ նկարչութեան մէջ հանդէս է գալի առաջները չտեսնուած մի նոր ժանր, պատկերը, իբրև մի ազգանշան և միաժամանակ արդիւնք ընդարձակուող հարստութեան, վերջինիս համար զարմանք առաջ բերելու և գեղեցիկ կերպով ծածկում է նրան հասարակական գովասանքների համար:

Ասում են նաև, քիչ առաջներն էլ կրկնեց Ս. Ի. Ֆէրրարին, որ այն գիտական դպրոցը, որը սօցիալական զարգացումը նկատում է իբրև անհրաժեշտ արդիւնք տնտեսական յարաբերութիւնների և ժխտում է, որ մարդը որև է ազգեցութիւն կարող է ունենալ

նրա գործողութիւնների և կամքի արտայայտութիւնների վրայ, անհրաժեշտօրէն կտանի սօցիալականանդորդունչութեան, ճակատագրականութեան, բուդպայականութեան: Նախ, եթէ այդպիսի մի առարկութիւն տեղին էլ լինէր, ոյժ չէր ունենայ հելքելու մի լուրջ և տրամարանութեան ու դիտողութեան վրայ հիմնուած տեսութիւն: Բարեբախտաբար սակայն այսքնադատութիւնը անիրաւացի է, որովհետև ճիշտ չէ, թէ պատմական մատերիալիզմը անպայման ճակատագրականութեան է հասցնում մեզ: Ճիշտ է, որ այս տեսութիւնը զրականապէս ժխտում է կամայական բարենորոգութիւնների անհրաժեշտութիւնը. ճիշտ է, որ նա անդառնալի փշում է այն ուտօպիստների վառցնորդները, որոնք հաւատում են թէ մի վայրկեանում ան imis fundamentis (հիմքից) կարող են փոխել հասարակութեան դրութիւնը եթէ նրանք մի բարոյականգաղափար արտայայտեն կամ մի օրէնսդրական որոշում կայացնեն: Այս տեսակէտից նոր տեսութիւնը կատարելապէս համաձայն է ընդհանուր զարգացման տեսութեան հետ, որը ամենախիստ ձևով ժխտում է կամայական յեղափոխութիւնների հնարաւորութիւնը կամ յաջողութիւնը: Միւս կողմից, երբ պատմական մատերիալիզմը ցոյց է տալի մարդկանց նրանց ճանապարհի հիմքը և դրդիչը, նա առաջուց նշանակում է այն ուղին, որով միայն կարող է յաջողուել սօցիալական գրութեան փոփոխութիւնը, որովհետև նա ուսուցանում է, որ հասարակութեան բարենորոգութիւնը կարող է միայն հնարաւոր դառնալ նրա տնտեսական բարենորոգութիւնով. այս նշանակում է, որ հասարակութեան որևէ հիմնական փոփոխութիւն կախուած չէ բարոյականութեան և իրաւունքի բարձր արտայայտութիւններից, որ այդ բանին չենք հասնի

նոր վարդապետութիւն կամ քաղաքական կառավարութեան նոր ձևեր յայտարարելով, այլ այդ հնարաւոր է սեփականութեան պայմանների հիմնական ձևափոխութեամբ: Երբ մատերիալիստական պատմաացեցողութիւնը ցոյց է տալի ինչպէս սեփականազուրկ դասակարգերի համար յիրաւի օգտակար բարենորոգութիւնները ամեն դէպքում դասակարգային արդիւնք է, միաժամանակ ցոյց է տալի բանուորներին այն միջոցը, որով նրանք իշխող բուրժուազիայի կողմից եղած հաշտութեան պայմանները պէտք է յետ մղնեն: Նա պրօլետարների համար բաց է անում այն անխուսափելի անհրաժեշտութիւնը, որ նրանք միացած թալանչներ պիտի կազմեն և ժամանակաւոր դաշն պիտի կապեն բուրժուազիայի այս կամ այն կուսակցութեան հետ, երբ իրը փոխ-ծառայութիւն այդ դաշնքի իսկական ժողովրդական բարենորոգութիւններ մտցնելը պահանջնեն: Ուրեմն նա շատ հեռու է բուդպայական, ճակատագրական կամ որևէ աւելի վատ բան լինելուց, ինչպէս նրա հակառակորդներն են պնդում. նոր վարդապետութիւնը ժխտումն է ամեն տեսակ ճակատագրականութեան և ծոյլ գոհունակութեան: Ցիրաւի ճակատագրական տեսութիւն է պրօւսական, այսպէս կոչուած, պետական սօցիալիզմը, որին կարելի է այսօր աւելի շուտ ճափոնական կամ նահապետական կառավարութեան տեսութիւն անուանել, որի համաձայն աշխատաւոր դասակարգերը ձեռքները ծոցներին իրենց գրութեան բարելաւումը պետութեան ողորմած մեծ ահոգութիւնից են սպասելու, որը նրանց ժամանակ առ ժամանակ հանգստացնելու միջոցներ է տալի, որը նրանց վարձատրութիւնն է բարելաւում կամ դժբախտ դէպքի և մահուան հատուցումն. բայց իսկապէս ասած, երբէք նրանց չազատել իրենց կախման

պայմաններից, երբէք նրանց չտալ ոչ անկախութիւն և ոչ սեփականութիւն։ Դժբախտաբար այս տեսութիւնը մեր մէջ գեռ բաւական հետեւողներ ունի և նրա ամբողջ բաղաքական իմաստութիւնը տօսկանացի մի մարկիզ այսպէս է արտայայտել մի բնաբանում.—աղքատներին պէտք է աղքատութեան մէջ պահել։ Իսկ նոր տեսութիւնը աշխատաւոր դասակարգին հեռու է պահում ամեն տեսակ յետադէմ գոհունակութիւնից և ցոյց է տալի նրանց, որ իրենք միայն կարող են իրենց փրկել, իրենց սեփական աշխատանքով, սեփական նախաձեռնութեամբ։ այս տեսակէտից նա փոխանակ պոռոտախօսութեան և թուրամորթութեան տեսութիւն լինելու, մի գնահատելի թթխմոր է դասակարգի կոռուի համար։

Ի միջի այլոց մատերիալիստական պատճառակնեցող Թեան տեսութիւնը փոխանակ իւր հակառակորդներին այս տեսակ յոգնեցուցիչ կուրի վարժութիւններ առաջարկելու, աւելի լաւ կյաղթանակէ իւր գիտական ոյժի բազմապիսի ապացոյցները բերելով կամ բացատրելով՝ այն բազմապիսի իրողութիւնները, որոնք միայն նրա միջոցով են բաւարար բացատրութիւն ստանում։ Արդէն իսկ չափազանց շատ է այն երեսոյթների շարքը, որոնք նրա գրոշի տակ են հաւաքւում և ժամանակակից քաղաքացիական հասարակութիւնը, որը նոր տեսութիւնից այնպէս է վիրաւորում, ինչպէս մի անարգանքից, ամեն օր նորանոր ու աւելի ուժեղ ապացոյցներով և իրողութիւններով նրան օգնութեան է գալի։ Օրէցօր նրա ախոյեանների շարքերը խտանում են։ այժմ արդէն Գերմանիայում Կառացկին, Վայզենդրիւնը, Ամերիկայում Աղամսը, Սնգլիայում Ռոջէքսը, Բուսաստանում Ստրուլէն, \*) Բելգիայում գ'ֆրէքսը,

\*) Վաղուց է թողել այդ հայեցակէտը թարգմ.

Իտալիայում Աստորօն, Կօնտենտօն, Էնրիկօ Ֆէրրին, Գրօպալին, Լարրիօլան, Մելլանին և այլն նոր տեսութեան համար աչքի լնկնող ծառայութիւն են անում գրուածքներով, ուսումնասիրութիւններով և դիտողութիւններով։ Ճիշտ է, որ այս հրատարակութիւններում գեռ շատ բան անպատրաստի է և անորոշ, ճիշտ է, որ նոր վարդապետութիւնը շատ հեռու է կտրուկ և խիստ որոշակի լինելուց, որոնք մի հասունացած և խորը գիտակարգի դրական նշաններն են։ Բայց այդ ծայրահեղութիւնների մէջ իսկ, որոնք գեռ այժմ էլ պըղտորում են նրան, որոնք ջերմի ու երևակայութեան անխուսափելի զուգընթաց երեսոյթներ են, կարելի է տեսնել ինչպէս փայլում են մօտակայ յաղթանակի նշանները։ Այժմ իսկ պէտք է պնդել որ նոր ուսմունքին կյացողի սօցիօգիտիային ճշմարիտ և խկական գիտութեան բնոյթ տալ, մի բան, որ անկարող եղան փիլիսոփայական և կենսաբանական դպրոցները և որ այս վերանորոգուած սօցիօգիտիայի բարերար ազդեցութեան տակ բոլոր ջոկ ջոկ սօցիալական գիտութիւնները նոր և փառաւոր կեանքի համար յարութիւն կառնեն։

Նոր դպրոցը չի ճնշում այն դպրոցներին, որոնք ազնիւ պայքարի մէջ նրանից առաջ են եղել, այլ ընդհակառակը աշխատում է նրանց արտայայտած կիսատճշարտութիւնները հաւաքել և կարգաւորել։ Նա օգուտ է քաղում Կօնտեի հետախուզութիւններից, որոնք վերաբերում են բանականութեան գոլծօնի ազդեցութեանը հասարակութեան դարգացման վրայ, ցոյց է տալի միաժամանակ, որ այս ուժեղ գործօնը իւր հերթին առաջ է եկել և որոշուել տնտեսական գործօնի ամեն ինչ ծածկող ոյժի ազդեցութեան տակ։ Նա կենսաբանական գործօնն էլ է հաշուի առնում։ Բայց նա

միաժամանակ ուշք է դարձնում այն բանի վրայ, թէ ինչպէս նա տնտեսական պայմանների ամենազօր աղդեցութեան տակ պարզում է և բարձրանում։ Շատ հեռու լինելով միւս դպրոցների արդիւնքները ոչընչացնելուց, նոր ուսմունքը իւր սեփական հետախուզումների միջցով նրանց կարգաւորում է մի կարգաւորուած և կանոնաւոր ամբողջութիւն կազմելով։ Առանց թագցնելու ասում եմ առաջուց. զինուած նախկին դպրոցների արդիւնքներով, ազատ որևէ կուսակցական միակողմանիութիւնից և լուրջ, ապացուցուած հաշիւներով ու դիտողութիւններով սօցիօլօգիան արևատեսական հիմք ունենալով ոչ շատ ուշ իրեն ընդունակ ցոյց կտայ հասարակական կեանքի հանելուկը լուծելու և մեր տանջուած հասարակութիւնների համար մի ժամանուն ու լուսաւոր ապագայ նախապատրաստելու։

## ՎԵՅՏՈՐԴԻ ԴԱՍԱԽՈՍՈՒԹԻՒՆ

Համեմատական սօցիօլօգիա

Եթէ ձիշտ է, որ գիտութեան զանազան ձիւղերը էապէս հետազոտութեան նոյն մեթոդին են հետևում (վերլուծութիւն և համադրութիւն, դիտողութիւն և փորձ), նոյնքան էլ ձիշտ է, որ զանազան գիտութիւններ հակւում են այս կամ այն քննութեան մեթոդին, շնորհիւ իրենց քննութեան նիւթ առած երևոյթների զանազան բնաւորութիւններին։ Կարելի է ասել, որ իւրաքանչիւր գիտութիւն, այսպէս ասած, ունի իւր սեփական արտաքին նշանը, որ նա իւր քոյլերից բա-

ժանւում է իւր յատուկ մեթոդով, որը նա գործ է ածում կամ ամենից աւելի այդ է գործածում և որ նրա մեթոդի առանձնայատկութեան մէջ աւելի քան նրա միւս արտայայտութիւններում, նրա նիւթի առանձին ձևը, նրա հոգեկան շրջանի գծագրութիւնը ամենից աւելի է փայլուն երեսում։ Ցարքական դիտողութիւնն իսկ բաւական է ցոյց տալու համար, որ սօցիօլօգիայի գերակշռող մեթոդը կամ այն, որին նա պարտական է իւր կարեւոր յառաջադիմութիւնը, համեմատական մեթոդն է, ուստի մեր գիտութիւնը, եթէ յարակցութիւն ունի բարոյական, քաղաքական և իրաւական գիտութիւնների հետ, հետազոտութիւնն մեթոդի տեսակէտից աւելի սերտ կապուած է մարդարանական և կենսաբանական բնական գիտութիւնների հետ։

Սօցիօլօգիայում համեմատական մեթոդը երեք բոլորովին տարբեր ձևեր է ստանում, նայելով թէ այն սօցիալական օրգանիզմները, որոնց նա հանդիպում է, ինչպէս են վոլուում։ ըստ այս համեմատութիւնը կարող է լինել, լեզուաբանական գիտական գարզացողական պատմական և զաղութային։

Լեզուաբանութիւնը սօցիալական գիտութեանը տալիս է մի անսպասիլի և ուժեղ միջոց շնորհիւ մի մեթոդի, որը ինչպէս բոլոր հանճարեղ գիւտերը, զարմանալի պարզութիւն ունի։ Իսկապէս այն աղջակցութիւնը, որը լեզուաբանութիւնը գտաւ, հնդհերոպական ազգային լեզուների մէջ, ըստինքեան ցոյց է տալի, որ այս բոլոր ժողովուրդները մի բուն արմատից են ելել, որտեղից նրանք, շնորհիւ ամենահին ժամանակ կատարած գաղթականութեան դէպի իրենց ներկայ բնակավայրը, ճիւղաւորուել են։ Երբ մի որոշ առարկայ կամ գոյութիւն ունեցող կարգ զանազան հնդհերոպական լեզուներում այն խօսքերով են արտայայտում,

որոնք նոյն արմատն ունեն, այստեղից հետևում է, որ այդ առարկան կամ կարգը այդ բնիկ ժողովրդին ծանօթ էր գաղթականութիւնից առաջ, երբ ընդհակառակը զանազան հնդ-եւրոպական լեզուներ զանազան արմատներ են գործ ածում նոյն առարկան որոշելու համար, այստեղից հետևում է, որ այդ որոշ առարկան այն առաջին ժողովրդին անծանօթ էր ցրուելուց առաջ: Այս արուեստի շնորհիւ մարդ կարողանում է բաւական ճիշտ որոշել այն կուլտուրայի չափը, որը ունէր այդ նոյն արմատից սերած ժողովուրդը գաղթականութիւնից առաջ եղած շրջանումն նրա գործդրած կարգելը, սօցիալական կազմակերպութեան հիմնական գծերը. այս նշանակում է, որ մեր ծանօթութիւնների շրջանը ընդլայնում է, որքան այս կախուած է պատմական և հնագիտական վաւերագրերից:

Անկասկած առաջին վայրկեանում այս մեթոդի ճշմարտութեան դէմ են ենում ուշադրութիւն արժանի շատ կասկածներ: Նախ պէտք է ընդունել, որ ձայնաբանական արմատների տարրերութիւնը, որ զանազան ազգեր նոյն առարկան որոշելու համար գործ են ածում, չի ցոյց տալի դեռ ևս այդ առարկայի նոր լինելը: Իսկապէս ով ուշադրութիւն է դարձրել այն անժխտելի իրողութեան վրայ, որ գաղութները իրենց առաջին շրջաններում մի զարմանալի նման պատկեր են ներկայացնում իրենց մայր երկրի դրութեանը, նա պէտք է ընդունի, որ շատ կարգեր, որոնք այդ նոյն արմատ ժողովուրդը իւր ցրուելուց ժամանակ ունէր, իւր խան կազմութեան առաջին շրջաններում չի կարողանում ամբողջապէս պահել: Այս պատճառով պէտք է նոյնարմատ ժողովուրդը սկզբում այն կարգերն արտայայտող բառերը իւր հիմնած խան կազմակերպութեան մէջ անպայման մոռացութեան

տար, յետոյ, երբ նրանք այս կարգերը ընդունեն, ստիպուած են մի նոր խօսք գտնել այդ որոշելու համար: Ուստի զանազան եւրոպական ազգերի միենոյն առարկայի համար գործադրած խօսքերի տարբերութիւնը չի կարելի իր անպայման և աներկրայելի ապացոյց բերել այն բանի համար, որ այդպիսի մի առարկայ նոյնարմատ ժողովրդին իւր ցրուելուց առաջ անծանօթ էր: Յետոյ սկզբնական բուն ժողովրդից գաղթած մարդիկ պէտք է վայրենի և անհիւրընկալ երկրներ անցնելին և նոյնիսկ երկար ժամանակ այն տեղերում բնակուէին, հօրդաների մէջ, որոնց որևէ սովորութիւն անմատչելի էր: Շատ բնական է, որ այդպիսի պայմաններում սկզբնական հայրենիքից հետը բերած շատ սովորութիւններ չպէտք է գործադրուէին և դրա հետ միասին դրանց համապատասխան բառերն էլ պիտի կորչէին: Ուստի սկզբնական, բուն արմատից ենող խմբերը, եթէ յետոյ կամնային այդ կարգերը ընդունել, պէտք է նոր բառեր ստեղծէին նրանց որոշելու համար: Այսպիսով են բացատրում շատ լեզուաբաններ եւրոպայի զանազան ազգերի մէջ աղ բառի գործածութիւնը, որը զանազան արմատներ ունի: Իսկապէս այսպիսի մի տարբերութիւն չի կարելի մէջ բերել իրեկ արդիւնք կամ նշան այն բանի թէ սկզբնական ժողովուրդը աղի գոյութեանը կամ նրա գործածութեանը ծանօթ չէր. այլ այս կարելի է նրանով բացատրել, որ զանազան ժողովուրդներ, մայր արմատից բաժանուելով, դարեր շարունակ ապրել են այնպիսի երկրներում, ուր աղը անյայտ էր, մինչեւ որ վերջնականապէս մի տեղ հաստատուեցին: Միւս կողմից զանազան եւրոպական ազգերի միենոյն առարկան որոշող արմատների նոյնութիւնը չի նշանակում անպայման, որ այդ առարկան մայր

ժողովրդին դեռ բաժան բաժան լինելուց առաջ ծանօթ էր. հեշտ կարող է պատահել, որ այդ առարկան կամ կարգը բաժանուած ժողովուրդը գտել է կամ առաջին անգամ գործ է ածել և սրանից էլ ժողովրդների մէջ տեղի ունեցող վաճառականութեան և միջազգային յարաբերութիւնների չնորհիւ անցել միւս միւս ժողովրդներին: Օրինակ զանազան եւրոպական լեզուներում խոփ (թլաց, ուլցր) բառի համար գործածուող բառերը այս ձևով են բացատրուել, իսկ խոփը յամենայն դէպս նախարհացիներին, երկում է, որ անձանօթ է եղել:

Այս առարկութիւնները (ոչ շատ առաջ կովալեսկին իւր օրինակելի գրուածքում շեշտել է այս մասին) անշուշտ մեծ արժէք ունին: Սակայն թէև անկասկած սրանք համեմատական լեզուաբանութեան մեթոդի կարեռութեան չափը կրճատում են, թէև սրանք տաֆանելի պարտք են դնում նրա վրայ, ով ուզում է այդ մեթոդը որևէ կերպ գործածել. այնուամենայնիւ նրան բացասել չեն կարող և այս մեթոդի բարձր արժէքը կամ արժէքաւոր ծառայութիւնը, որ նա սօցիօգիային մատուցանում է, չեն կարող թուլացնել: Սա օգնում է վերջապէս իմանալու այն գաղտնիքը, որով ծածկուած էին եւրոպական ժողովուրդների նախակղբները և նշանակելու սկզբնական բարբարոսութեան հիմնական գծերը որոնցից ծագել է մեր կուլտուրան: Այն նկարագրութիւնը, որ մեր ամենահին նախնիների մասին համեմատական լեզուաբանութեան մեթոդը տալիս է, մեզ չպէտք է կարմրեցնի, Այնպէս պէտք է լինէին հնդեւրոպական նախաժողովրդի բնութագծերը իւր գաղթելուց առաջ, ինչպէս նորագոյն և յայտնի հետազոտութիւնները ցոյց են տալի: Նոքա էլ հիմք եղան տարբեր հնդեւրոպական ազգութիւնների: Հնդօ-գեր-

մանները համարեա թէ բոլորովին չգիտէին մետաղների գործածութիւնը և գործ էին ածում քարէ գործիներ և կարասիներ. նոքա ունէին մի քանի ընտանի կենդանիներ, օրինակ ձի, որին գործ էին ածում իբրև մննդի միջոց, որովհետև ձի հեծնելը նրանց անծանօթ էր: Հողագործութիւնը և նրա հետ կապուած անհատական և համայնական սեփականութիւնը նրանց անծանօթ էր, ինչպէս և գինին. նրանք սակայն գիտէին մաննելը և գործելը: Հնդօ-գերմանները երբէք ծով չէին տեսիլ և ձկնորսութիւն չգիտէին, նոքա զիտէին փոխանակութիւնը և արժէքի չափն էլ եղջիւրաւոր կենդանին էր: Նոքա գործ էին ածում մի քանի ծանրութեան և երկայնութեան չափեր, բոլորն էլ տասնորդական հիմք ունեցող. կարողանում էին մինչև 100-ը հաշուել: Նոքա երկար ալիքներից կազմուող զոյներն էին զանազանում (կարմիր, դեղին), իսկ կարճ ալիքներից կազմուողները՝ ոչ (կանաչ, կապոյտ), որը պէտք է այն իրողութեամբ բացատրել, որ առաջին գոյները նրանք շատ տարբածուած կենդանիների մորթիների վրայ տեսնում էին: Նոքա տարբերում էին ձմեռն ու ամառը և ամիսները հաշուում էին լուսնի շրջանի համաձայն. տարրուայ մասին գաղափար չունէին, որովհետև լուսինն էր նրանց ժամանակի չափը, նոքա ոչ թէ օրերը, այլ գիշերներն էին հաշուում: Ցերեկն ու իրիկունը տարբերում էին, իսկ օրուայ այլ բաժանումներ չգիտէին, մի բան, որ ի միջի այլոց, բոլորովին աւելորդ կլինէր, եթէ մարդ ի նկատի ունենայ նախապատճական միայն ապրուստի համար ջանացող կեանքի յետամնաց պայմանները: Նոքա ապրում էին ստորերկրեայ ձիւղերում կամ փայտէ խրճիթներում. ունէին յարձակման, բայց ոչ պաշտպանութեան զէնքեր: Այս շատ բնական է, որովհետև պաշտպանութիւնը միայն յարձակումից յե-

տոյ է հանդէս գալիս և ժամանակագրական կարգով պաշտպանութեան զէնքերը յարձակման զէնքերից յետոյ պէտք է երևային։ Այս մի առարկութիւն է Ամմօնի գէմ, որը պնդում է, թէ մարդկանց մէջ նրանց հետ ծնուած է պաշտպանութեան մի բնազդ, որը և մեր նախահայրերին համաձայնութեան է տարել։ Իսկապէս այս ենթադրութիւնը, որ մարդիկ պաշտպանութեան բնագրով են սպառազինուած, այնքան հեռու է ճշմարտութիւնից, որ մարդկանց հասարակութիւններ կազմելու սկզբներում, երբէք պաշտպանութեան զէնքերը ծանօթ չեն եղել։ Հին հնդօ-գերմանները մշտական քաղաքական կազմակերպութեան ոչ մի ձև չունէին և բաւականանում էին նրանով, որ ընդհանուր վտանգի ըռապէին ժամանակաւոր քաղաքական կազմակերպութիւն էին ստեղծում։ Նախաժողովուրդը կրօնական էր։ Նրա կրօնը բնութեան ոյժերի երկրպագութիւնն էր, որոնց վերագրում էին մի չար ոգու ոյժ։ Նոքա բարյոյականութեան օրէնք կամ կարգի աղդեցութեան մարդկանց կենցաղի վրայ չունէին։ Հանդերձեալ կեանքի գաղափարն էլ պակասում էր. աստուածները մի որևէ սրբավայրում չեն պաշտում, այս կոյս անտառների ծառերի տակ, որոնց սրբացրել էին ժողովրդի ջերմեանդութեամբ։

Այս են մեր նախապատմական հայրերի կեանքի և սօցիալական կազմակերպութեան հիմնական գծերը, որոնց վերարտադրել է համեմատական լիզուաբանութիւնը շնորհիւ իւր հետազօտութիւնների։ այս է խորհրդաւոր Ատլանդիսը, որը կլանել է դարերի ովկիանոսին և որին նոր գիտութիւնը իւր կախարդական ոյժի շնորհիւ ստիպել է այդ բոլորը իւր հոսանքներից դուրս հանել։ Այս մի նոր հորիզոն է, որը բառերի գիտութիւնը իրերի գիտութեան համար բաց է անում։

սա մի նոր աշխարհ է, որը պատրաստուել է սօցիօլոգիայի հետազօտութիւնների համար, ուր նա պէտք է ուրախութեամբ մտնի և այստեղ երկարատև ու ազնիւ պառզներ ժողովիի։

Ծնորհիւ այս ցոյց տուած մեթոդի վերջապէս հնարաւոր է մարդկային հասարակութիւնների ամբողջական կարգը ներկայացնել դասաւորելով այն ի նկատի ունենալով կուլտուրայի յառաջադիմութեան տստիճանները։ Շարքի սկիզբն է նախաժողովուրդը, որի մասին համեմատական լիզուաբանութիւնը ցոյց տուած ձևով ամենաընդհանուր նշաններն է տալի. այնուհետև գալիս են այն ժողովուրդները, որոնք քաղաքակրթութեան աւելի բարձր աստիճան ունեն, վերջապէս նրանք, որոնք այսօրուայ քաղաքակրթութեան բարձրութեան վրայ են կանգնած։ Այս ձևով դասաւորուած ժողովուրդների համեմատութիւնը մի արժէքաւոր օժանդակ միջոց է հետախուզելու համար սօցիալական կարգերը, նրանց ծագումը և նրանց գլխաւոր յատկութիւնները։ Մինչեռ լիզուական հետազօտութեան դէպքում նախ նմանութիւններն են քննութեան առնուում, սօցիալական ձևերը համեմատելիս նախ պէտք է տարբերութիւնները բննել։ Անկասկած հնարաւոր է միշտ սօցիալական երկոյթների նման արտայայտութիւնները աշխարհիս զանազան ժողովուրդների մէջ համեմատելը բայց մի այդպիսի համեմատութիւնից շատ քիչ օգուտ կստացուի և չի կարելի կարենը եղանակացութիւններ հանել։ Եթէ երեայ էլ, որ մի երկոյթ կամ մի կարգ բացարձակ նոյն ձևերով զանազան ժողովուրդներ ունեն, այս իրողութիւնից իսկապէս ոչինչ չի կարելի եղանակացնել, ևս առաւել որ ցեղերը ազգակցական կալ ունեն կամ որ երկու ժողովուրդներն էլ ընդհանուր ծագումն ունեն. յայտնի է թէև աշխար-

հիս բոլոր ժողովուրդներն էլ իրարից տարրել են, իրենց զարգացման որոշ աստիճանի վրայ նման կամ քիչ տարբերուող կարգեր են ունենում: Ըստհաւկառակը այն օգուտը, որ սօցիալական տարբերութիւնների հետազոտութիւնից կարող ենք ստանալ, ուշադրութեան արժանի է: Գիտենք, որ մի երկոյթի կամ կարգի նախկին արտայայտութիւնները, որոնցից և ոչ մի հետք չի մնացել քաղաքակրթուած ժողովուրդների մէջ, ուսումնասիրելով պակաս քաղաքակրթուած ժողովուրդներին, որոնք դեռ պահել են այդ արտայայտութիւնները կամ հասկանալի հետքեր են թողել, յայտնի և հասկանալի են դառնում: Նմանապէս սօցիալական մնացորդների կամ այն երկոյթների, որոնք մի նախկին սօցիալական շրջանի մնացորդներն են, ուսումնասիրութիւնը անհրաժեշտ է այս շրջանը իւր հիմնական գծերով վերակազմելու համար: Աւելի տարբեր և շատ աւելի բարձր նպատակի է համուսման համեմատութիւնը, որը կատարում է իրարից տարբեր և մասնաւանդ շատ հեռու սօցիալական ձեռքի կամ զարգացման աստիճանների իրարից շատ հեռու գտնուող ժողովուրդների վերաբերմամբ:

Եթէ յիրաւի համեմատենք սօցիալական զարգացման աստիճանների ամենից ցածրի վրայ գտնուող ժողովուրդներին նրանց հետ, որոնք քաղաքակրթութեան ամենաբարձր աստիճանի վրայ են գտնում, կտեսնենք ինչքան քիչ կան այսօրուան կարգերից առաջին մարդկային միութիւնների մէջ և մենք կարող ենք այս կարգերի ծագումը և նրանց ձևափոխութիւնը վիոլին տեսնել, թէ ինչպէս նրանք այդ բոլորը սկսան մինչև որ հասան ներկայ ձեին: Այսպիսի մի ուսումնասիրութիւն ըստինքեան ցոյց է տալի, ինչպէս սօցիալական ամենակարևոր կարգերը, որոնք շատ հե-

ուու են մի ամենաբարձր, անմահ նախախամութիւնից մարդկանց վրայ դրուած լինելուց յաւիտենապէս, արդիւնք են պատահական և անցողակի պատճառների, այսպիսով հասնում ենք այն բանին, որ սօցիալական յարաբերութիւնների վրայից խլում է նրանց անմահութեան այն թագը, որով գիտութիւնը կամ անցեալ դարերի անդիտութիւնը նրան զարդարել էր և տալիս ենք նրան անցողակի ստեղծագործութիւնների համեստ տեղը, որը ենթարկուած է ծագման և ոչնչացման մի յաւիտենական պրօցէսի: Սօցիալական յարաբերութիւնների պատճառն լինելութեան ապացոյցը չի սահում միայն վերացական սպեկուլացիաների ուղղով. նա ինքը իրեն բաց է անում ճանապարհ գէպի քննապատութիւնը, որը սակայն ի նկատի ունենալով նրա օրգանական դրութեան անփոփոխութիւնը ա priori դուրս կմնար:

Այն համեմատութիւնը, որին մենք զարգացողական պատճառն ենք անուանում, որը համեմատում է զարգացման զանազան շրջանների ժողովուրդներին, նրա համար է միայն, որ մարդկային կարգերի պատճառն բնոյթը պարզաբանի, իսկ իւր ձևով և սահմաններով պէտքական չէ հետազոտուած երկոյթների պատճառները բացատրելու համար: Որպէս զի հնարաւոր լինի համեմատութիւնը այն ժողովուրդների մէջ, որոնք իւրարից toto coevo \*) տարբեր են, ինչպէս հոգեբանական և մարդկային գործօններով (կուլտուրա, լեզու, կրթութիւն, տեխնիկական զարգացում, բարոյականութիւն, իրաւունք և այլն) նոյնպէս և արտաքին ու բնական գործօններով (կլիմա, տիրապետութիւն զրաւելու պայմաններ, հողի և գետնի գրաւումն, արդիւնաբերութիւն

\*) Մինչեւ երկինք.

ևայլն) չենք կարող ասել, որ հնարաւոր է ուղղակի պարզել, թէ այն տարբերութիւնը, որ կայ այս ժողովուրդների սօցիալական կազմութեան մէջ, արդեօք այս բոլոր գործօնների տարբերութիւնից է առաջ գալի, թէ միայն մէկից: Հետևապէս անկարելի է պնդել, թէ սօցիալական օրգանիզմը արդիւնք է միայն հոգեբանական կամ արտաքին կամ մէկ կամ միւս գործօնի: Այսպիսով սօցիալական պատճառի ինդրի լուծումը, դժբախտաբար անլուծելի է մնում:

Որպէսզի այս հարցի որոշ լուծումը ստանանք, աւելի նպատակայարժար կլինէր այն երկրները համեմատել, որոնք ոչ բոլոր սօցիալական գործօններով են տարբերում միմեանցից, այլ միայն մի քանիսով: Օրինակ նպատակայարժար կլինէր, որ մի կողմից բոլոր հոգեբանական, միւս կողմից բոլոր արտաքին տարբերը հաւաքէինք, որոնք որևէ կերպ սօցիալական կեանքի վրայ աղղեցութիւն ունենալ կարող են և ապա այն երկրները համեմատէինք, որոնք կամ առաջին կամ երկրորդ տարբերով իրարից տարբերում են: Եթէ մենք համեմատենք երկու ժողովուրդ, որոնք միայն երկրի գործօններով են տարբերում և գտնենք, որ նրանց սօցիալական կազմութիւնը էապէս տարբեր է իրարից, կարող ենք անմիջապէս հետևեցնել, որ հողը գրաւելու և հողի արդիւնաբերութեան պայմանները յիրաւի սօցիալական կազմութեան մէջ շատ էական գործօններ են: Սակայն այս մեղ իրաւոնք չի տայ ժխտելու, որ միւս տեսակի տարբերը, հոգեբանական և մարդկային տարբեր, սօցիալական կազմի մէջ նմանապէս գործօններ են, ուստի մեր եղբակացութիւնը շատ հեռու կլինի ընդհանուրի համար նշանակութիւն ունենալուց և ձշգրտութեան ցանկալի աստիճանից: Այսպիսի մի նիւթի վերաբերմամբ լրիւ պատասխան տալու համար

յարմար է համեմատել երկու երկրներ, որոնք միայն և միայն հոգեբանական գործօններով են տարբերում: Եթէ երևայ, որ այս երկրները բոլորովին նոյն սօցիալական կազմն ունեն, ստիպուած ենք եղբակացնելու, որ միայն հողի արդիւնաբերութեան և գրաւման պայմանները կամ աւելի կարճ տեղի պայմանները խոշոր աղղեցութիւն ունեն սօցիալական կազմութեան վրայ և մարդկային ներքին պայմանները այս դէպքում մի յամր գեր են կատարում կամ պատմութեան արինուս դրամայում լուռ գերակատարներ են: Հակառակ եղբակացութիւնը հանդէս կգայ, երբ մենք մի քանի ժողովուրդները, որոնք տարբերում են միայն հոգեբանական պայմաններով, ունենան տարբեր սօցիալական կազմութիւններ և այն աղղերը, որոնք միայն տեղային պայմաններով են իրարից տարբերում, սօցիալական կազմութեան կատարեալ նոյնութիւն ունենան:

Այսպիսի մի համեմատութիւն արդիւնաւոր հետեւանքներով և գեղեցիկ կերպով կարելի է կատարել շնորհիւ զարութեանը: Յիրաւի, եթէ մենք մի գաղութ, ինչպէս նա որոշ մեզ տրուած ժամանակում կայ, համեմատենք մայր երկրի հետ, ինչպէս վերջինս է նոյն ժամանակում, մենք համեմատած ենք լինում երկու երկրներ, որոնք կատարեալ նոյնութիւն ունեն ամեն բանում. ինչ վերաբերում է ցեղին, կրօնին, կուլտուրային, կրթութեանը, մուսկուլների ոյժին, վերջապէս այն ամենին, ինչ որ վերաբերում է հոգեբանական կամ ընդհանուր մարդկային տարբերին, մինչդեռ նրանք տարբերում են կամ հիմնական հակադրութիւն են ներկայացնում այն ամենում, ինչոր վերաբերում է հողի արդիւնաբերութեանը կամ գրաւմանը, որովհետև մայր երկրում ամբողջ հողը գրաւուած է և մեծ մասամբ մշակուած, մինչդեռ գաղութում հողի մեծ

կտորներ անմշակ են և դեռ սեփականութիւն չեն դարձել: Եթէ գաղութի սօցիալական կազմը մի որոշ ժամանակում էապէս մայր երկրից տարբերուում է, մի այդպիսի տարբերութիւն մենք չենք կարող հոգեբանական գործոնների ազդեցութեանը վերագրել, որ երկու երկորուում էլ նոյնն են, այլ մենք պէտք է նկատենք այդ իբրև արդիւնաբերութեան և գրաւման պայմանների. այս պատճառով մենք իրաւացի կլինենք պնդելու, որ տեղային պայմանները սօցիալական կազմակերպութեան մէջ անհրաժեշտ գործոններ են: Այս բոլորը չի բացասում այնուամենայնիւ այն ճշմարտութեանը, որ մարդկային և հոգեբանական տարբերը մի և նոյն ժամանակ նպաստում են հասարակութեան կազմը որոշելու համար: Բայց մենք համեմատենք գաղութը իւր գոյութեան մի որոշ ժամանակում մայր երկրի մի աւելի նախնական շրջանի հետ, երբ ազգաբնակութեան խտութիւնը, հողի գրաւումն ու արդիւնաբերութիւնը նման էին այն պայմաններին, որոնք այժմ գաղութում կան: Պարզ է, որ մենք համեմատում ենք իսկապէս նրկու երկիր, որոնք միայն և միայն մարդկային և հոգեբանական տարբերով են իրարից տարբերուում, իսկ տեղային տարբերը կամ հողի գրաւման և արդիւնաբերութեան պայմանները երկու ժողովրդների մէջ էլ բոլորովին նման են. բայց գաղութում ծաղկած քաղաքակրթութիւն կայ, մինչդեռ մայր երկրի նախնական ժամանակում բարբարոսութիւնը նախճիրներ է գործում. ցեղը, կրօնը, զիտութիւնը, տեխնիկական զարգացումը, բարոյականութիւնը երկու երկրներում իւրարից շատ տարբեր են, իրար բոլորովին հակառակ են երեան գալի: Եթէ այնուամենայնիւ գաղութի սօցիալական կազմակերպութեանը մայր երկրի նախնական շրջանի կազմակերպութեան հետ կատարեալ նմա-

նութիւն է ցոյց տալի, երբ տեղական պայմանները գաղութի պայմանների հետ կատարելապէս նման են, պէտք է եղանակացնել, որ մարդկային տարրը հասարակութեան կազմակերպութեան վրայ ոչ մի աղեցնութիւն չի թողնում, որ նա սօցիօլոգիական գործոն չէ, որ սօցիալական և տնտեսական կազմակերպութեան միակ ծնողը հողի սեփականացման և գրաւման աստիճանն է:

Իսկապէս ամերիկական և երոպական գաղութների սօցիալական զարգացման վերուծութիւնը ցոյց է տալի, որ նոր հասարակութիւնները, տնտեսական, իրաւական և այլ այնպիսի յարաբերութիւններ ունին, որոնք բոլորովին տարբեր են մայր երկրի նոյն ժամանակուայ կազմակերպութիւնից և միանգամայն նման են մայր երկրի նախկին շրջանի հետ, երբ նրա տեղային պայմանները նման էին գաղութի պայմանների հետ: Վերջիններս սկսում են պարզ անհատական սեփականութիւնով, որը շուտով փոխւում է համայնական սեփականութեան և այս ձևով վերարտադրում է անթիւ ձևափոխութիւններով եւրոպական հասարակութեան նախնական շրջանը: Այնուհետև նրանց մէջ սկսում է ստրկութիւնը, որը ստանում է նման ձևեր այն ձևերին, որ կային հին եւրոպայում. ստրկութեան պատճառով գաղութներում զարմանալի նմանութեամբ կենդանանում են յոյնհոգոմէական հին դարու իրաւաբանական գաղափարները, բարոյական հայեացքները և քաղաքական հաստատութիւնները: Այնուհետև գաղութները ներմուծում են հողատիրութիւնը, համբարութիւնը և միջնադարեան ամբողջ աւատական կազմը, որը եւրոպայում այնքան երկար ժամանակ իշխող էր: Միայն այս զարգացման վերջը, երբ այնտեղ հողը ամբողջապէս գրաւուած է, ինչպէս այժմեան եւրոպա-

յում, գաղութներն էլ ունենում են վարկի սիստեմը և նրանից բղնող սօցիալական յարաբերութիւնների որոշ բարդ շարժառութը: Ինչպէս մարդը իւր մօր արդանդում անց է կացնում օրգանական զարգացման բոլոր շրջանները, նոյնպէս մարդկութիւնը իւր գաղութային կեանքում անց է կացնում վերօրգանական զարգացման բոլոր շրջանները:

Գաղութային այս համեմատութեան արդիւնքը մեծ կարեռութիւն ունի սօցիօգիայի համար, որովհետև սրանով ջրում են այն բոլոր սիստեմները, որոնք սօցիալական զարգացման մէջ բանականութիւնը կամ նրա զանազան արտայայտութիւններն են պատճառ ընդունում: Ինչպէս կարելի է հօնտի կամ հօկլի տեսութիւնները պաշտպանել, որ սօցիալական երևոյթը բանականութեան զարգացման արդիւնք է, կամ Հէզէլի գաղափարը, թէ պատմութիւնը իդէայի աստիճանական զարգացման հետզհետէ արտայայտուեն է, կամ Լասոսալի աֆօրիզմի հետ, որ մարդկային հոգին պատմութեան մէջ հետզհետէ դառնալն է: Ինչպէս կարելի է Մարքսի մտքերի հետ հաշտուել, որ նիւթական արտադրական ոյժերի զարգացումը ըստինքեան ծնում է սօցիալական ձևերի յառաջադիմող շարքը կամ Կիդդի հետ, որը կրօնական իդէայի զարգացման մէջ է տեսնում յառաջադիմութեան լծակը, երբ ապացուցուած է, որ մի նոր մարդկութիւն, որը ուժեղ է իւր բանական, տեխնիկական, կրօնական ժառանգութեամբ, որոնց հաւաքել են նախկին հարիւրաւոր սերունդներ, ստիպուած է նախաժամանակի տնտեսական և սօցիալական յարաբերութիւնները ունենալ միայն այն պարզ իրողութեան պատճառով, որ նա մի այնպիսի երկրում է հաստատուել ինչպիսին նախաժամանակի մարդկութիւնն ունէր: Գաղութների քաղաքակրթութիւնը, որը

ֆիզիքական բնութեան պայմաններից անկախ է և հիմնուած է մարդկային հոգեբանական պայմանների վրայ, մի հրամայողական բացասումն է այն կարծեցեցեալ կոփման, թէ մարդկային քաղաքակրթութիւնը հասարակութեան բանական և բարոյական զարգացումից է կախուած. նա աւելի ամրացնում է այն գաղափարը, թէ սօցիալական պատմութիւնը խիստ կախուած է բնութիւնից, մի հրաշալի, մեքենայական սինտէղից մարդու և դրսի աշխարհի:

Այս տեսակէտից գաղութների համեմատութիւնը յաջողութեամբ հասնում է այն բանին, որ աշխատում է սօցիալական երևոյթների առաջին պատճառների առեղծուածը լուծել, մի բան, որ նախկին սօցիօգիական հետազօտութիւնները բոլորովին անլուծելի էին թողել: Խսկապէս մատերիալիստական պատմահայեցողութեան դպրոցը, որը բոլոր սօցիալական երևոյթները համարում է առաջացած անտեսական յարաբերութիւններից, չի կարողանում բացատքել, թէ այս ամենազօր տնտեսական դրութեան պատճառը ո՞րն է, որից կազմում է մարդկային հասարակութեան ամբողջ դրութիւնը: Գաղութների համեմատութիւնը բարեբախտաբար կարողանում է այդ լուծել, երբ նա ցոյց է տալի, թէ ինչպէս տնտեսական յարաբերութիւններն էլ երկրի գրաւման և արդիւնաւորութեան աստիճանի արդիւնք է և այս ձևով նա կարող է սօցիալական երևոյթների հարուստ խումբը կապել իրար մի միակ պատճառի իշխանութեան տակ դնելով նրանց:

Այս են յիշատակելու արժանի այն գործածութիւնները, որ մինչև այժմս ստացուել են, այն հիմնական ձևերը, որ համեմատական մեթոդը սօցիօգիայի մէջ առաջ է բերել: Բայց այս հասկանալի է միայն հետազօտութեան սկզբին, որը նպատակ ունի շատ գոր-

Տունէութիւններ բերելու և շատ արժէքաւոր պառւղներ քաղելու: Յամենայն դէպս մինչև այժմ եղած արդիւնքներից կարելի է գուշակել, թէ ինչ արդիւնքների կարելի է հասնել: Յանդանութիւն չի պնդել, որ այդպիսի մի մեթոդ մարդկային հասարակութեան մէջ եղած անդունդներում կենդանի լոյսի ճառագայթներ կսփոխ, երբ նա իւր յաղթական հետեանքներով մինչև այժմ իշխող բռնավարութեան ձևը բոլորովին կհեռացնի: Ես զիտեմ մի ֆրանսիական առած, որը երկի այլ ժամանակների մետափիզիք կրթութեան ժողովրդական զաման է ենթարկուած, արժանավայել ձեռվայս վճիռն է տալի թէ «comparaison n'est pas raison»\*) Սակայն առածներն էլ ժաման ունեն այն անցողակի պատահունքներում, որոնք յատակ են բոլոր մարդկային ստեղծագործութիւններին և կազմակերպութիւններին: Նոր մեթոդի արդիւնքները կարող են, հակառակ տարածուած առածի, ապացուցանել, որ երկրի խորհրդաւոր պատճառը աւելի շուտ իրողութիւնների իրար ընդհարման մէջ պէտք է փնտռել, քան թէ տրամաբանական վարժութիւնները դիտելու մէջ: Նոր զիտութեան համար շատ յարմար է գալի ննդկական գեղեցիկ լէպէնդան կրակի ծագման մասին, որից երկուու է, որ մինչեւ Անդի, լուսոյ աստուծոյ, ըըմի ջերմեռանդն աղօթքները անկարող եղան նրա համար մի կայծ անգամ դուրս կորզելու, ուրախացող ժողովուրդի ովաննաների հետ զոհաբերութեան արարողութեան ժամանակ իրար քսուող փայտերից առաջացան կենսատու բոցը դարձաւ մի կայծակ:

\*) Համեմատութիւնը գեռ հիմք չէ.

## ԵՈԹՆԵՐՈՐԴ ԴԱՍԱԽՈՍՈՒԹԻՒՆ

Ընտանիքի սօցիօլօգիական հետազօտող թիւնը

Մի իսկական գիտակարգի արժէքը աւելի լաւ երևում է այն բանում, թէ նա որքան ընդունակ է այս կամ այն որոշ հարցը լուծել, կամ նրա հետազօտութեան նիւթի կազմող եղակի երեսյթները վերլուծել, քան թէ նրա ընդհանուր սիստեմատիկ ուսման մէջ: Հասկանալու համար սօցիօլօգիայի կատարած գործը և արդիւնաւորութիւնը, ամենից լաւն է հետազօտել մի քանի կարևոր, նրա քննութեան շրջանը մտնող, պրօբլէմների վերաբերեալ նրա տուած լուծումները: Այս պրօբլէմներից մէկի լուծման մէջ աւելի քան որևէ մի ուրիշի կարելի է տեսնել նորագոյն սօցիօլօգիայի էական տեսութիւնը—որ սօցիալական երեսյթների պատճառը տնտեսականն է և վերջինիս մէջ էլ տրամաբանական իշխող պրօցէսսը, որին իւր մէջ է ամփոփում համեմատական մեթոդը: Այս պրօբլէմը ընտանիքի ծագմանն է վերաբերում, նրա իրար յաջորդող ձևափոխութիւններին, նրա, մօտաւորապէս հասկանալի, ապագայ վիճակին: Ուստի մեր հետազօտութիւնների մէջ աւելի քան մի այսպիսի հետաքրքիր հարցի վրայ պէտք է դարձնենք մեր ուշադրութիւնը:

Աւելի հասարակ, պարզ, տարրական բան չկայ, քան թէ այս նուրբ նիւթի վերաբերեալ մինչև 19-րդ դարու կէսը իշխող կարծիքներն են: Մինչև այդ շրջանը ընդհանուրի կողմից ընդունուած հաւատն այն էր, որ ընտանիքի նոր ձևը մարդկային ցեղի բոլոր շրջան-

Ներում իշխան է առանց փոփոխութիւնների: Ամեն ժամանակ, ասում էր ընդհանուր կարծիքը, ամենահին ժամանակից սկսած մինչև նորը, միշտ էլ եղել է միակին, նահապետական ընտանիքը իշխող ձեւ, ուր որ մարդը և հայրը կեզրոն է եղել և ամենամեծ գատաւորը տնային համայնքի մէջ. նրա կամքին էին ենթարկուած կինը և երեխաները, ազգակցութիւնը կամ նրա տնտեսական փոխանորդը, ժառանգութիւնը, առաջ է գնում բոլոր յայտնի ժամանակներում հօր կողմից. այսինքն հօր կարողութիւնը միշտ տղային է անցնում, երբ վերջինս վաղուց մեռած է լինում, հօրեգորորդիներին: Միայն աւելորդ տեղը ընդունում էին, որ մարդկային ցեղի ամենանախնական ժամանակում, երբ նա ապրում էր այն վայրենի վիճակի մէջ, ինչպէս այդ ու գոյներով նկարագրում է Վիկօն, իշխում էր խառնակ կեանքը, հաղիւ մարդը թողել էր առաջին կենդանական սարսափները.

Dal di che nozze e tribunali ed are

Diero alle umane belve esser pietose \*)

այն ժամանակից սկսուեց և գարեր շարունակ անփոփոխ շարունակուեց նաև միակին ձեւ կամ եթէ ձեր Գոօնտի նման ասենք, Աստուծոյ մտքերը տնային և սեռական կեանքի իրականութեան մէջ մարմին դարձաւ:

Սակայն համեմատական մեթոդը, այսօրուան սոցիօգիայի փառքը, վերջին ժամանակներս փշրեց յանկարծակի գիտնականների վարդագոյն երազները և հետազոտութեան զանազան ասպարէզներում մի վճռական յեղափոխութիւն առաջ բերեց: Արդէն քաղաքա-

\*) Այն ժամանակից, երբ մարդ կենդանուն կարեկցութիւնը տուեց հարսանիքը դատարաններ և որպազան բեմեր:

տնտեսութիւնը ընդարձակելով իւր հետազոտութիւնները մինչև պատմական ժամանակի արշալոյսը, հասաւ այն բանին, որ հին երազը, մասնաւոր սեփականութեան բնական և մշտական բնաւորութեան վերաբերեալ, կարողացաւ հերքել և բաց արաւ մի քանի դասեր տեղու այնպիսի շրջանի գոյութիւն, երբ մարդկութիւնը գտնում էր համայնական սեփականութեան իշխանութեան տակ: Այս ձեռվ պարզաբանուած նախաշխարհը չունէր բարբարոսութեան կամ վայրենի արիւնաբրութեան բնաւորութիւն, ինչպէս իրենց նպատակի համար ուղղում են պնդել նրանք, որոնք մասնաւոր սեփականութեան մէջ քաղաքակրթութեան մի էական պայմանն են տեսնում: Ոչ, այս պրիմիտիվ մարդկութիւնը, որը ունէր համայնական սեփականութիւն, իւր քաղաքավարութեան և բարքերի յարաբերութեան նըրբութիւններում, մեր հասարակութիւնից, որը իրեն քաղաքակրթուած է համարում, աւելի լաւ էր: Ամենըն էլ տեսնում են, որ այս մարդկային իրերն ու հաստատութիւնները զիտելու կարգի ու ձեր մէջ մի խորը յեղափոխութիւն էր մտցնում: Պատմութիւնը, մտքի այդ սարսափելի բռնկող ոյժը, պէտք է նախապաշարման և սնուտիապաշտութեան շատ աւատական ժայռեր փլշը, որ կարողանար նրանց փլատակների վրայ ճշմարտութեան պայծառ տաճարը կառուցանել: Երբ համեմատական հետազոտութիւնը փշրեց այն ամրութիւնները, որոնք արգելք էին հանդիսանում նրան պատմական ժամանակի սկզբներում և համարձակ մտաւ նախապատմական ժամանակի առասպելական շրջանները, սոցիօգիան կարողացաւ միակին, հայրական ընտանիքի յաւիտենականութեան մասին եղած առասպելի ամբութիւնները փշրել: Նա զարմացած դիտողի առաջ քացարաւ մի նախաշխարհի գոյութիւն, երբ ընտանիքի

յայտնի է, առատանվում է՝ 5—5<sup>1/2</sup>%, մէջ, իսկ թթու շիշ ճուկի մէջ նրա քանակութիւնն աւելի ևս քիչ է, որովհետեւ նրա մի մասը դառնում է կաթնային թթուում։ Այս շիճուկը, որ ստացվում է մակարդով շիճուղ պանիրներից, աւելի արժեքաւոր է, քան անմակարդ պանիրներից, ստացվուածքու, որովհետև վերջին դէպքում համարեա ամբողջ կաթնային շաքարը դառնում է կաթնային թթուում, մինչդեռ ստամոքսանիւթիւն անմիջական կերպով ներգործում է կագեյինի վրայ առանց կաթնային շաքարը կաթնային թթուում գարձնելու։ Ամենից աւելի արժեքունի շիճուկը իրու խոզերի կերակուր, երբ նրանց կամեանում են գիրացնել, իրեւ մսացու, որովհետև կաթնային շաքարը նպաստում է իւղ կապելուն։ Շիճուկով չէ կարելի սակայն կերակրել խոճկորներին, որոնք կարող են այդպիսի կերակրից փորլուծութիւն ստանալ։ Խոզերին շիճուկը տալիս են այն ժամանակ, երբ նրանք արդէն 3 ամսական են դարձել և սկզբում իւրաքանչիւրին օրական ոչ աւելի քան 3—4 շիշ հետզետէ աւելացնելով բաժին ները, սակայն ոչ աւելի 7 շիշ։ Ամենից լաւ է գործ ածել խոզերին կերակրելու համար նոր միայն ստացուած թարմ շիճուկը, ապա թէ ոչ երկար պահելուց շիճուկի կաթնային շաքարը լուծվում, փշանում է և ինքը շիճուկը կորցնում է իր անդարար յատկութիւնը։ Շիճուկով կարելի է կերակրել և ուրիշ կենդանիների, օրինակ, կովերին, բայց պէտք է խուսափել շիճուկը հորթերին տալուց։

Այս շիճուկը, որ ստացվում է պանիրն անքաշ կաթից շինելիս, իր մէջ պարունակում է գեղութաւականաշափ քանակութեամբ իւղ, որ դուրս է գալիս մէրուածքը մանրացնելիս։ Ուստի և այս տեսակ շիճուկը շահաւէտ է քանեցնել իւղ ստանալու համար։ Այս նպատակին ամենից աւելի լաւ համում ենք հետևեալ կերպով թարմ շիճուկն անց են կացնում սեպարատորնի և տշխատում ստա-

կալ, որքան կարելի է, թանձր տեր (10 շիշ շիճուկից շիշ սեր)։ Այս սերը, առանց նախապէս թթուսեցնելու, իսկոյն ածում են խնոցու մէջ ու հարում է նթէ գործը լաւ է կատարուած, շիճուկից ստացուած իւղը համարեա թէ չէ տարբերվում իր համով սովորական կարագից, բայց չէ կարող երկար դիմանալ, ուստի պէտք է նրան կամ անյապաղ ծախեր և կամ տանը գործ ածելու հէսց այս ապակաւ գիմացկունութեան պատճառով էլ շիճուկից ստացուած կարգի գինն աւելի ստոր է քան անրից ստացուած կարագինը։ Այս թանը, որ ստացվում է շիճուկից իւղ հարելիս, նոյն արժեքն ունի, ինչ որ քաջած կաթը մակարդելուց յետոյ ստացնուածը և նոյն տեսակ էլ գործադրութում է։

### VIII Գ Լ Ո Ւ Խ

Մածնի, քրուասերի եւ լուի պատրաստելը

Մածունը խիստ օգտակար կերակուր է շնորհիւ այն բարերար ազդեցութեան, որ նա գործում է մարսողութեան վրայ։ Կերջին ժամանակ սլրօֆէսօր Մեծնիկավառանձնապէս խորհուրդ է տալիս գործ ածել մածունն, իրու ամենօրեայ կերակուր։ Ստորև կը տեսնենք, որ այդ գիտնականը պատրաստում է մածունը փոքր ինչ այլ տեսակ, թէպէտ նման մեր կովկասեան մածնին։

Մածունը պատրաստվում է մի քանի տեսակ։ Այն մածունը, որ պատրաստվում է աւանց մէրանի, կոչվում է ուստական մածուն կամ պրօսօվվաւան։ Աա ոչ այլ ինչ է, եթէ ոչ ինքն իրան թթուած անքաշ կաթ։ Կաթի թթուելը, ինչպէս յայտնի է, առաջանում է կաթնաթթուային եռման բակտերիաներից, որոնք կաթնային շաքարը փոխում են կաթնային թթուուտի, իսկ այս վերջինը նպաս-

ները անհետ չկորան դասական հին դարի անկման հետ։ Միջնադարի կեանքում էլ մնացին նրանք, ոչ թէ արիստօկրատ կամ քաղաքացիների դասակարգերում, այլ այն արհամարհուած և օրէնքից զրկուած խաւերում, որոնց մէջ մի տեսակ ժառանգականութեան ազդեցութեան տակ նախամարդկութեան կեանքի ուրուագծերն են վերաբարդում։ Օրինակ յայտնի է, որ միջնադարեան Գերմանիայում ճորտերի որդիները մօր իրաւական դրութիւնն էին ստանում։ Ամենից առաջ պէտք է նկատել, որ կախարդուհիների մասին եղած բոլոր առասպեկներն ու ուրուականների պատմութիւնները, մօր իրաւունքով կազմուած ընտանիքի դրօշմ են կրում, որ կախարդուհիների ժողովներում մայր կախարդունուն են աղօթում և նրան են օգնութեան կանչում և որ նրանց բոլոր կախարդական խօսքերը մօր գերակոռող իրաւունքի մասին են յիշեցնում։

Բացի այդ այն նշխարները մի առանձին նկատողութեան արժանի նշանակութիւն են ստանում, չնորհիւ այժմ ապրող վայրենի տոհմերի ընտանիեկան կազմակերպութեան ուսումնասիրութիւնից ստացած նորագոյն գիւտերին։ Ամենից առաջ գիւտն արել է Մօրգանը այն արենակցական յարաբերութիւնների մասին, որոնք էապէս մօր իրաւունքը հիմք ունին, որոնք կան ամերիկական իրոկեղների մէջ։ այս հանգամանքը վերջապէս հնարաւոր է դարձնում սոցիոլոգիայի համար մարդկային ընտանիքի առաջին ձևերի մասին համադրական և գրական եղբակացութիւններ անել։

Այս ամենանախնական ձևերի տիպիկ ընդհանուր բնոյթը այս է. ընտանիքի կեղոնը մայրն է և նրա հետ է կապուած ազգակցութեան և յետնորդների բոլոր յարաբերութիւնները։ Տղամարդը ապրում է կնոջ տանը և հնթարկւում է նրան։ Որդիները ժառանգում

են ոչ թէ հօրից, այլ մօրից։ Երբ մի տղամարդ մեռնում է, նրա ստացուածքը իրը ժառանգութիւն անցնում է, ոչ թէ որդիներին, այլ կնոջ եղբայրներին, բոյը բերին կամ որդիներին։ Ինչպէս տեսնում էք այստեղ կայ մի այնպիսի տնային կազմակերպութիւն, որը մեր այժմուայ ունեցածին բոլորովին հակապատկեղ է։ Բայց այս տնային կազմակերպութիւնն էլ ունի շատ իրար յաջորդող և յառաջադիմող բաժան բաժան եղած ձևեր։ Ամենահին և կոպիտ ձևը խմբական ամուսնութիւնն է, ուր իշխում է կատարեալ արիւնախառնութիւն։ այստեղ բոլոր տղամարդիկ բոլոր կանանց հետ ամուսնացած են։ Աղատ կողակցելը առաջին կրծատումը ստանում է նրանով, որ արգելում է ամուսնութիւնը ծնողների և որդիների մէջ։ և ապա մի աւելի ևս կրծատումն, երբ ամուսնանալու արգելք է դրում եղբայրների և քոյրերի մէջ։ այնպէս որ շատ անհատներ «ամուսնութեան մէջ ընկերներ են» (իրօկէզների լեզում Պոնալա որտեղից և ընտանիքի այս ձևի համար տերմինն է Պոնալա ամուսնութիւն) շատ կանանց հետ, որոնք նրանց քոյրերը չեն։

Մի քայլ առաջ է գնում կարգը։ Երբ հանդէս է գալի էրօգալին, երբ արգելք է դրում ամուսնանալ իրար հետ այն անհատներին, որոնք նոյն տոհմին են պատկանում կամ նոյն կնոջ տոհմից են սերւում։ Երբ մարդ մտածում է, որ տարբեր տոհմեր սովորաբար տարբեր տեղեր էին ապրում և տարբեր համայնքների էին պատկանում, գուրս է գալի, որ այս կարգն էլ մեր մտածողութեան կատարեալ հակատիպն է, որը և արտայայտում է պարզապէս հետեւեալ առածում։ Կանանց և եղջիւրաւոր անսառուններին քո երկրից միայն առ—, Վերջապէս վերջին քայլն էլ անում են արգելք դնելով ամուսնանալ այն անձանց իրար հետ,

որոնք արդէն ամուսնացած են և այսպիսով առաջ է գալի միակնութեան կարգը: Բայց կազմակերպուած միակնութիւնն էլ դեռ մօր իրաւունքն է ճանաչում և մօր իրաւունքն է նօրմաներ տալի աղքակցութեան և յաջորդների վերաբերմամբ: Այսպիսի կազմակերպութեան մէջ կնոշ ունեցած առանձին նշանակութիւնը կանացի սեռին մի գերակշռող նշանակութիւն է տալի տնային և սօցիալական համայնքի մէջ, բոլորովին հակառակը նրան, ինչ որ տեսնում ենք քաղաքակրթուած ժողովրդների մէջ: Վերջիններիս մէջ տղամարդը տէր ու պաշտպան է ընտանիքում, ինչպէս և հասարակութեան մէջ. ընդհակառակը, ուր մօր իրաւունքն է իշխողը, կինը ամենամեծ իրաւունքն ունի. տան կառավարիչը միայն նա է, նա է կրօնական գործը կատարում և իշխում է տան պատերից գուրս, համայնքի խորհրդածութիւններում: Դեռ 1873 թ. Սենեկայի իրակօղեան տոհմի քարոզիչ նէվ. Կոփալը գրում էր. «Այս տեղ տունը կառավարում է տանտիկինը. կեանքի միջոցները ընդհանուր են, բայց վայ այն անխելք տղամարդուն կամ սիրականին, որը համարձակուեց այստեղից մի բան վերցնել: Եթէ նա ունենայ շատ երեխաներ և կարողութիւն, ամեն վայրկեան կարող է հրաման ստանալ, կապկպել իւր տնային կարասիները և հեռանալ, եթէ չըլսի, նրա բանը վատ կըլինի: Եթէ մի տատ կամ մայր կամ մօրաքոյր չմիջնորդէ նրա համար, չպէտք է մի այլ կլան գնայ և այնտեղ նոր կին փնտոէ: Կլանում, ինչպէս և ամեն տեղ, տանտիկինները ամենամեծ ոյժն ունեն. նոքա ընտրում են տոհմի գլխաւորներ, նոքա չեն քաշում, երբ կարիքները պահանջում են, մի տոհմի գլխաւորի եղջերները (հրամայելու նշաններն են) գլխից վեր առնելու և նրան կըկին հասարակ գինուորների շարքը դասելու: Այս

տանտիկինների իշխանութիւնը. այս ներկայ աշխարհն է գլխիվայր շրջած. սա իրերի մի այնպիսի դրութիւն է, որ մենք հազիւ ենք ըմբռնում շնորհիւ մեր կարձատես և միակողմանի հայեացքների, որոնք հիմնուած են պատմական և քաղաքակրթուած ժամանակի կարձատես փորձառութեան վրայ: Որպէս զի որոշ չափով մի գաղափար կազմենք այս պրիմիտիվ, մօր իրաւունքը իշխող, գրութեան մասին, պէտք է յիշել մեղուների թագաւորութիւնը, այստեղ էլ կառավարում է մի թագուհի, որը ամբողջ խմբի մայրն է. նրա մօտ կան բոռերը, որոնք ոչ մի այլ պարտականութիւն չունեն, բայց եթէ սերունդը աճեցնել և երբ այս վերջացնում են, փեթակից գուրս են մզուում: Խոկ եթէ մենք ուզում ենք, ինչ գնով էլ որ լինի, մեր կեանքում մարդկային ցեղի միատեղ կեցութեան հին ձեերի գոնէ անդոյն արտայայտութիւնը գտնել, կարող ենք յիշել թէ ինչ պատահեց Միացեալ նահանգների Միչիգան քաղաքում. այստեղ երբ կանայք համայնական խորհրդում բազմութիւն կազմեցին, բոլոր հասարակական պաշտօնները կանանց համար մենաշնորհ դարձրին, բացառութեամբ միայն մէկի, հասարակական փողոցի անց ու գարձի, որը նրանք մեծահոգութեամբ ուժեղ սեռին ցանկացան թողնել:

Զնայելով մօր իրաւական կարգի բազմաթիւ առանձնայատկութիւններին և զարմանալիութիւններին, որը ստեղծագործութեան ամենավսեմ և ամենաընտրեալ էտկին, ինքնազոհութեան և սիրոյ, ինքնազրկողութեան և մաքրութեան իրականացմանը տնային և քաղաքացիական առաջնութեան պատիւն է տուել, այնուամենայնիւ արժանի է համակրանքի ու զարմանքի: Երբ սօցիօգիան պրիմիտիվ տնային այս ձեի առաջ իւր անպայման զարմանքը յայտնելուց յետոյ սկսում է նրա

առաջանալու պատճառների օրեկտիւ ըննութիւնը, տեսնում ենք ինչպէս այդպիսի մի հոգեկան կազմակերպութեան մէջ նիւթական կեանքի ամենատովորակոն և պրօզայիկ գործօններն են դեր կատարել: Մի քանիտների կարծիքով մօր իրաւունքի առաջնութեամբ կազմուած ընտանիքը հետեւանք է նախնական արիւնախառնութեան կամ բազմատրամադրութեան, որի համաձայն հօր իրաւունքի մասին քննութիւնը այլ ևս ինքեան անհնարին է դառնում: Սակայն այս բացատրութիւնը չի բաւականացնում, որովհետեւ արիւնախառնութիւնից յետոյ էլ մօր իրաւական առաջնութիւնը մնում է միակնութեան ձեր հետ ևս: Մօր իրաւական առաջնութեան իսկական պատճառը պարզ կհասկանայ նա, ով իւր ուշագրութիւնը կդարձնի տնտեսութեան նախնական կազմին: Իսկապէս տնտեսական կեանքի սկզբին արտադրութիւնը, որ կատարւում էր հողագործութեամբ, բացառապէս կանանց ձեռքին է լինում, մինչդեռ մարդիկ կամ կուռով են զբաղուած կամ մի այլ, ոչ արտադրող, գործով: Որովհետեւ արտադրութեան առաջին սաղմը կինն է եղել, պէտք է որ միայն նրան յանձնուած լինէր ընտանիքի զատ զատ անդամների ոյժերը կազմակերպելու և կարգի դնելու գործը մի ընդհանուր զեկավարութեան ներքոյ: Նախնական ընտանիքի կեղընը, որի շուրջը պիտի խմբուէին անդամները, կարող էր միայն մայրը լինել և նրա վրայ պիտի հիմնուէին ազգակցութիւնն ու յաջորդների յարաբերութիւնները: Այս ձևով սկզբնական ընտանիքի, մօր իրաւական առաջնութեամբ կազմակերպուած իսկական հիմքը տնտեսականն էր:

Տնտեսական հիմք ունի նաև մօր առաջնութեան կարգին համապատասխանող էքսօգամին: Այս կարգի պատճառները բացատրելու համար յայտնի սօցիօլօգ-

ները աշխատել են և սրա վերաբերութեամբ մի շարք բացատրութիւններ են մտածել, մէկը միւսից պակաս գոհացուցիչ: Մակ լենանը կարծում է, որ էքսօգամին նախնական տոհմերի սիստեմատիկ առաջ տարած իգական սեռի երեխաների սպանութեան արդիւնքն է և այս բանը մարդկանց ստիպել է ուրիշ տոհմերից կանայք առնել: Անհաւատալի բացատրութիւն. Եթէ յիրաւի նորածին աղջիկների սպանութիւնը մի համատարած կարգ էր նախնական ժամանակներում, պէտք է ուրեմն և օտար տոհմերը գործադրէին այդ և այն տղամարդը, որը իւր տոհմում իրեն ընկերուելի ընտրելու դէպքում գփուարութիւնների էր հանդիպում, նոյնքան պիտի դժուարանար օտար տոհմերում ճարել: Յետոյ եթէ իգական սեռի մասուկներին սպանելովը տոհմի կանանց թիւը պակասում էր, կաիւն էլ մարդկանց թիւն էր նուրացնում և այսպիսով նորից հաւասարակութիւն առաջ կգար: Հստ Լուքրոկի նախապատմական մարդու համար էքսօգամին միակ միջոցն էր իրեն համար մի կին ճարել որը միայն իրեն պատկանէր, որովհետեւ նոյն տոհմում ծնուած կանայք իրաւապէս համարում էին տոհմի բոլոր մարդկանց կանայք: Բայց մի այսպիսի բացատրութիւն անընդունելի է, որովհետեւ շատ տոհմեր, օրինակ Պալոս կղզում ապրողները, օտար կանանց յափշտակութիւնը հենց նրա համար են գործադրում, որ խմբական ամուսնութեան կարգը հաստատեն: Մօրգանն էլ իւր կողմից հաւաստիացնում է, որ արինախառնութեամբ եղած ամուսնութիւնից առաջացած ֆլասակար հետեւանքներն են առաջ բերել էքսօգամին: Այս բացատրութիւնից երեսում է, որ վայրենիները կենսաբանական և բժշկական տեղեկութիւններ ունեին, որը գփուար է ենթագրել: Բացի այս ձիւտ չէ, որ էքսօգամին միանգամայն

բացասում է ազգակիցների ամուսնութիւնը. Նա չի արգելում, որ երկու անհատներ միևնոյն հօրից, բայց տարբեր տոհմերի պատկանող մայրերից իրար հետ ամուսնանան: Շտարկէն այն կարծիքի է, թէ էքսօգամին-այն իրողութեան արդիւնքն է, որ առաջին ժամանակ-ներում, երբ կինը մարդու սեփականութիւնն էր, ան-պատշաճ համարեցին, որ մայրը ամուսնանայ իւր որ-դու հետ և այսպիսով նրա սեփականութիւնը դառնայ-թէն ոչ մի արժէք չենք տալի այն բանին, որ առաջին ժամանակներում կինը իրը թէ մարդու սեփականու-թիւնն էր, մինչդեռ ընդհակառակը նա իշխողն էր, այ-նուամենայնիւ Շտարկէի կարծիքը մօր և որդու ամուս-նութեան արգելքին է վերաբերում և ոչ էքսօգամիայի ընդհանուր երևոյթին: Սպէսսէրը վերջապէս բացա-տրում է էքսօգամին իրը արդիւնք այն առանձին յար-դանքի, որ օտար տոհմից իւր համար կին գողացող մարդը ստանում էր և այն կարծիքի արդիւնք, որ մր-օտարի հետ ամուսնանալը մարդու աչքի էր զցում և յարգանք էր առաջ բերում: Բայց այս բացաարութիւնը մոռանում է, որ յափշտակելով ամուսնանալու սովո-րոյթը մօր ընտանիքում ունեցած իրաւական դրութեան նախապատմութեան կարգից մի քանի դար յետոյ է եղել և իրեն առաջին երևոյթ էքսօգամին է հանդէս ե-կել, ուստի անկարելի է որ այս կարգի սկիզբը կամ առիթը լինէր:

Էքսօգամիայի հիմքը հէնց առաջին անգամից պարզում է, երբ մարդ ուշադրութեան է առնում առաջին ժամանակների անհրաժեշտ պահանջները: Էք-սօգամին նրա համար է, որ սկզբնական ընտանիքան խմբերի թիւը սահմանափակի, և այս ձեռվ նրանք բա-ժանուած են իրարից ընտանիքի անդամների վրայ դր-րուած այն արգելքով, որ իրար հետ չամուսնանան-

այս ձեռվ եղած զատումն դիւրացնում է առանձին խմբերում կազմակերպել մի գործունեայ աշխատանքի միացումն: Էքսօգամին կարող է այս ձեռվ կազմուած տնային խմբերը աւելի ընդարձակել երբ յիրաւի մի տոհմի տղամարդիկ թողնում են իրենց տոհմը, մի կող հետ միասին ապրելու համար, այն ժամանակ իսկապէս այդ ամուսնութիւնը բազմացնում է այն ընտանիքի խմբի թիւը, որին պատկանում է կինը. մի շատ օգ-տակար յաւելումն, որով թէ աշխատանքի բաժանումն և թէ աշխատանքի միացումն աւելի հնարաւոր է դառ-նում և այսպիսով նրա գործունէութիւնը և արդիւնա-ւորութիւնը աճում է: Այս է էքսօգամիայի իսկական հիմքը. Նա մի նպատակայարմար տեղեկատու միջոց է նախնական ընտանիքան խմբերը սահմանաւորելու, նը-րանց թիւը աւելացնելու և իրը արդիւնք սրա արդիւ-նաբերող ոյժը աւելացնելու:

Մօր իրաւական առաջնութեամբ կազմուած ըն-տանիքի տնտեսական գործոններից բացատրելը աւելի է պարզում, երբ հետեւում ենք այդ դրութեան քայ-քայմանը և նրա տեղ նահապետական ընտանիք առաջ գալուն, որովհետև վերջինս էլ էապէս արդիւնք է տըն-տեսական պատճանների և սրանցից ամենազլիսաւորի մասնաւոր սեփականութեան: Յիրաւի մեծ հարստու-թեան դիզումը մարդկանց մէջ ընականօրէն ցանկու-թիւն է ծնեցնում այդ տալ իրենց որդիներին, այս պատճանով նրանց մէջ ուժգին հակարանք է առաջ գալի մօր իրաւական սիստեմի դէմ, որի համաձայն յաջորդներ համարում են մօր քոյրերը կամ սրանց որ-դիները: Հէնց որ մարդկանց մէջ մասնաւոր սեփակա-նութեան կազմելու պատճանով մօր իրաւական կարգի դէմ հակարանք է առաջ գալի, այդ մարդկանց միջոց է տալի այդ դրութիւնը վերջացնել, երբ կին ձեռք բե-

րելը կամ գնելը հնարաւոր է դառնում: Ակզբում մարդիկ իրենց հաւաքած հարստութիւնը միայն օտար տոհմերի վրայ տպաւորութիւն թողնելու և նրանցից կինձեռք ըերելու համար էին գործազրում: Պատմութիւնը սրա վերաբերմամբ տուել է մի դասական օրինակ՝ սարինուճիներին յափշտակելլու: Կանանց այս ձևով ձեռքբելը պատճառ է դառնում մշտական կոխների տղամարդու և կնոջ ծնողների մէջ, ամենայն հաւանականութեամբ սկիզբն այն հակակրութեան, որ վեսան ունենում է աներանց դէմ և որը մինչև այսօր էլ ոչ միայն ֆրանսիական վէպերում, այլ դժբախտաբար և իրական կեանքում էլ գոյութիւն ունի: Հարաւային Ֆրանսիայի մի քանի տեղերում շատ տարածուած սովորութիւն է, որ երբ կինը արդէն մարդու տունն է մտնում, սկսում է ախ ու վախը և վայնասունը հաւանուրէն յափշտակելով ամուսնալու մի հին մնացրդ է: Լատին և Գերման ազգերի մէջ հարսանիքի բազմաթիւ և դարմանալի հանդէսները նոյնպէս կին փախցնելու անխուսափելի հետքեր են: Յաճախ է պատահում, որ յափշտակուած կուած կնոջ ծնողներն ու եղբայրները յափշտակողից վրէժ առնելու ուժու են դնում և նրան սպանում են. այս դէպքում ամուսնութիւնը փոխանակ ազգաբնակութիւնը աճեցնելու պակասեցնում է: Սյս պատճառով մարդկութեան օրդանական զարգացման պահանջը, որ ժողովուրդը աստիճանաբար աճի, ոչնչացնում է վաղ կամ ուշ ամուսնութեան այս ձեր, ժողովուրդը հասկացաւ և առաջ եկաւ ամուսնութեան փոխանակութեան ձևը, որ յափշտակողը կնոջ ծնողներին նուէրներով և փողով գրաւում էր, ապա առաջ է գալի գնման ամուսնութիւն, երբ տղամարդը կին առնելու համար, նրա ծնողների որոշած գինը վճարում էր:

Զարմանալի է տեսնել, թէ ինչպէս տնային նոր

դրութիւնը առաւել կամ պակաս լաւ և վերջնական ձևով հաստատում է, նայելով թէ տղամարդու հարստութիւնը շատ է թէ քիչ: Երբ տղամարդու կարողութիւնը բաւական քիչ է, նա ապրում է կնոջ տանը և ընտանիքը մօր իրաւական առաջնութեան բնաւորութիւն ունի: Երբ ընտանիքը առանձին բնակութիւն է հաստատում, կնոջ կազմած ընտանիքը բնակալօրէն խանուում է նոր ընտանիքի մէջ և այնտեղ իւր օրէնքներն է թելադրաւմ: Երբ տղամարդու միջոցները բաւական չեն կին ձեռք բերելու համար, մի քանի տղամարդիկ միանում են նրան առնելու համար. այսպիսով բազմայրութիւնը հետեւանք է մարդկանց չբաւականացնող բնակութեամբ կարողութիւն հաւաքելուն: Յաճախ, երբ տղամարդը միջոց չունի կնոջ համար որոշուած ամբողջ գինը վճարելու, ձեռք է բերում կնոջ հաւատաբութեան այն մասը, որ համալպատասխանում է կնոջ համար որոշուած վճարի որոշ մասին: Սպիտակ Նեղոսի ասսանիեթ-արաքները սովորութիւն ունեն, որ մարդը շաբաթուայ որոշ օրերի վերաբերմամբ ամուսնական հաւատաբութիւն պահանջնելու իրաւունք ունի, նայելով թէ կնոջ ծնողների պահանջած գինի որ մասն է վճարել: Երբ մարդու կարողութիւնը այնքան աճում է, որ նա կարող է արդէն կնոջ համար որոշուած գինը ամբողջավին վճարել, միայն այդ ժամանակ կազմակերպում հրաշալի ձևով նահապետական ընտանիքը, ուր որ կինը տղամարդու սեփականութիւնն է, որը գնել է նրան և ինչպէս նրանից ծնուած երեխաները կնոջ վերաբերմամբ մահուան և կեանքի իրաւունք ունի: Իսկ երեխաների վերաբերմամբ անպայման հայրական իշխանութիւն: Դեռ աւելին, մինչդեռ մօր իրաւական առաջնութեամբ կազմած ընտանիքում, որը բազմատեսակ և խան ազգակցութիւն ունէր, կարո-

զութեան ժառանգ էին նշանակուում շատերը և ամենահեռաւորներն իսկ, այստեղ բոլորովին նոր բան է կազմուում չնորհիւ տղամարդի ցանկութեանը, որ ցանկանում էր իւր կարողութիւնը ազգակիցների տմենանեղ շրջանում պահել։ Այսպիսի հակառակութիւն, որը այնքան աւելի բնական է դառնում և աւելի ուժեղանում, որքան տղամարդու անհատական կարողութիւնն է աճում, նպաստում է կնոջ իրաւական առաջնութեամբ կազմուած ընտանիքի մէջ եղած բազմապիսի ազգակցութեան աւել վաղ կամ ուշ աւելի սահմանափակ ու նեղ արիւնակցական ազգակցութեան առաջ գալուն։

Ինչպէս երեւում է, տնային յարաբերութիւնների մէջ էլ տեսնում ենք, որ ուղղափառներին շատ սիրելի անփոփոխ մշտականութիւնը կորչում է և տեղի է տալի կարգերի ու ձևերի անհանգիստ փոփոխականութեան։ Նահապետական ընտանիքը, որը դարեր է տեղել մնալով կամ անփոփոխ կամ քիչ փոփոխութիւններ կրելով միշտ գոյութիւն չի ունեցել, այլ նրանից առաջ եղել է նրան բոլորովին հակառակ կազմակերպուած ընտանիկան կազմ, որի վրայ կառուցուել է սօցիալական այնպիսի դրութիւն և այնպիսի քաղաքակրթութիւն, որ մերին բոլորովին նման չէ։ Այսպիսով մի կարգ, որը անցեալի փորձով է առաջ եկել, ապագայի պատմական բնոյթի ծրագիրն է տալի։ Այժմ աւելի ևս անվիճելի փաստ է, որ ընտանիքի այսօրուայ դրութիւնից առաջ մի բոլորովին տարբեր և հակառակ կազմակերպութիւն է եղել. այս հանգամանքը մեղ իրաւունք է տալի եղրակացնելու, որ ընտանիքի ներկայ դրութիւնը, ինչպէս անցեալում մշտական չի եղել, սոյնպէս և ապագայում մշտական չի լինելու, որ ընդհանրապէս ընտանիքի ներկայ բնոյթը անմեռ չէ և որ կըգայ մի օր, երբ ներկայ տնային կարգը մի բոլորու

վին տարբեր և աւելի բարձր ձևի տեղի կտար։ Սրանով մենք իհարկէ չենք մտածում ստորագրել այն ուտոպիստների ասածները, որոնք մօր առաջնութեամբ կազմուած ընտանիկան ձևը գտնելով բաւական են համարում ցոյց տալու, որ շատ շուտով ընտանիկան յարաբերութիւններում յեղափոխութիւն է լինելու և մարգարէանում են, որ կնոջ նախապատմական գերիշխանութիւնը նորից վերադառնալու է։ Մարդկութիւնը չի կրկնում և պատմութիւնը, որը իւր խորհրդաւոր պլոցէսսի մթութեան մէջ, իրու մի վարպետ անհրաժեշտ վերարտապրութիւններն է կատարում, այնուամենայնիւ երբէք մի անգամ թողած ձևերը չի կրկնում։ միայն թէ նոյնը աւելի զարգացրած և աւելի բարձր դրութեամբ նորոգում է և կրկնում։ Այս պատճառով կարելի է, առանց մարգարէ լինելու, առաջնուց ասել, որ մօր իրաւական առաջնութեան օրերը այլևս երբէք չեն կրկնուի և որ ընտանիկան խմբակի այս ձևը երբէք յարութիւն չի առնի։ Միաժամանակ կարելի է առաջնուց ասել, որ ընտանիքի այսօրուան ձևը, որը ամենաանմիտ չափերով սրբագրուծում է տղամարդու բռնակալութիւնը, պէտք է տեղի տայ մի աւելի մեղմ և աւելի մարդկային սեռական միակեցութեան ձևի, Բոլորովին հակառակ մօր իրաւական առաջնութեամբ կազմուած ընտանիքի, նահապետական ընտանիքը նզովում է կնոջը, ձգելով նրան մի մշտական մարդուն հպատակելու դրութեան մէջ և նրա կրքոտ ցանկութիւնների կովման մէջ։ Այդ ժամանակներում ենթարկուելը իսկական ստրկութեան մի կոպիտ ձև էր ստացել. բայց մեր ժամանակներում էլ գեռ շարունակւում է ստրկութիւնը, թէս քիչ թէ շատ սքողուած ձևերով և աղտօտում է ամուսնութիւնն ու ընտանիքը ցաւալիօրէն։ կինը, ինչպէս արդէն հարիւր անգամ էլ

ասուեց, այսօր էլ դեռ անչափահաս է ձանաչւում. օրէնքի տեսակէտից աւելի շուտ իսկապէս խնամարկուներին, զրկուածներին և խելագարներին հաւասար է դրւում: Նա չի կարող առանց իւր մարդու վաւերացման որևէ աչքի ընկնող բան կատարել. վերջապէս նա իւր վարձի արդիւնքից զրկուած է. նրանից խլուած է նրա իւր երեխաների վրայ ունեցած ազգեցութիւնն ու նրանց վիճակի որոշելլը, նրանց կրթութիւնը և նրա կարողութիւնը: Իդուր են աշխատում արական սեռի պաշտպանները այս զրկումը արդարացնել ասելով, որ կանայք ֆիզիկապէս, մտաւորապէս կամ բարոյապէս պակաս են: Այս պակասաւորութիւնը անպայման չի ապացուած և այս բանը կարելի է մօր իրաւական առաջնութեամբ կազմուած ընտանիքի օրինակով միանգամից հերքել, որից երկում է, որ կինը իւր վատ կըրթութեան շնորհիւ փշանալուց և իւր անօգուտ գոյութիւնը դատարկութիւններով ուժասպառ անելուց առաջ ընդունակ էր ընտանիքի և հասարակութեան բախտը դեկավրելու: Ծղամարդկանց իրաւունքների կատաղի առաջամարտիկները կարող են դադարել սովիետական ապացույցներով ընտանիքի մի այնպիսի դրութիւն պաշտպանել, որը առաջ է եկել սոցիալական ձևերից և որը դատապարտուած է անհետանալու: Աւելի խելացի, նպատակայարմար և տրամաբանական է մի ըստ ինքեան իւր էութեամբ սխալ կարգի կարծման հնթարկուելը ընդունել և պատմութեան աշխատանքին նպաստել որը անհրաժեշտաբար այն կողմն է ուղղուած, որ այդ ձևը ոչնչացնուի:

Այս նպատակին է ձգտում կանանց շարժումը, որը մեծ մասամբ առաջապէս ազգերի մէջ յաղթանակում է. որը ի հարկէ, ինչպէս իւրաքանչիւր նոր ծնող ազիտացիա, չափազանցութիւններ ու սիալներ ունի, բայց այ-

նուամենայնիւ մերժել այն շարժումը անօգուտ է, քանի ընտանեկան կարգերի պատմական լինելութեան մէջ ձշմարտութեան մեծ հիմքեր ունի և այժմուայ եղածի մէջ էլ արհամարհանք է գտնում: Անպայման կանանց շարժումը եպերելի կլինէլ, եթէ նա ձգտէլ մեր կանանցից մայր իշխողներ պատրաստել կամ ընտանեկան միակեցութեան ամենահին ձեւը վերակենդանացնել: Բայց երբ նա այդպիսի պահանջներից հեռու է մնում և բաւականանում է հասնելու այն բանին, որ կինը ընտանիքում և այնտեղից գուրս տղամարդուն հաւասար ձանաչուի, մենք պէտք է այս դէպրում նոր քարոզութիւնը ամբողջ սրաով համակրենք և ողերութեամբ նրա ջատապովների մէջ մտնենք:

Ի միջի այլոց յառաջաղէմ ժողովրդների օրէնսդրութիւնը աճող ոյժով մօտենում է նոր քաղաքակիրթ օրէնքին: Այս բանը եղել է նօրվէդիայի օրէնքներով յունիսի 29-ին 1888 թ.-ին. Ժընկի կոնսունը 11-ն նոյեմբերի 1894 թ. դանիականը 1-ն օգոստոսի 1899 թ.: Նոր Զէլանդիայի և գիրմանական քաղաքացիական օրէնքները, որ մինչև այժմ եղած օրէնստուներից գըրուած կնոջ անընդունակութիւնը ամենախայտառակ կերպով պահում էին, այժմ ամուսնացած կնոջ սեփականութեան իրաւունքը և իւր աշխատանքի պտուղների վայելումը ընդունում են: Միաժամանակ ամուսնալուծութիւնը քաղաքակիրթ երկրներում հնարաւոր է դառնում ոչ միայն կնոջ, այլև մարդի յանցանքի պատճառով և այսպիսով երկու ամուսինների հաւասարութիւնը մի այսպիսի ծանրակշիռ ինդընում վերականգնում է: Միւս կողմից այն թէ ովէ մի երեխայի հայրը եղել այդ բանը որոշելու դէմ եղած օրէնքի ընդդէմ մղուող ազիտացիան աւելի քան կազմակերպում է և ընդարձակուում: Առաջադրուում կամ հաստատուում

են շատ ուրիշ օրէնքներ, որոնք նպաստում են գոնէ մասամբ երկու սեռերի իրաւական դրութեան հաւասարման գաղափարին:

Տղամարդուն կնոջը կատարելապէս իրաւապէս հաւասարեցնել անպայման, միշտ էլ անհնար կլինի, քանի որ կապիտալիզմի յատուկ տնտեսական տարրերութիւնը գոյութիւն կունենայ: Թանի որ իսկապէս տնտեսական տարրերութիւնները թոյլ են տալու և օրինաւոր են ճանաչելու մի դասակարգի միասին շահագործելը, դեռ ևս մի սեռի միւսին շահագործելը անպայման և անհրաժեշտ կլինի: Շահագործումը շարունակում է աշխատաւոր դասակարգի մէջ, ուր որ տղամարդը կնոջը կամ դաշտն է քշում կամ գործարանը, որպէսզի նա աշխատի ընտանիքի պահպանութեան համար, պարզապէս և ցաւալիօրէն անտես առնելով մայրական պարտքերը չկատարելը: Սա է, ցաւում եմ ասել, ներկայում կնոջ շահագործման հետևանքը, որովհետև սօցիալական տեսակէտից աւելի տխուր բան չկայ, քան ամուսնացած կնոջ արհեստաւորական աշխատանքը և մանաւանդ մօրը, որի ոյժերը, երեխաներին բարձր և ընդարձակ դաստիարակութեան պարտքից խլում են, հանւում: Իմ կարծիքով պատահական բան չէ, որ անգլիական վիլխոսփայական լեզուն իւր գոեհիկ արտայայտութեան մէջ մինչոյն խօսքը (spinster) գործ է ածոււ աղջիկ և մանողունի ասելու համար, միաժամանակ ցոյց տալու համար, որը գուցէ նախկին ժամանակներում, երբ գաւառական լեզուն է կազմուել և համապատասխան դրութիւն կար և որը բնութեան անդիմադրելի հրամաններին էր համապատասխանում, թէ միայն առնական կինը արտադրութեան աշխատանքով կարող է զբաղուել: Սակայն հարուստ դասակարգը կանանց շահագործելը շարունակում է,

թէկ այլ ձևով, որտեղ տղամարդը իւր կնոջ օժիտի շնորհիւ յաճախ իւր համար մի պատուաբեր դատարկապորտթիւն է ստեղծում. բարենորոգութեան ամեն մի փորձ, որ այս դէպքում եղել է, հանդիպել է ամեն տոհմի և ամեն դասակարգի տղամարդկանց կողմից արգելքի, որոնք բոլորն էլ, թէկ զանազան պատճառներից դրուած և զանազան չափով, մի ընդհանուր որոշումով վնասել են: Անօգուտ է ծածկել այդ բանը. ինչպէս կնոջ արտօնութիւնը համայնական սեփականութեան դրութեան բնական կաղմի մի անհրաժեշտ մասն էր, նոյնպէս մարդու արտօնեալ դրութիւնը կապիտալիստական սեփականութեան բնական արդիւնքն է և այս կոռաւխնձորը միջից չի վերջնուի, մինչև որ նորից, թէկ ուշ, այլ ևս անհնարին, ընդհանուր սեփականութեան դրութիւնը, այլ սեփականութեան մի այնպիսի գրութիւն ստեղծուի, երբ անպայման կերպով կապիտալիստական ամեն մի շահագործում վերջանար: Ուրիշ խօսքով — ուժեղ սեռի մենաշնորհը ձնշելու համար, պէտք է կապիտալիստական ստացուածքի մենաշնորհը ձնշնորհը: Տնային և կապիտալիստական բարենորոգութիւնները սերտ կերպով կապուած են միմեանց հետ, մի աւելորդ ապացոյց, եթէ միայն սրա կարիքը լինէր, որ այն անքակտելի կապանքի, որով սօցիալական բազմանկիւնու բոլոր կողմերը տնտեսական գործօնի գոյութեան պայմաններով կապուած են:

\* \* \*

Այսպիսի համառօտ գծերով վերջացնում եմ իմ շաբաթական դասախոսութիւնները. մի նիւթ, որը աւելի խորը քննութիւն է պահանջում. ես կցանկանայի միայն, որ այս դասախոսութիւնները թէկ դժգոյն և մութ, բայց մի գաղափար կարողանային տալ այն

նոր գիտութեան մասին, որը աշխատեցինք լուսաբառնել, թէ նա ի՞նչ է, ի՞նչ է ձգում և ի՞նչ է ուսուցանում: Կարծում եմ, որ ես ցնողքներ չեմ ստեղծում: Մի ապաւորութիւն, որ իւրաքանչյւր ոք ստանում է ով որ իրեն նոր գիտութեանն է նուիրում, թէև նա բախտ է ուսնենում մի այսպիսի դժուար խնդրի համար աւելի պատրաստի ուսուցչից, քան ես եմ, սովորելու, այն է, որ սօցիօգիան դեռ բաւական բաց տեղեր ու էական անկատարութիւններ ունի. այդ բացերը չպէտք է նոր գիտութեան տեսակին վերագրել և սրանով նրա նշանակութիւնը ու մտարական արժեքը հապճեպով թուլացնել: Այսպիսի մի եղբակացութեան դէմ պէտք է ամբողջ ոյժով կռուեմ: Ես կարծում եմ որ մեծ մոլորակների վրայ՝ ևս, եթէ նրանց նորագոյն գիտութեան միջոցներով դիտենք, աստղագիտների անուանած մթութիւններն ու բծերը կգրտնինք: Սակայն ով որ կարողանայ այդ խորհրդաւոր համաստեղծութիւններին մօտենալ և հասկանալ, գուցէ կարողանայ գտնել, որ այդ երեացող բծերը հսկապէս գեղեցիկ դաշտեր են կամ ծիծաղկոտ մարգագետիններ, ոսկէ արմաթիներով լի, շրջապատուած զեղարսւստական լեռներով և կանաչ անտառներով: Ո՞վ կարող է երաշխաւորել, որ այն ինչ որ սօցիօգիայում իրեւ բիծ է երեսւ, նոյնպէս չպէտք է այն բանին վերագրել, որ մենք այս գիտութիւնը շատ հեռուից, մի անհրաժեշտօրէն անկատար խոշորացոյցով ենք դիտել, փոխանակ նրա սրբազն խորհրդաւորութիւնները հասկանալու: Հենց որ մենք այդ բանին հասանք, գուցէ կտեսնենք, որ այդ բծերը հետզհետէ անյատանում են, որպէսզի տեղ տան պտղաբեր և կանոնաւոր կարգաւորուած ճշմարտութեան տեսարանին: Թող մեր հոգիներից հեռու լինի վախկոտ երկուածութիւնը, որը

թուուցիկ վայրկեանի ազդեցութեան տակ առաջ եկած դժուարութիւններից վախում է: Յառաջ, յառաջ կրկնապատիկ ոգեսորութեամբ ընսութեան դժուար կածանով ձեռք բերելու մեծ օրէնքները, որոնք խորհրդաւորութեան և անդրբութեան մէջ ծածկուած են: Միշտ յառաջ, յառաջ, եթէ միասութամանակ մեր ճանապարհը դէպի անապատն է տանում կամ եթէ նրա անդունդները արիւնով բծաւորուած լինին, այնուամենայնիւ կգայ այն օրը, երբ խաւարը կցընենք, ժայռերը կտեսնենք. ամեն կողմը կանաչ և լոյս կտարածուի. այն օրը մենք կստանանք մեր արժանի վարձատրութիւնը մեր ցաւերի և աշխատանքների համար, այն ժամանակ կհամնենք ճշմարտութեան խոստացեալ երկիրը:





«Ազգային գրադարան



NL0189720

